











# କେଦାର ବାୟ

ঐতিহাসিক পঞ্চাঙ্গ নাটক

নাট্যানিকেতনে অভিনীତ

প্রথম অভিনয় রଞ୍ଜନୀ—২২শে চৈত্র, শনিবার, ১৩৪৩ সাল

ইং ৪ঠা এপ্রিল, ১৯৩৬

শ্রীরমেশ গোস্বামী

গুরুদাস চট্টোপাধ্যায় এণ্ড সন্স

২০৩-১-১ কর্ণওয়ালিস স্ট্রীট ... কলিকাতা - ৬

ছই টাকা পঁচাত্তর নয়া পয়সা

ত্রয়োদশ—মুদ্রণ

পৌষ—১৩৬৬

পরম শ্রদ্ধাপ্ৰদ

## শ্রীযুক্ত যতীন্দ্রনাথ পাল

মহোদয়ের করকমলে—

মহাশয় !

সকলেই জানে আপনি কমলার বরপুত্র । কিন্তু আমি জানি শুধু তাই নয়—বাগ্‌দেবীর আশিস্ লাভেও আপনি ভাগ্যবান । নিজের বাড়ীতে অন্যান্ চল্লিশ হাজার টাকা মূল্যের বহু ছুপ্রাপ্য গ্রন্থাদি সংগ্রহ করিয়াও তৃপ্ত না হইয়া, নিত্য নূতন পুস্তকাদির জগ্ৰ অকাতরে অর্থব্যয় করিয়া যাইতেছেন ।

আমার প্রথম প্রচেষ্টার ফল “কেদার রায়” তাই আমি আপনীর হাতে তুলিয়া দিয়া কৃতার্থ বোধ করিতেছি । আমি জানি, নিতান্ত অবিশ্বস্তকর হইলেও, আপনার হাতে ইহার অনাদর হইবে না । ইতি—

১০২, হরি ঘোষ ষ্ট্রীট,

কলিকাতা

১লা বৈশাখ, সন ১৩৪৬ সাল

গুণমুগ্ধ

রসেশ




# নাট্যোল্লিখিত চরিত্র-পরিচয়

## পুরুষ

চাঁদ রায়	বিক্রমপুরের ভূতপূর্ব রাজা
কেদার রায়	ঐ নিষ্ঠা ভ্রাতা ( বর্তমান রাজা )
নারায়ণ রায়	কেদার রায়ের পুত্র
মুকুট রায়	ঐ সেনাপতি
শ্রীমন্ত	ঐ পুরাতন কর্মচারী
বিষ্ণুনাথ	ঐ পত্রলেখক ( মুন্সী )
কালু, সদ্দার	ঐ তীরন্দাজ সৈন্যাধ্যক্ষ
রত্নগর্ভ	রাজ-পুরোহিত
ঈশা খাঁ	খিজিরপুরের নবাব
ফজলু খাঁ	ঐ উজীর
তাহের	ঐ পরিচারক
কার্তালে	পর্তুগীজ জলদস্যু ( পরে কেদার রায়ের নৌ-সেনাপতি )
মানসিংহ	মোগল সেনাপতি
কিলমক খাঁ, রেজাক খাঁ	ঐ সৈন্যাধ্যক্ষ
সাদি খাঁ, ওস্মাক খাঁ	কিলমক খাঁর পার্শ্বচর
অন্ধ বাউল, পুরোহিত, হকিম, বালকবেশী শিক্ষক, ভৃত্য, গুপ্তচরগণ, গ্রামবাসিগণ, বৈষ্ণবগণ, বাঙালী, পর্তুগীজ ও মোগল-সৈন্যগণ, ভিক্ষুকগণ, বাষ্টিয়ালগণ, স্নানার্থীগণ ইত্যাদি	

## স্ত্রী

সুনন্দা	কেদার রায়ের স্ত্রী
সোণা	চাঁদ রায়ের বিধবা কন্যা
রত্না	কেদার রায়ের কন্যা
মায়া	ঈশা খাঁর কন্যা
শাস্তি	শ্রীমন্তের কন্যা
প্রধান নর্তকী, বৈষ্ণবী, পরিচারিকা, বৃদ্ধা, বাদীগণ, নর্তকীগণ, স্নানার্থিনীগণ, পুরবাসিনীগণ ইত্যাদি	



# কেদার বায়

প্রথম অঙ্ক

দ্বিতীয় ~~অঙ্ক~~ দৃশ্য

শ্রীপুর—প্রাসাদ-সংলগ্ন উদ্যানের একাংশ। মাঝে মাঝে লতাকৃষ্ণ ও খেতপ্রস্তর নির্মিত বেদী। এক পাশে একটি ফোয়ারা। দূরে ভবানী-মন্দিরের চূড়া দেখা যাইতেছে। সন্ধ্যা উদ্ভার হইয়া গিয়াছে—আকাশে গুরু সপ্তমীর চাঁদ। মন্দিরে আরতি হইতেছে। আরতির বাগধ্বনি অস্পষ্টভাবে শোনা যাইতেছে। একটি প্রস্তর বেদীর উপর বসিয়া রাজা চাঁদ্রায়েব বিধবা কন্যা সোণা বিষাদক্লিষ্টা, চিন্তামগ্না। স্থানটি অতীব নিরুজন। সোণা একদৃষ্টে আকাশের দিকে চাহিয়া ছিলেন। তাঁহার দুই চোখ জলে ভরিয়া উঠিল। ধীরে ধীরে বস্ত্রাঞ্চলে লুকাইয়া স্বামীর আলোখ্য বাহির করিয়া, অতি আগ্রহ সহকারে তাহা দেখিতে লাগিলেন। কিছুক্ষণ পরে কহিলেন—

সোণা। আজ তুমি কত দূরে! দাসীকে ফেলে চ'লে গেছ, রেখে গেছ শুধু তোমার স্মৃতি! আমি আর কিছু চাই না, শুধু আমার শেষ সম্বল—এই স্মৃতিটুকু তুমি কেড়ে নিও না।

আলোখ্যকে প্রণাম করিতেছিলেন, এমন সময় রত্নার প্রবেশ

রত্না। দিদি!

সোণা আলোখ্য লুকাইয়া ফেলিলেন

রত্না। দিদি! তুমি তা'বেশ মজার লোক দেখছি! ও দিদি!

সোণা। কে? রত্না?

রত্না। এতক্ষণে বুঝি তোমার হ'স হ'ল ?

সোণা। কেন ? কি হয়েছে ?

রত্না। হবে আবার কি ? তুমি এখানে এসে একলাটি চুপ করে বসে  
আছ, আর ওদিকে আমরা তোমায় খুঁজে খুঁজে হায়রাণ ! চল,  
জ্যাঠামণি তোমায় ডাকছেন। আশ্রিত দেখবে চল—ওঠো !

সোণা। রত্না ! জানিস আজ কি তিথি ?

রত্না। জানি নে বাপু ! ওসব পাঁজি-পুঁথির খবরে আমার দরকার  
নেই। তুমি ওঠো—যাবে চল !

সোণা। তুই জানিস না ! আজ শুক্লা-সপ্তমী ! চার বছর আগে আমার  
বিয়ের বাজনা শুনে সেদিনকার চাঁদও ঠিক এমনিই হেসেছিল। আর  
আজ আমার এ পোড়ামুখ দেখেও ঠিক তেমনি হাসছে। উঃ—

রত্না। দিদি ! তুমি আবার সেই সব কথা ফাবছ ? ওঠো—আশ্রিত  
দেখবে চল, লক্ষ্মীটি !

সোণা। রত্না ! তুই এখন যা ভাই। আমায় একটু একলা থাকতে দে !

রত্না। যাবে না ত ? আচ্ছা, জ্যাঠামণিকে এখনি গিয়ে ডেকে নিয়ে  
আসছি—দাঁড়াও, দেখাচ্ছি তোমায় মজা !

প্রস্থান

সোণা ! আমি আর পশ্বি না মা ! আর সহ করতে পারি না, আর  
কতদিন ? মাগো ! আর কতদিন ?

চাঁদ রায়ের প্রবেশ

চাঁদ। মা ! মা ! আবার কঁাদচিস্ ?

সোণা। না ! তুমি বুঝি শুধু আমাকে কঁাদতেই দেখ বাবা ? কই দেখ  
ত আমার চোখে জল আছে কি না ?

চাঁদ। কি ভাবছিলি? দূর থেকে তোকে দেখে আমার মনে হ'চ্ছিল  
যেন বিষাদ মৃতিমতী হ'য়ে তোর বৃকের ভেতর থেকে বেরিয়ে আসছে।  
(সোণা। বিষাদ!

জ্ঞান হাসিলেন

চাঁদ। কি ভাবছিলি মা?

সোণা। কত চেষ্টা করি, কিছুতেই যে মনে শান্তি আনতে পারি নে বাবা!

চাঁদ। কতবার তোকে বলেছি মা, আগুনে পুড়ে পুড়েই সোণা খাঁটি হয়!

দুঃখের ভেতর দিয়েই যে মা জগদম্মা মানুষকে তৈরী করে নেন।

সোণা। সবই বুঝি বাবা, কিন্তু—

চাঁদ। এর মধ্যে কিন্তু নেই মা, অদৃষ্টের সঙ্গে কি কারো বিরোধ করা

চলে? সব দুঃখ-কষ্ট অম্লান বদনে সহ করে নেওয়া ছাড়া অন্য

উপায় ত আর নেই মা। পিঠে তার যত কষাঘাত পড়বে, সব সহ করে

নিতে হবে। নইলে, ভেবে দেখ মা—আমি কত সাধ করে তোর

বিয়ে দিয়েছিলাম। স্বপ্নেও ভাবি নি ছ'মাস যেতে না যেতেই—

সোণা। কিন্তু আমি ত আর কাঁদি না বাবা!

চাঁদ। কাঁদিস নে—আমাকেও তুই ভুলোতে চাস মা?

সোণা নিরন্তর রহিলেন

ভাবনার কি অন্ত আছে মা? মিছে ভেবে কোন ফল নেই—মন দুট

করে, মা ভবানীর পায়ের সব চিন্তা—সব ভাবনা ঢেলে দে।—কে?

রত্নগর্ভের প্রবেশ

রত্নগর্ভ। দেবীর আরাতি শেষ হয়েছে মহারাজ।

চাঁদ। বেশ, বেশ—কি এনেছেন—নিশালা?

মৃত্যুগর্ভ । আজ্ঞে হাঁ ।

গদ । দিন—( নির্মাণ্য গ্রহণ ) মায়ের আরতি দেখা আজ আর আমার হয়ে উঠল না ।

মৃত্যুগর্ভ । মা—

সোণা । না পুরুতকাকা ।

গদ । সে কি মা ? দেবীর নির্মাণ্য—

সোণা । দেবীর নির্মাণ্যে কিছু হয় না বাবা । ওসব বাজে !

গদ । বাজে ? আজ তোর মুখে এসব কি শুন্ছি মা ? যে পবিত্র শাস্ত্রের আদেশ আজ চার যুগ ধরে সকলে মাথা নোচু করে মেনে আসছে—তাকে তুই বাজে বলে উপেক্ষা করিছিস ?

সোণা । উপেক্ষা ত এতদিন করি নি বাবা ! উনিশ বছর ধরে বরাবর দেবীর নির্মাণ্য আমি মাথা পেতে নিয়ে এসেছি । কিন্তু এখন আর আমার মন এ-সব চায় না !

গদ । হুঁ—

চিন্তিত হইলেন

মৃত্যুগর্ভ । মহারাজকে এসব কথা জানাতে নিষেধ ছিল । আজ ছ'মাস কাল সোণামা আরতি দেখাও বন্ধ করেছে—

গদ । তাই ত ! তুমি অত্যন্ত অগ্রায় করছ মা !

মৃত্যুগর্ভ । আমি অনেক বুঝিয়েছি মহারাজ, কিন্তু কোনই ফল হয় নি । কেন যে তোমার মনে ও-সব নাস্তিকতা স্থানলাভ করেছে, আমি ধারণাও কর্তে পারিছি না মা । আশ্চর্য ! মা আনন্দময়ী ! তোমার ইচ্ছাই পূর্ণ হোক মা !

সোণা । এই উনিশ বছর ধরে দেবীর নির্মাণ্য আমি নিয়ে এসেছি ।

কি পেয়েছি বাবা? তোমার সঙ্গে তর্ক আমি করতে চাই না।  
দেবীর নির্মালা নিয়ে মানুষ কি ইষ্ট লাভ করে, আপনি আমায়  
বলতে পারেন পুরুতকাকা?

চাঁদ। ইষ্ট লাভ? ইষ্ট লাভ করা কি সোজা কথা মা? উনিশ বছর  
ত সামান্য! কত শতাব্দী কেটে যায়!

রত্নগর্ত। অত্যন্ত সত্য কথা মহারাজ! তোমরা হবে মা সমাজের  
আদর্শ, তোমাদের দেখেই দেশের সমস্ত লোক শিক্ষালাভ করবে।  
কিন্তু তোমরাই যদি মা সমাজের চোপের ওপর ওই সব নাস্তিকতার  
আদর্শ তুলে ধর—তা হলে দেশ যে রসাতলে যাবে! ধর্ম যে  
লোপ পাবে মা?

সোণা। ওসব লোক দেখানো মিথ্যা আড়ম্বর আমার ভাল লাগে না।  
অন্ধের মত অনেক কিছুই করেছে, কিন্তু এখন আর সৈগুলো করতে  
ইচ্ছা হয় না!

রত্নগর্ত। কিন্তু যুগে যুগে যা হয়ে আসছে—অন্ততঃ লোকাচার জেনেও  
ত তা মানতে হয়?

সোণা। ওসব লোকাচার দেব-দেবীর মহিমা কীর্তনই শুধু করতে পারে!  
মানুষের সত্যিকার কল্যাণ তাতে হয় না! পৃথিবীতে মানুষ অর্থ  
চায়, যশ চায়—কিন্তু সব চাইতে বেশী চায় সে শান্তি! শান্তি  
জিনিসটা ত বাইরের নয় পুরুতকাকা? সে যে সম্পূর্ণরূপে  
ভেতরের! নির্মালা নিয়ে আমি শান্তি পাই না।)

ছুটিয়া রত্নার প্রবেশ

রত্না! এই যে জ্যাঠামনি! ওঃ অনেক কষ্টে ধরেছি বাবা! আজ  
আর কিছুতেই ছাড়ছি না! আমার গান আজ তোমাকে শুনতেই

হবে! ও বাবা! এয়ে দেখছি সব একেবারে গম্ভীর ভোলানাথ  
শক্তিশেলের পর গন্ধমাদন আনতে যাবে কে তারই পরামর্শ চলছে  
নাকি? কি বল? ও জ্যাঠামণি!

চাঁদ। (স্নান হাসিয়া) আমার পাগলী মা! কোথায় ছিলি রে এতক্ষণ!  
রত্না। ওঁসব বাজে কথা রেখে দাও। আমার গান শুনবে কিনা  
তাই বল?

রত্নগর্ভ। অলুমতি হলে আমি এখন আসি মহারাজ!

রত্না। হাঁ, হাঁ—আপনি যান, আপনি যান! এ-সব গান আপনার  
ভাল লাগবে না। চণ্ডী খুলে আপনি নমস্তস্ত্রৈঃ নমস্তস্ত্রৈঃ পাঠ  
করুন গে যান।

রত্নগর্ভ। (হাসিয়া) হাঁ মা, তাই যাচ্ছি।

প্রস্থান

চাঁদ। গান শুনতে আমারও যে ভাল লাগে না মা!

রত্না। ভাল লাগে না! বটে? এই সেদিন তুমি দিদির গান শোন নি?  
আর সবার গান তুমি শুনতে পার, শুধু আমার গান শুনতে হলেই  
তোমার ভাল লাগে না, সময় হয় না—আদি জানি গো জানি!

চাঁদ। আচ্ছা, আচ্ছা—শুনি! তুই বোস! (নিকটে বসাইয়া)  
রত্না! আমার জ্যাঠামণি কোথায় রে? নারাণ? তাকে আজ সমস্ত  
দিনে একবারও দেখেছি বলে ত মনে হচ্ছে না। সে কোথায়?

রত্না। আঃ! ধান ভানতে শিবের গীত! নারাণ কোথায়? তুমি  
দেখছি সব ভুলে যাও! কিছু মনে থাকে না! কালীগঙ্গায় একটা  
বড় কুমীর এসেছে, সেটাকে মারতে যাচ্ছে—কাল তোমাকে বলে  
যায় নি?

চাঁদ। ও ই্যা—ঠিক কথা মা। আমার মনেই ছিল না। কিন্তু এখনও  
সে ফিরে আসে নি?

সোণা। রত্না!

রত্না। কি দিদি?

সোণা। তোমার গান কিন্তু বাবা আজ শুনবে বলে বোধ হচ্ছে না।

রত্না। বাঃ রে! ঠিক ত! তুমি বুঝি শুধু কথায় ভুলিয়ে রেখে  
আমায় ফাঁকি দেবে ভেবেছ? হঁ! সেটি হচ্ছে না বাবা!

চাঁদ। (হাসিয়া) কথায় ভুলিয়ে রাখবার, মেয়েই বটে তুমি! যাক,  
তা হলে তুমি গাও, আমি শুনছি!

রত্না। কোনটা গাইব দিদি?

সোণা। আমি কি বলব! তোর যেটা ভাল লাগে—গা না।

রত্না। তুমি বনে দণ্ড না দিদি, কোনটা গাইব? জ্যাঠামনি একেই  
বলছে গান শুনতে ভাল লাগে না! তায় যদি—বল না দিদি!

চাঁদ। তবে এখন আমি চললাম মা! গান আজ তুমি মনে করে রাখ।  
আমি বরং আর একদিন শুনব।

উঠিলেন

রত্না। আঃ! বসো না। একটু সবুঁই সইছে না? এমন ছটফটে  
স্বভাব! দিদি! বলবে না?

সোণা। ঐ যে গানটা তুই কাল শিখেছিস—সেইটে গা।

রত্না। সেইটে? আচ্ছা! শোন জ্যাঠামনি! খুব ভাল গান।  
চুপটি করে বসে লক্ষ্মী ছেলেটির মতন মন দিয়ে শোন। কেমন?

চাঁদ। আমি প্রস্তুত—তুমি আরম্ভ কর।



রত্নার গীত  
 আমি বনের পাখী ।  
 সেই পাতিয়ে ফুলের সনে  
 ফুলের বনে থাকি ॥  
 এক নিমিষের আনন্দটুকু  
 ওলো কুসুম কলি,  
 ভোগ করে নে, ভোগ করে নে,  
 গানের হুরে বলি ।  
 আমি শুধু ফুলের বকে  
 রঙিন ছবি আঁকি ।

গান শেষ হইয়া আসিয়াছে এমন সময় নারায়ণের প্রবেশ  
 নারায়ণ । জ্যাঠামণি! জ্যাঠামণি! এই রত্না, গান থামা! আঃ—  
 থামা না গান ।

রত্না । ( গান থামাইয়া ) আমার কিন্তু কোন দোষ নেই জ্যাঠামণি ।  
 দাদা গানটা মাটি করে দিলে ।

নারায়ণ । গান রেখে, কত বড় কুমীর মেরে এনেছি দেখবি আয় ।

রত্না । কুমীর মেরেছ? কই দাদা? কোথায়?

নারায়ণ । কাছারী বাড়ীর সাম্নে । চল দেখবি চল ।

রত্না । জ্যাঠামণি! চল চল! দিদি শীগ্গির এসো ।

সোণা । তুমি নারায়ণের সঙ্গে যাও, আমি স্বাক্ষকে নিয়ে পরে যাচ্ছি ।

রত্না ও নারায়ণ একদিকে এবং চাঁদ রায় ও সোণা অপর দিকে প্রস্থান করিলেন ।

কেদার রায় ও বিশ্বনাথের প্রবেশ

কেদার । তুমি বল কি বিশ্বনাথ । সমস্ত পল্লীটা জ্বালিয়ে দিয়ে গেল,  
 অথচ কেউ তাদের বাধা দিতে পারলে না ?

বিশ্ব। কেউ পারলে না মহারাজ! ছ'চারজন গ্রামবাসী সাহস করে নাকি এগিয়েছিল। কিন্তু মোগল সৈন্যের হাতে তাদের নির্যাতন দেখতে পেয়ে, আর কেউ তাদের বাধা দিতে সাহস পেল না। সমস্ত লোক ভয়ে গাঁ ছেড়ে পালিয়ে গেছে।

কেদার। তাই ত বিশ্বনাথ! এ যে এক মহা সমস্তার কথা হয়ে দাঁড়াল?

বিশ্ব। এখনি এর উপযুক্ত প্রতিকার করা উচিত মহারাজ। নইলে মোগলের কাছে বার বার এভাবে নির্যাতিত হলে, প্রজারা বিদ্রোহী হয়ে উঠবে। আমাদের ওপর তাদের আস্থা হারাবে!

কেদার। তাই ত! কোন্ দিক রক্ষা করি? চারিদিক থেকে শুধু অত্যাচারের কাহিনী আমাদের অতিষ্ঠ করে তুলেছে! পাঠানের অত্যাচার দেশবাসী অনেক সহ করেছে। কিন্তু মোগলদের অত্যাচার আজ তাদের অত্যাচারকেও ছাপিয়ে উঠেছে। দাউদ খাঁকে পরাজিত করে তুষ্ট না হয়ে ক্রোধাক্ত মোগল এখন প্রজা সাধারণের ওপর তাদের প্রতিশোধ নিচ্ছে! একদিকে আরাকান মাথা তোলবার চেষ্টা করছে, আর একদিকে পর্ভুগীজ দস্যুদের লুণ্ঠনের মাত্রাও ক্রমেই বেড়ে চলেছে। কি করি? কেমন করে নিরীহ প্রজাদের এই অত্যাচারের হাত থেকে বাঁচাই?

বিশ্ব। প্রায় দুশো নিরাশ্রয় প্রজা কাল এসে রাজধানীতে হাজির হয়েছে, তাদের মুখে শুধু অত্যাচারের কাহিনী। কেউ বা মোগলের হাতে লাহিত, আর চৌফু বা ডাকাতির অত্যাচারে দেশে টিকতে না পেরে স্ত্রীপুত্র নিয়ে পালিয়ে এসেছে।

কেদার। তুমি যাও বিশ্বনাথ—তাদের আশ্রয়ের ব্যবস্থা করে দাও!

সভায় যেন তারা আমার সঙ্গে দেখা করে। আমি নিজে সব কথা শুনব।

বিখনাথ। যে আজ্ঞে মহারাজ!

বিখনাথের প্রস্থান

অপর দিক দিয়া রত্নার প্রবেশ

রত্না। বাবা! বাবা!

কেদার। কি মা?

রত্না। এর বিচার কিন্তু তোমাকে করতেই হবে! কিছুতেই শুনব না।

কেদার। কিসের? কি হয়েছে?

রত্না। জ্যাঠামণি কিছুতেই আমার গান শুনবে না, তারপর যদিই বা কোন রকমে রাজী করলুম, অমনি দাদা এক কুমীর মেরে এনে এমন চীৎকার শুরু করলে, যে আমার গানটা শেষ করাই হল না। সব মাটি করে দিলে।

কেদার। বটে! এ তার ভয়ানক অন্তায়! কিন্তু কেন মা, সে তোমার সঙ্গে এমন শত্রুতা করেছে বল ত?

রত্না। তুমিই বল ত বাবা! আচ্ছা, তুমি গান শুনতে না চাও না শুনলে! কেই বা তোমাকে গান শোনাতে যাচ্ছে! আমার দায় পড়েছে! কিন্তু জ্যাঠামণিকে, কিম্বা যদি মাকে—ও! সেদিনকার কাণ্ডটা তুমি বুঝি শোন নি বাবা? ণ্দিদির কাছ থেকে কত কষ্ট করে একটা গান শিখে নিয়ে যেই মাকে বসে শোনাচ্ছি—অমনি ওরে বাবা! কোথা থেকে দাদা হস্তদন্ত হয়ে সেখানে এসে হাজির! —হাতে একটা মরা কেউটে সাপ!

কেদার। কেউটে সাপ! কোথায় পেলে?

রত্না। কে জানে কোন্ বন-বাদাড়ে শিকার করতে গিয়ে এক কেউটে  
 \*মেয়ে এনেছে!

কেদার। রত্না!

রত্না। কি বাবা!

কেদার। তোদের চপলতা কি কোনও দিন যাবে না রে? চিরদিন  
 তোরা এমনি চঞ্চল থাকবি?!

রত্না। ঐ যে জ্যাঠামণি আসছে—আচ্ছা, হাঁ জ্যাঠামণি, আমার  
 গানটা দাদা নষ্ট করে দেয় নি?

চাঁদ রাগের প্রবেশ

চাঁদ। নিশ্চয় নষ্ট করে দিয়েছে। বাবার কাছে তারই নালিশের  
 আর্জি পেশ হচ্ছে বুঝি?

রত্না। তা কি আর করব? তুমি ত তাকে কিছুই বললে না? আমার অমন  
 গানখানা সে নষ্ট করে দিলে—আর তুমি চুপ-চাপ বসে রইলে—

চাঁদ। ওঃ এই \*কথা? (কৃত্রিম কোপে) আচ্ছা, আজ এইখানে  
 \*তোমারই সামনে তার বিচার হবে—তাকে শাস্তি দেব! তুমি যাও  
 মা, এখনি তাকে ডেকে নিয়ে এসো! এত বড় স্পর্দা! ওঃ এত বড়  
 কথাটা আমার মনেই ছিল না! ওরে—\*

রত্না। না, না জ্যাঠামণি! তাকে আবার মার-ধোর ক'র না যেন!  
 ... \* করে ফেলেছে—ফেলেছে—

কেদার। কেন রে! মার না খেলে শিক্ষা হবে কেন? যে রোগের  
 যে ওষুধ।

রত্না। ঝাশো, ঝাশো, জ্যাঠামণি! বাবার কেমন বুদ্ধি! বলে, মার

না খেলে শিক্ষা হবে কেন ? সব সময় ঢাল তরোয়াল নিয়েই থাকেন কিনা ! ( চাঁদ ও কেদার হাসিতে লাগিলেন ) ওঃ, দুজনেই দিকি হাসতে লাগলেন ! দুজনেই সমান ! যেন কি অগাধ কথাটাই না বলেছি !

চাঁদ । কেদার । এ বেটি ঠিক আমাদের মা-ই বটে ! নয় ?

রত্না । মা-ই বটে ! বেশ, বেশ, আমি চল্লুম ।

রাগিয়া প্রস্থান

চাঁদ । রত্না ! রত্না !

কেদার । আর ডেকে না দাদা ! এখনি আবার এসে জ্বালাতন আরম্ভ করবে ।

চাঁদ । জ্বালাতন ? না, না, কেদার ! যতক্ষণ ও আমার কাছে থাকে, আমি সব ভুলে যাই । আমার শোক, তাপ, জ্বালা—সব ভুলিয়ে দিয়ে যেন এক নূতন রাজ্যে আমাকে নিয়ে আসে ।

কেদার । তুমি যাই বল দাদা ! রত্নার চপলতা কিন্তু দিন দিন বাড়ছে । যত বড় হচ্ছে ততই—

চাঁদ । ভুল, ভুল—এ তোমার ভুল কেদার ! ওই হচ্ছে মা আনন্দময়ীর প্রকৃত রূপ । ওই রূপেই মা আমার জগৎকে ভুলিয়ে রাখে । সোণার অকাল বৈধব্য আমার বুকে যে আগুন জ্বলে দিয়েছে—আমার রত্না মা তার ওই চপলতা দিয়ে সেই আগুনে শাস্তি বাগি ঢেলে দেয়, আমি সব ভুলে থাকি ! এ সময়ে যদি আমি রত্নাকে কাছে পেতাম, তা হলে তুমি কি মনে কর কেদার, যে আমি এ বয়সে আমার সোণার শোক—সে যে কি জ্বালা ভাই ! কি জ্বালা ওঃ—

কেদার । তুমি আবার সেই কথাই ভাবছ দাদা ? তুমি ত নিজেই বল

যে, অদৃষ্টের ওপরে কারো হাত নেই, দুঃখকে ভুলে থাকতে পারলেই পাওয়া যায় আনন্দের সন্ধান ! সব ভুলে গিয়ে, নিজেই আবার—  
চাঁদ । কি করব ভাই, আমি পারি না । যত চেষ্টা করি সব ভুলব, তত আমার চোখের সামনে জোর করে ভেসে ওঠে সোণার শূণ্য হাত—  
তার কাঙালিনী মূর্তি ! আমায় পাগল করে তোলে ! আমি পারি না ! আমার সব চেষ্টা কোন্ বানের জলে ভেসে যায় ! কেদার !  
রত্নাকে আমি আর পরের ঘরে পাঠাব না ভাই !

কেদার । রত্না ত তোমারই দাদা ! ওকে তুমি নিজে দেখে, পছন্দ করে, নিজের ইচ্ছে মত বিয়ে দাও—

চাঁদ । ( ভয় পাইয়া ) আবার বিয়ে ? ওরে না, না, না—

কেদার । সমাজ গুনবে কেন দাদা ? মেয়ে হয়ে যখন জন্মেছে, বিয়ে দিতেই হবে—অদৃষ্টে যাই থাক !

চাঁদ । ও কথা বলিস নি কেদার ! বলিস নি ! বিয়ে দিলে এও যদি —ওরে না, না—আমি সহিতে পারব না ! কিছুতেই সহিতে পারব না ! তার চেয়ে বেশ আছে ! আনন্দে আছে !

নেপথ্যে গীত শোনা গেল

চাঁদ । কে গাইছে কেদার ? ঠাকুর বাড়ীতে নয় ?

কেদার । হ্যাঁ, ঠাকুর বাড়ীতে কে এক অন্ধ বাউল এসেছে ।

চাঁদ । অন্ধ বাউল !

কেদার । তীর্থ করতে যাবে গুন্ডাম । অতিথিশালায় আজ দু'দিন বিশ্রাম করছে ।

চাঁদ ! একবার ডেকে পাঠাও না ভাই । চমৎকার গায়, নিশ্চয় কোনও ভাবুক লোক ।

কেদার । ওরে কে আছিষ্ ?

ভৃত্যের প্রবেশ

ঠাকুর বাড়ী থেকে অন্ধ বাউলকে ডেকে নিয়ে আয় ।

ভৃত্যের প্রস্থান

রত্নার পুনঃ প্রবেশ

কেদার । কি রে ! আবার ফিরে এলি যে বড় ?

রত্না । বেশ, তবে চলেই যাই !

যাইতে উদ্ভত, চাঁদ তাহাকে ধরিয়া ফেলিলেন

আঃ—ছাড়, ছাড়, আমার আসা যখন তোমরা কেউই পছন্দ কর না !

চাঁদ । ( হাসিয়া ) পাগলী বেটা ! বোস, আমার কাছে বোস । তোর দিদি কোথায় রে ?

রত্না । দিদি ? ঘরে বসে রামায়ণ পড়ছে । সীতা-হরণ শোনবার জন্য আমায় ডাকছিল । আমার বয়ে গেছে ! আমি পালিয়ে এসেছি ।

চাঁদ । হাঃ হাঃ হাঃ—বেশ করেছে !

অন্ধ বাউলের হাত ধরিয়া ভৃত্যের প্রবেশ

চাঁদ । এসো, এসো, বোস বাবা, বোস । একখানা মা'র নাম শোনাও ত বাবা ? ওরে, তুই যা—তামাক নিয়ে আয় !

ভৃত্যের প্রস্থান

তুমি আজ দু'দিন অতিথিশালায় আছ, অথচ তোমার কোন পরিচয়ই পাই নি । তোমার বয়স ত বেশী হয় নি দেখছি, তুমি অন্ধ হলে কি করে ?

বাউল । পরিচয় ? আমি বাউল ; এ ছাড়া অল্প পরিচয় যে আমার

নেই মহারাজ ! আর অন্ধ ? জগৎজননীর করুণা ! ( হাসিল )  
 আমার যা কিছু—সব পরিত্যাগ করেই নাকি তাঁর কাছে যেতে হয় !  
 চাদ । আহা ! কি নিশ্চিত আত্ম-সমর্পণ ! চমৎকার ! গাও বাবা,  
 গাও, একটি মার নাম শোনাও । আর কথা দিয়ে যাও, ফেরবার  
 পথে অথানে হয়ে যাবে ?  
 বাউল । যে আজে । তবে, আমি হয় ত আর নাও ফিরতে পারি  
 মহারাজ ।

চাদ । কেন ?

বাউল । আমায় সেই আশীর্বাদই করুন ।

তামাক লইয়া ভূতের প্রবেশ

চাদ ! সে পরের কথা পরে । এখন গাও ।

বাউল । যে আজে ।

### গীত

( আনার ) ছায়া মায়ের কি রূপ দেখি ।

রক্তজবা পদতলে, রক্ত রাঙা দুটি ঝাঁপি ॥

পদতলে পড়ে ভোলা—

জানি নে মা একি খেলা,

মুণ্ডমালা পরলি গলে,

সর্ব-অঙ্গে রক্ত মাখি ॥

কালো রূপে ধরে বাঁশী —

কালী হয়ে নিলি অসি,

কখন কৃষ্ণ, কখন কালী ( মা )

না জানি তোর এ কোন্ ঝাঁকি ॥



চাঁদ। আহা! চমৎকার!

বাউল। মহারাজ! যদি অল্পমতি হয়—

চাঁদ। বেশ বাবা, বেশ। তুমি কি আজই যাবে?

বাউল। আজ্ঞে হ্যাঁ।

চাঁদ। ফেরবার পথে কিন্তু আসা চাই। ওরে—নিয়ে যা—

নমস্কার করিয়া ভূতোর হাত ধরিয়া বাউলের প্রস্থান

চমৎকার গান! আহা-হা—

রত্ন। ওদের বেলায় “চমৎকার”! “আহা-হা”! আর আমার বেলায় ছোট্ট একটি “বেশ”! যাঁড়ের মতন গলা—“আহা”—না ছাই!

চাঁদ ও কেদার হাসিতে লাগিলেন

## প্রথম দ্বিতীয় দৃশ্য

হুল্লরথন—পথ। কাল—অপরাহ্ন। দূরে একটি স্বল্পকাণী নদী। তলদস্যুর অত্যাচারে উৎপীড়িত গ্রামবাসীগণ নিজেদের আবাস-ভূমির মায়া পরিত্যাগ করিয়া প্রাণভয়ে পলায়ন করিতেছে। একদল পথ-শ্রমে ক্লান্ত স্ত্রীপুরুষ মোট কাঁধে রাস্তা চলিতেছিল

(১ম ব্যক্তি। আবাব দাঁড়ালে কেন গো? চল না! বেলাবেলি একটা আস্তানা খুঁজে নিতে হবে ত?

বৃদ্ধ। আরে তুমি ত বলবেই বাছা। জোয়ান বয়স কিনা, হ্যাঁ।

বসিল

১ম। বলি, এই বন-বাদাড়ে বাঘের মুখেই প্রাণটা দিতে হবে নাকি?

বুদ্ধ। তা কি আর করব বাছা? মনিষির দেহ ত বটে? এ তো আর লোহা নয়!—কি বলিস রে পরাণে? একবার ছাখ দিকিন?

পা দু'খানি দেখাইল

১ম। কি মুদ্রিল দেখ দিকি নি খুড়ো। এখনি আবার ঐ শালা ডাকাতের দল যদি এসে পড়ে ত মহা ফ্যাসাদ বাধাবে দেখছি।

বুদ্ধ। বাধাক গে, বাছা! আমি আর পারি না! পরাণটা বেরুলেই এখন বাঁচি!

অগত্যা সকলেই বিশ্রামের জন্ত বসিল

বুদ্ধ। ওঃ, কি অত্যাচার রে বাবা! একেবারে অরাজক। তিন পুরুষের ভিটে—হায়, হায়, হায়...সব জালিয়ে দিলে গা? কি অত্যাচার!

২য়। এই সেদিন নতুন ঘরখানা বাঁধলাম। একমাস হয় নি এখনও। বলি, তুমি জান ত সব? সর্বস্ব লুটে নিয়ে ঘরখানাতে ধরিয়ে দিলে আগুন। পানিয়েছিলাম—তাই প্রাণে বেঁচেছি।

৩য়। আচ্ছা, ঐ শালার ডাকাতের দলকেই যদি না ঠাণ্ডা করতে পারবে, ত রাজ্য হয়েছে কেন? এ তোমায় আমি বলে রাখছি খুড়ো—রাজধানীতে গিয়ে মহারাজারে আমি এই কথাটাই জিজ্ঞেস করব। এ তুমি দেখে নিও।

বুদ্ধ। তা মহারাজের আর দোষ কি বল? দোষ সবই আমাদের অদৃষ্টের। নইলে বছর বছর খাজনা ত প্রায় রেহাই পেয়েই আসছি। আর ডাকাতের দল ধরা যে পড়ছে না, তাও ত নয়?

২য়। কিন্তু অত্যাচার কমছে কই?

১ম। আরে কমনে কি করে? ও দু'দশ ব্যাটারে ধরুলেই কি আর অত্যাচার থামে? শালারা যে সব রক্তবীজের কাড়। সেদিন

কথকঠাকুর বলছিল শুনিস নি ? সেই কোন্ দেশে নাকি একখ্যাটা  
রাক্ষস ছিল। সেনাপতি তাকে তরোয়াল দিয়ে কচাকচ কেটে  
ফেলে দিলে। কিন্তু তার এক এক ফোঁটা রক্ত-থেকে তক্ষুনি হাজার  
হাজার রাক্ষস গজিয়ে উঠল। এ-ত সেই রক্তবীজের ঝাড় ! ছুশ  
পাঁচশ' ধরলেই কি শালারা সাবাড় হয় ?

২য়। ঠিক বলেছিচ্ছ ভাই ! আমারও ঠিক তাই মনে হচ্ছে। তা নইলে  
এত বোস্টেটেই বা আসে কোথেকে ?

বৃদ্ধা। ছেলে-বেলায় দেখেছি দেশে ছিল শুধু মগ দস্যুর উৎপাত ! এ  
আবার কোথা হতে ওলন্দাজ বোস্টেটে এসে হাজির হ'ল, আর  
দেশটাকে একেবারে জাহান্নামে দিল !

১ম। তুমি অক্ষরে অক্ষরে মিলিয়ে নিও খড়ো—ঐ শালা করুভোলা  
ব্যাটা ধরা না প'লে, কাউকে আস্ত রাখবে না। এ তুমি দেখে নিও !

২য়। ও ব্যাটা করুভোলাটা আবার কেডারে ?

১ম। আরে ঐ নচ্ছারই ত পালের গোদা। ঐ ছুঁচোই ত ডাকাতের  
সর্দার। সেদিন পাঁচুদা বলছিল—ব্যাটার নাকি ইয়া বড় বড় ভাঁটার  
মত চোখ—ইয়া গালপাট্টা, কটা দাড়ি—আর মুখে শুধু হাতুড়ির  
ঘায়ের মতন খটাং খটাং বচন ! একবিন্দু বোঝবার যো নেই কি  
বলছে। আর দাঁত মুখ ত খিঁচিয়েই আছে সব সময়।

২য়। ওরে বাবা। এমন ধারা ?

৩য়। কি বলবো আমি বাড়ী ছিলাম না। নইলে দেখে নিতাম শালার  
ঐ করুভোলারে। শালা আমার ঘরে দেয় আশুন ? এত বড়  
আম্পর্ক !

২য়। অত বড়াই করিস্ নে নিধে ! মজা টের পাইয়ে দেবে—হুঁ !

৩য়। আরে রেখে দে !

বৃদ্ধ। রাজধানী আর কতদূর রে বাবা ? আজ দুদিন দুরান্তির সমানে  
চলেছি ! এ যে আর শেষ হতে চায় না রে বাবা !

১ম। তা মাসী, শ্রীপুর এখনো পাক্কা একদিনের পথ। তুমি আবার ?  
তার উপর হাঁটতে পার না। আমার বোধ হয় দুদিনই লেগে যাবে।

বৃদ্ধ। ওরে বাবা ! আরও দুদিন ? তবেই গিছি।

৩য়। আচ্ছা ভাই, আমরা ত ডাকাতের ভয়ে উর্দ্ধ্বাশে ছুটে চলেছি  
রাজধানীমুখে। এখন রাজা যদি আমাদের ঠাই না দেয় ?

বৃদ্ধ। সত্যিই ত। আমাদের মত আরও কত লোকের সর্বনাশ  
হয়েছে। তারাও ত রাজার কাছেই যাচ্ছে।

বৃদ্ধ। তোমরা মহারাজকে চেন না তাই একথা বলছ ; তিনি দয়ার  
সাগর, দুর্ব্বলের সহায়। একবার কোনগতিকে সেখানে গিয়ে  
পৌঁছুতে পারলেই, বাস ! আর দেখতে হবে না।

নেপথ্যে দূরে বন্দুকের শব্দ এবং বাতাসনি শ্রুত হইল।

গুনিয়া সকলে চঞ্চল হইয়া উঠিল

বৃদ্ধ। ও কিসের শব্দ ! ইয়ারে পরাণে ?

সকলে। তাই ত ! কি ও !

ছুটিয়া ৪র্থ ব্যক্তির প্রবেশ

৪র্থ। ও খুড়ো ! ও মাসী ! সর্বনাশ !

সকলে। কিরে ? কি ? কাণ্টা কি ?

৪র্থ। শালা ডাকাতের দল এখানে অবধি ধাওয়া করেছে রে বাবা !

সকলে। এঁ্যা, বলিস কি রে ?

ওয়। ও খুড়ো, এই বারেই সর্বনাশ! বুঝি ধনে-প্রাণে গেলাম।  
হায়! হায়! হায়!

কাঁপিতে লগিল

৪র্থ। নদীর ঘাটে দেখে এলাম চার পাঁচখানা জাহাজ!

বুদ্ধ। এই সেরেছে রে! চল, চল—আর দেবী নয়!

বুদ্ধ। ওরে বাছা! আমায় একবার ধর দিকিন!

১ম। আঃ—কি বিপদেই প'লাম! নাও—নাও—ওঠ!

হাত ধরিয়া টান দিল

বুদ্ধ। ওরে গেছিরে! গেছিরে! ওরে বাবা! কোমরটা টান্  
মেরেছে রে বাবা!)

বুদ্ধকে টানিয়া লইয়া সকলের প্রস্থান। নেপথ্যে তিনবার বন্দুকের আওয়াজ শোনা  
গেল। ঘণ্টাক্ত কলেবর রাজ-সেনাপতি মুকুট রায় ছুটিয়া প্রবেশ করিলেন। তাঁর হাতে  
বন্দুক

মুকুট। আবার অদৃশ্য হয়ে গেল। কি আশ্চর্য্য! তিন-তিন বার  
হরিণটাকে গুলি করলাম—তিনবারই পালিয়ে গেল! ঐ আবার  
ছুটেছে!

নেপথ্যে বন্দুকের আওয়াজ

কে মারলে? কে মারলে?

কার্তালোর প্রবেশ

কার্তালো। হামি মারিয়াছে।

মুকুট। তুমি? চমৎকার!

কার্তালো। আরে! হামি দেখিল যে, তুমি বড় trouble, I mean

কষ্ট পাইতেছে। তিনবার shoot করিল but nothing, ফুঃ—

কুহু করিতে পারিলো না। তাই হামি—

মুকুট। তুমি কে? তোমার নাম?

কার্তালো। হাঃ হাঃ হাঃ হাঃ—আমার নাম? হাঃ হাঃ হাঃ—তুমি

জানে না হামার নাম?

মুকুট। তুমি—তুমিই কি কার্তালো?

কার্তালো। হোঃ হোঃ হোঃ তুমি ঠিক ধরিয়াকে। হামার নাম ডমিনিক

কার্তালিয়ান আছে।

মুকুট। ও! তা হলে তুমিই সারা বাঃলার ত্রাস সেই জলদস্যু কার্তালো?

কার্তালো। What? দস্যু? No—No, দস্যু হামি না আছে। হামি

পৰ্তুগীজ আছে, খুস্তান আছে!

মুকুট। তুমি দস্যু নও? তোমাদের অত্যাচারে অতিষ্ঠ হয়ে, আমাদের

কত নিরীহ প্রজা দেশ ছেড়ে পালিয়েছে! কত শান্তিপূর্ণ গ্রামে

তুমি আগুন ধরিয়ে দিয়েছ! তুমি দস্যু নও?

কার্তালো। অত্যাচার। অত্যাচার! O—Yes, I understand!

But তুমি কোন্ আছে?

মুকুট। \*রাজা কেদার রায়ের নাম শুনেছ? আমি তাঁরই সেনাপতি।

কার্তালো। হো Deusa! তুমিই কমেণ্ডার মুকুট আছে? Shake

hands! Shake hands! Hands please!

হস্ত প্রসারণ ও কর-মর্দন

মুকুট। তারপর, সাহেব! এখানে তোমার কি উদ্দেশ্যে আগমন?

এখানে ত নগরও নেই যে লুণ্ঠন করবে; ঘরবাড়ীও নেই যে

জালিয়ে দেবে। কি অভিপ্রায় তোমার?

কার্তালো। What? তুমারা বাত্ হামি বুঝিতে পারছে না। আপনি কি বল্ছো?

মুকুট। বল্ছি যে তোমাকে ধরবার জন্ত আমরা বহু চেষ্টা করেও ধরতে পারি নি সাহেব! আমাদের প্রতি চেষ্টাই তুমি বিফল করে দিয়েছ!

কার্তালো। Yes! সত্য বাৎ। Quite true!

মুকুট। কিন্তু আজ তোমাকে আয়ত্বের মধ্যে পেয়েছি! কিছুতেই এ সুযোগ আমি ছেড়ে দেব না।

কার্তালো। কি করিবে?

মুকুট বাঁশীতে ফুঁ দিলেন। ছুটিয়া কান্দু সন্দার ও সৈনিকগণ প্রবেশ করিল

কার্তালো। Never mind commander, হামিও বোলাতে জানে!

দুইজন পর্ষগীজ দস্যুর প্রবেশ

আল্ফান্সের—হাঃ হাঃ হাঃ—আউর দেখিবে? আউর?

বাঁশীতে ফুঁ দিতে উত্তত

কাল্লু। আরে মিঞা থামো, থামো! আর বাঁশী বাজাইবার কাম নাই।

তোমার কেরামতি মানুষ হয়েছে। থামো।

কার্তালো। আরে তুমি কোন আছে?

কাল্লু। আরে আমি ত আমিই আছি। তুমি কোন্ আছে?

কার্তালো। What?

কাল্লু। ভাই!

মুকুট। কাল্লু! এই সেই জলদস্যু কার্তালো! যার ভয়ে, যার অত্যাচারে, আমাদের সমুদ্রতীর-বাসী প্রজারা তাদের বাপ-

পিতামহের ভিটের মায়া পরিত্যাগ করে দলে দলে রাজধানীতে এসে আশ্রয় নিচ্ছে—যাকে ধরবার জন্ত আরাকান-রাজ শত চেষ্টা করেও ধরতে পারেন নি—এই সেই পর্ভুগীজ কার্তালো।

কার্তালো। আরাকান! আরাকান! আরাকানকে হামি দেখিয়ে দেবে যে পর্ভুগীজ অপমানের প্রতিশোধ নিতে জানে। Dam Arakan! Mongraj! Just like a monkey!

কাল্লু। আরে মিঞা! আরাকানের উপর তোমার ত খুবই অহুরাগ দেখতে আছি। আরাকান তোমার কি করছে?

কার্তালো। তুমি ও সব বুঝিতে পারিবে না—কমেঙার জানে! হামি চাইতে গেলে shelter—আশ্রয়—আর রাজা করিলো হামাকে বন্দী! লেকেনু রাখিতে পারিবে কেনো! হাঃ হাঃ হাঃ হাঃ!

মুকুট। কিন্তু সাহেব! আজ যদি তোমাকে আমরা বন্দী করি, রক্ষা করতে পারবে তোমাকে তোমার ঐ পর্ভুগীজ দেহরক্ষীগণ?

কার্তালো। আলবৎ পারিবে! What do you say boys—এঁ!?

মুকুট। আমাদের এক ইঙ্গিতে মুহুর্তের মধ্যে সহস্র সৈনিক এসে তোমাকে ঘিরে ফেলবে! কি করবে তোমার ঐ নগণ্য দেহ-রক্ষীরা?

কার্তালো। হাঃ হাঃ হাঃ হাঃ! কমেঙার! বোয় দেখাইয়ে হামাকে বন্দী করিতে পারিবে না।

মুকুট। পারবে না?

কার্তালো। Nao! Never! হামাকে একদম হত্যা করিতে পারে! হামি কুছ বলিবে না—আপশোষ ভি করিবে না! লেকেনু বন্দী? Never! Here you are!

হাতের পিস্তল দেখাইল।



মুকুট। ( বিস্মিত ভাবে ) এত নির্ভীক তুমি সাহেব ?  
 কার্তালো। পর্ভুগীজ বোয় জানে না, কমেণ্ডার, পর্ভুগীজ বোয় জানে  
 না। শিশুকালে সাগরের তুফানে দোল খাইতে খাইতে সে বোয়  
 ভুলিয়া যায়। তিমি ফিসকা সাথে সঁাতারের পাল্লা দিয়ে সে  
 ঢেউয়ের উপরে dance করে। সারা দুনিয়া তার বোয়ে কাঁপে !  
 Trembles ! Just like this—Just like this ! Understand ?  
 But—

ইঙ্গিতে নিজ সৈন্তগণকে যাইতে বলিল, তাহারা চলিয়া গেল

লেকেন্ আজ আমি তোমার কাছে বন্দী হইতেই আসিয়াছে। কর  
 কমেণ্ডার, হামাকে বন্দী কর।

মুকুট। তোমার অভিপ্রায় কি সাহেব ?  
 কার্তালো। হামাকে বিশোয়াস কর কমেণ্ডার ! তুমি বীর আছে !  
 হামাকে বন্দী কর ! নিয়ে চল তুমার রাজার কাছে ।

মুকুট। রাজার কাছে ? কেন ?  
 কার্তালো। তুমার রাজার সঙ্গে হামি দুটো বাৎ করিবে কমেণ্ডার।  
 তিনি নাম হামি খুব শুনিয়াছে। হামি একবার দেখিবে। Please !  
 মুকুট ! ( নিজ সৈন্তদের প্রতি ) তোমরা যাও—

সৈন্তগণের প্রস্থান

কাল্লু। ( যাইতে যাইতে ) উহঁ। গতক বড় বেখাপ্পা লাগছে।  
 মতলব ত কিছুই ঠাণ্ড কর্তি পারলাম না। রইলাম বাবা ঐ  
 গাছটার পিছে। বন্দুকে হাত দিছ কি, আমিও বিষমাখা তীর  
 ছাড়ছি, হঁ !

অন্তরালে প্রস্থান

কার্তালো। What! কমেণ্ডার! হামাকে বন্দী করিবে না?

মুন্স্ট। নিশ্চয় করুব। তবে আপাততঃ নয়। জানি না কেন তুমি বন্দী হতে চাইছ—কি তোমার অভিপ্রায়! কিন্তু সাহেব, আমিও নিজেকে বীর বলেই পরিচয় দিই। লৌহ-শৃঙ্খল পরিয়ে তোমার অবমাননা আমি করতে পারি না—কারণ তুমি স্বেচ্ছায় স্বরা দিয়েছ। চল সাহেব, তোমাকে আমার রাজার কাছেই নিয়ে যাব। চল।

কার্তালো। রাইট ও!

উভয়ের প্রস্থান। কানু ও লোকজন উহাদের অনুসরণ করিল

### তৃতীয় দৃশ্য

স্থান—ত্রিপুর। রাজা কেদার রায়ের সভাগৃহ। কাল—প্রাঃ। চাঁদ রায় ও ঈশা খাঁ বসিয়া পরামর্শ করিতেছেন। উভয়েরই মুখে চিন্তা এবং উদ্বেগের চিহ্ন পরিস্ফুট।

চাঁদ। তা হলে ত বড়ই বিল্ডার্টের কথা দেখছি খাঁসাহেব?

ঈশা। বিল্ডার্ট নিশ্চয়ই। আমরা রাজস্ব দেওয়া বন্ধ করে দিয়েছি শুনে সম্রাট অক্ষবর, সেনাপতি মানসিংহকে আদেশ দিয়েছেন—তিন মাসের মধ্যে বঙ্গদেশ জয় করা চাই।

চাঁদ। তাই ত! এত শীঘ্র? তিন মাসের মধ্যে?

ঈশা। আমি এই জন্তই গোড়ায় বলেছিলাম বড়রাজা, যে সম্পূর্ণরূপে প্রস্তুত না হওয়া পর্যন্ত, প্রকাশ্যভাবে মোগলের সঙ্গে প্রতিদ্বন্দিতায় অগ্রসর হওয়া আমাদের উচিত নয়। দাউদ খাঁর হঠকারিতার ফলে, বাঙলার জনসাধারণ আজ কতটা বিপদগ্রস্ত দেখছেন ত?

চাঁদ। তা বটে! কিন্তু মানসিংহ কি করতে চান?

ঈশা। তিনমাসের মধ্যে বঙ্গদেশ মোগলের করতলগত কর্তে চান।  
চাদ! বটে! চাওয়া খুবই সহজ খাঁসাহেব, কিন্তু পাওয়া ততটা সুসাধ্য  
না-ও হতে পারে।

ঈশা। তা স্বীকার করি। কিন্তু মানসিংহের পরাক্রমের কথাটাও  
আমাদের বিস্মৃত হলে চলবে না বড়রাজা।

চাদ। রাজ-কার্যের সম্পূর্ণ ভার আমি কেদারের হাতে তুলে দিয়েছি।  
জানি না, এক্ষেত্রে তার অভিমত কি? কিন্তু আমার মনে হয় খাঁ-  
সাহেব, আর এ আমার দৃঢ়বিশ্বাসও বটে যে—আপনি—ভূষণার  
মুকুন্দ রায় এবং আমরা—অন্ততঃ এই তিন শক্তিও যদি একযোগে  
মোগলের পথ রোধ করে দাঁড়াই—তা হলে সেই বাধা অতিক্রম করা  
মানসিংহের পক্ষে বিশেষ সহজসাধ্য নাও হতে পারে!

ঈশা। বার্কক্য বোধ হয় বড়রাজাকে ভুলিয়ে দিয়েছে যে মানসিংহের  
পরাক্রমের কাছে প্রতাপাদিত্যের শৌর্য্যও চূর্ণ হয়ে গেছে।

কেদারের প্রবেশ

কেদার। খাঁসাহেবও হয় ত ভুলে গেছেন—প্রতাপাদিত্যের পরাজয়ের  
মূলে ছিল শুধু নীচতা, স্বার্থপরতা আর বিশ্বাসঘাতকতা!

ঈশা। তা বটে, তা বটে!

কেদার রায় ও ঈশা খাঁ পরস্পর অভিধান করিলেন

কেদার। আমি এক একবার ভেবে আশ্চর্য্য হয়ে যাই নবাবসাহেব,  
স্বার্থসিদ্ধির জন্য মানুষ এতটা নীচ হতে পারে? বিশ্বাসঘাতক  
ভবানন্দ মজুমদারের সহায়তা না পেলে মানসিংহের সাধ্যও ছিল না  
রাজা প্রতাপাদিত্যকে পরাজিত করে। সেই স্বার্থপর কাপুরুষ,

নিজের মর্যাদা, প্রতিপত্তি, নিজের মনুষ্যত্ব, নিজের ভবিষ্যৎ—সমস্ত  
 নিমজ্জন দিয়ে যশোরকে বিক্রী করে দিলে বিদেশী মোগলের পায়ে !  
 আর বংশ-পরম্পরায় ললাটের ওপর সে এঁকে নিলে বিশ্বাসহস্তার  
 ঘৃণ্য তিলক ! ছিঃ—ছিঃ—ছিঃ !

চাঁদ। প্রতাপের পরাজয়ের জন্ত আমি নিজেও কম দায়ী নই, ভাই !  
 এই ত সেদিনের কথা । প্রতাপ যেদিন তার যশোরের মান বাঁচাতে  
 আগুন জ্বেলছিল, আমরা তখন অন্তর্দ্বিগ্নব নিয়েই ব্যতিব্যস্ত । তুমি  
 আমাকে বারবার বলেছিলে বটে, কিন্তু তখন আমাদের এমন সাহায্য-  
 কারী কেউ ছিল না, যাকে শ্রীপুর রক্ষার ভার দিয়ে আমরা গিয়ে  
 প্রতাপের হাত ধরে সেই আগুনে কাঁপিয়ে পড়ি ।

ঈশা। নিজেদের ভেতর মনোমালিগ্নের ফলেই আমাদের দেশটা উচ্ছন্ন  
 গেল । একতা নেই, বন্ধুত্ব নেই—কেউ কারো কথা শুনতে চায় না  
 —কেউ কারো বিপদে মাথা দিতে এগিয়ে আসে না ।

কেদার। ভেবে দেখুন নবাবসাহেব, বাঙলায় আমরা বার ভুইঞা ছিলাম ।

ঈশা। সে.ত শুধু নামে ! সকলেই ত প্রতাপাদিত্য এবং জ্ঞাপনাদের  
 হুয়ায় মহাপ্রাণ নয় ? ভাওয়ালের ফজলগাজী, চন্দ্রদ্বীপের কন্দর্প-  
 নারায়ণ, সাঁতৈলের রামকৃষ্ণ—এরা ত সব স্বার্থপরতা নিয়েই ঘুরে  
 বেড়াচ্ছে ! এদের ভেতর কাকে আপনি আশা করতে পারেন,  
 মোগলের বিরুদ্ধে আমাদের সঙ্গে যোগ দেবে ?

কেদার। তা জানি ! কিন্তু নবাবসাহেব, এখনও আমার দৃঢ় বিশ্বাস  
 যে মানসিংহকে এবার বিফল-মনোরথ হয়েই ফিরতে হবে ! তারপর  
 দেখে নেব মগ আর পর্তুগীজ জলদস্যুদের ! উপকূলে যাতে ওদের  
 একথানা জাহাজও না ভিড়তে পারে তার ব্যবস্থা আমি করব ।

ঈশা । খোদা আপনার অভিলাষ পূর্ণ করুন ! তবে এ কথা ঠিক বড়-রাজা, মানসিংহের হুমকিতে আমরা পরাজয় স্বীকার করব না ।

কেদার । কিছুতেই না ! আপনি দেশে গিয়ে প্রস্তুত হোন নবাব-সাহেব ! মোগলকে প্রথম বাধা দেব আমি নিজে । তারপর যদি আবশ্যক হয়—আপনার সাহায্য ভিক্ষা চেয়ে পাঠাব ।

ঈশা । ভিক্ষা কেন ছোটরাজা ? হুকুম করবেন ! আপনার সহায় হতে পারলে, নিজেকে আমি ধন্য মনে করব !

কার্তালোর সহিত মুকুট রায়, বিখনাথ এবং রত্নগর্ভের প্রবেশ

কেদার । কে ?

উষ্টিয়া দাঁড়াইলেন

মুকুট । জনদস্য কার্তালো ।

কার্তালো । ( জনাস্তিকে ) রাজা কোন্ আছে কমেণ্ডার ?

মুকুট । ( জনাস্তিকে ) ষাঁর সম্মুখে তুমি দাঁড়িয়ে ।

কেদার । ( অগ্রসর হইয়া ) তুমিই দস্য কার্তালো ?

কার্তালো জবাব দিল না । রাজাকে অশ্লোক দৃষ্টিতে

নিরীক্ষণ করিয়া অভিবাদন করিল

কেদার । কি করে ওকে ধরলে ?

মুকুট । আমি ওকে ধরতে পারি নি মহারাজ । ও নিজে ইচ্ছে করেই আমাদের ধরা দিয়েছে ।

কেদার । কেন ?

মুকুট । জানি না । বলে আমাদের রাজাকে দেখবে ।

কেদার । কি তোমার বক্তব্য সাহেব ? কি চাও ?

কার্তালো। রাজা! হামি চায় তুমার কাছে রুটি—তুমার কাছে ঘর।

কেদার। তোমার কথার অর্থ আমি ঠিক বুঝতে পারছি না সাহেব?

কার্তালো। রাজা! হামি একদম সাচ বাত বলিতেছে।

কেদার। তুমি দস্যুপতি কার্তালো—যে আমার উপকূল-বাসী প্রজাদের

সম্পত্তি অবাধে লুণ্ঠন করে তার রুটির সংস্থান করে নিচ্ছে; যার

অত্যাচার নিবারণের জন্য আমরা সর্বদা চিন্তিত; সেই দুৰ্দ্ধর্ষ

কার্তালো স্বেচ্ছায় ধরা দিয়েছে, আর আজ আমার কাছে এসে

চাইছে রুটি, চাইছে থাকবার জগ্গে ঘর!

কার্তালো। রাজা! হামি ত ধরা দিয়েছে। আউর হামি কুছ

করিতে পারিবে না। হামাকে বন্দী কর—কোতল কর। কিন্তু

রাজা! কবুল কর, যে হামার দেশবাসী—দুই হাজার পশুগীজদের

দেবে তুমি খাবার রুটি—দেবে তাদের আশ্রয়?

কেদার। এর অর্থ?

কার্তালো। তুমি জানে রাজা—হামরা ডাকাত আছে! লেকেন কেন

আছে তা জানে না।

মুকুট। দেশে কি তোমাদের রুটি ছিল না সাহেব?

কার্তালো। কমেগুর! তা থাকিলে কি দরকার ছিল হামাদের তুমাদের

দেশে আসবার? How terrible! Atlantic Ocean!

Indian Ocean! Bay of Bengal!

কেদার। কিন্তু এই দস্যুবৃত্তি নিয়েছ কেন? এতে কত নিরীহ লোকের

সর্বনাশ হচ্ছে—তা কি তোমরা বুঝতে পার না?

কার্তালো। বুঝিতে পারে; আলবৎ পারে। কিন্তু কি করিবে? No help!

কেদার। কেন?

কার্তালো। আরাকানের কাছে আমি ভিক্ষা নাগিল shelter—আউর  
 Dam Arakan হামাকে করিল বন্দী! তাকে আমি একদফে  
 দেখিয়ে দিবে! রাজা! তোমার নাম আমি খুব শুনিয়াছে। তুমি  
 খুব ভাল আছে! তোমার Heart আছে। তুমি দাও আমাদের  
 রুটি—লেও হামাদের জান!

কেদার। রুটির বন্দোবস্ত করে দিলে, তোমরা কি করতে পার?  
 কার্তালো। হামাকে হুকুম কর—সারা বাঙলা তুলিয়ে দেবে তোমার হাতে!  
 আমি তিন তুরিতে উড়াইয়া দিবে মোগল, আরাকান, ঈশা খান—  
 চাঁদ। চূপ কর সাহেব—আমাদের বন্ধু ঈশা খাঁ তোমার সম্মুখে!  
 কার্তালো। (অপ্রস্তুত হইয়া) হো Deusa! I see! হামাকে মাপ  
 করিবে ঈশা খাঁ! আমি জান্তো না যে তুমি রাজার দোস্ত আছে!  
 please!

ঈশা খাঁ ঈষৎ হাসিলেন

কেদার। মুকুট! সাহেবকে বিশ্রাম করতে দাও। এর প্রার্থনা আমরা  
 পরে ভেবে দেখবো।

কার্তালো। রাইট ও!

মুকুট। চল সাহেব। (অগ্রসর হইয়া নেপথ্যে) সাহেবকে অতিথি-  
 শালায় নিয়ে যাও। আমি পরে যাচ্ছি।

কার্তালোর প্রস্থান। অপর দিক হইতে শ্রীমন্তের প্রবেশ

চাঁদ। শ্রীমন্ত যে! এস, এস—দাঁড়িয়ে রইলে কেন? বোস!

শ্রীমন্ত বসিয়া চতুর্দিক নিরীক্ষণ করিতে লাগিল

চাঁদ। কি দেখেচো!

শ্রীমন্ত । এই যে নবাবসাহেব । আদাব ! হুজুরের মেজাজ সরিফ ?  
ঈশা । ( হাসিয়া ) মজলময় খোনা যে রকম রেখেছেন ! তারপর তুমি  
ভাল আছ শ্রীমন্ত ?

শ্রীমন্ত । হ্যাঁ, ভাল আছি বৈ কি ! খুব ভাল আছি বলতে হবে ।  
মহারাজের রূপায় দিব্যি স্বখে খেতে পর্বতে পাচ্ছি, মেখানে খুসী  
যেতে পাচ্ছি—ভাবনার দায় থেকে একেবারেই রেহাই ! আত্মীয়স্বজন  
এমন কেউ কোথাও নাই যাকে রোজগার করে খাওয়াতে হবে,  
যার অস্থখ করলে মাথায় হাত দিয়ে বসে ভাবতে হবে, যে মরে  
গেলে বুক চাপড়ে বসে কাঁদতে হবে ! আমি আবার ভাল নেই ?

খুব ভাল আছি খাঁ সাহেব—খুব ভাল আছি !

ঈশা । ( কেদারের প্রতি ) এখনও ঠিক সারে নি দেখছি !

কেদার । না, তবে আগের চেয়ে অনেক ভাল !

ঈশা । ( অর্দ্ধস্বগতঃ ) মেয়েটিকে হারিয়ে বেচারার এই অবস্থা ।

চাঁদ । ক’দিন তোমায় যেন দেখতে পাই নি শ্রীমন্ত ! এখানে ছিলে না ?

শ্রীমন্ত । না, দিন কতক ঘুরে এলাম । আজ এই খান্নিকক্ষণ আগে

• ফিরে এসেছি । এসেই শুনতে পেলাম সর্দার বোম্বেষ্টে ধরা পড়েছে ।  
রাস্তার দিকে তাকিয়ে দেখি—অগুস্তি লোক রাজবাড়ীর দিকে ছুটে  
চলেছে বোম্বেষ্টে দেখতে । আমিও ফবে ভিড়ে গেলাম । কিন্তু  
কৈ তাকে ত দেখতে পাচ্ছি না !

চাঁদ । আজ আর তাকে দেখতে পাবে না শ্রীমন্ত ! কাল পাবে । ( ঈশা  
খাঁর প্রতি ) তার দস্তাগিরি করবার চেহারাই বটে—কি বলেন  
খাঁ সাহেব ?

ঈশা । নিশ্চয় ! দেহেও অসীম ক্ষমতা !



এমন সময়ে হঠাৎ দেখা গেল—পশ্চাতের বারান্দায় সোণা দাঁড়াইয়া রহিয়াছে।

সোণা পিতাকে ডাকিল—

সোণা। বাবা! তোমার আফ্রিকের সময় হয়েছে।

চাঁদ। এই যাচ্ছি মা!

সোণা দেখিল—ঈশা খাঁ অপলক দৃষ্টিতে তাহার দিকে তাকাইয়া আছেন। সে ক্ষিপ্তপদে চলিয়া গেল। ক্রীমন্তু ব্যাপারটা বিশেষভাবে লক্ষ্য করিয়া ঘাড় নাড়িতেছিল।

ঈশা। ইনি কে বড়রাজা?

চাঁদ। আমার মেয়ে সোণা।

ঈশা। ও!

চাঁদ রায়ের প্রস্থান

কেদার। আমার মনে হয় নবাবসাহেব, পর্তুগীজ কার্তালোকে এভাবে পাওয়া আমাদের পক্ষে ভালই হয়েছে। কারণ যুদ্ধ করে তাকে যদি ধরা যেত, তা হলে তার শৌর্যকেই ক্ষুণ্ণ পরাজয় করা হ'ত তার হৃদয় জয় করা হ'ত না! কি বলেন?

ঈশা। (অনুমনস্কভাবে) নিশ্চয়! নিশ্চয়!

কেদার। উপকূলের প্রজারা এখন নির্ভয়ে নিজা ঘেতে পারবে। জলদস্যুর ভয় আর তাদের থাকবে না। এও আমাদের পরম লাভ! কি বলেন?

ঈশা। হ্যাঁ, ছোটরাজা।

রত্নগর্ভ। কিন্তু ওর মনে কি আছে আমরা জানি না। বিদেশী—বিশেষতঃ বিধর্মী! সহসা ওকে সম্পূর্ণ বিশ্বাস করাটা কি সমীচীন হবে মহারাজ? বিশ্বনাথ। আমারও মনে হয় মহারাজ, ওর অন্তরের পরিচয় না পেয়ে ওকে বিশ্বাস করা উচিত নয়।

কেদার। তা সত্য, কিন্তু মানবের আকৃতিই তার প্রকৃতির শ্রেষ্ঠ পরিচয়!

যার অমন বীরস্ব্যাজক মুখশ্রী, সে কখনও হীন কপটতার আশ্রয় গ্রহণ করবে, এ আমার ধারণাই হয় না। আপনি কি অন্ত্যমান করেন নবাবসাহেব ?

ঈশা। তা—তা—প্রথমেই বিশ্বাস করবার কি প্রয়োজন আছে ছোট-

রাজা ? দেখাই যাক নশ—কি ভাবে ওরা চলে ?

কেদার। বেশ তাই হবে, আপনি কখন যাত্রা করবেন ?

ঈশা। আজ সন্ধ্যায় যাত্রা করব ছোটরাজা। আমি তা হলে এখন উঠি !

কেদার। আচ্ছা নবাবসাহেব।

ঈশা খাঁর প্রস্থান

মুকুট। খাঁসাহেবকে আজ একটু অন্তমনস্ক দেখা গেল না ? যেন কেমন

একটা কুণ্ঠিত ভাব—ভেতরে যেন কিসের একটা দ্বন্দ্ব চলছে।

কেদার। ও কিছূ নয় মুকুট ! মোগলের সঙ্গে যুদ্ধ অবশ্যসম্ভাবী, তাই

বোধ হয় একটু চিন্তিত।

শ্রীমন্ত। খাঁসাহেব খাবি খাচ্ছেন মহারাজ, খাবি খাচ্ছেন—চোখের

সামনে ভেসে উঠছে একখানা চাঁদপান মুখ ! মন ঠিক থাকবে কেন ?

হঠাৎ উঠেঃসরে হাসিয়া উঠিল

হাঃ হাঃ হাঃ হাঃ—

রত্নগর্ভ। তোমার কি হ'ল শ্রীমন্ত ? হঠাৎ হেসে উঠলে যে ?

শ্রীমন্ত। আজ্ঞে হঠাৎ একটা কথা মনে পড়ে গেল গৌসাইজী ! গাছে

একটা বেল পেকেছিল। একটা দাঁড়কাক হাঁ করে তার দিকে

তাকিয়েছিল। জিব থেকে তার জল গড়াচ্ছিল কিনা দেখতে পাইনি

বটে—কিন্তু দৃষ্টিতে লালসা মাখানো ছিল একেবারে পুরো দস্তর !

সেটা বেশ লক্ষ্য করেছিলাম ! হাঃ হাঃ হাঃ হাঃ—

আপন মনে হাসিতে লাগিল

কেদার । ওর মেয়ে অপহরণের পর থেকেই কেমন যেন হয়ে গেছে !

চিকিৎসকের এত চেষ্টা—সব বিফল হয়ে গেল !

রত্নগর্ভ । তুমি এখন যাও শ্রীমন্ত । বেলা হয়েছে—আহারাদি সব সেরে এসো গে ।

শ্রীমন্ত । এই যাচ্ছি গৌসাইজী ! (যাইতে যাইতে) কিন্তু গাছের বেল ত গাছেই রইল । দাঁড়কাকের রসনা তৃপ্ত হয়েছিল কি ? দেখতে হবে ! দেখতে হবে । কি বলেন গৌসাইজী ? হাঃ হাঃ হাঃ—দেখতে হবে !

প্রস্থান

বিষ্ণু । মস্তিষ্কের বিকৃতি ! দেখে দুঃখ হয় ।

প্রহরীর প্রবেশ

মুকুট । কি সংবাদ ?

প্রহরী । মোগল দূত !

কেদার । মোগল দূত ?

প্রহরী । মহারাজের দর্শনপ্রার্থী ।

কেদার । যাও মুকুট ! সসম্মানে এখানে নিয়ে এসো ।

প্রহরীর সহিত মুকুট বাহিরে গেলেন

এত শীঘ্র ! আশ্চর্য্য !

মুকুট রায়ের সঙ্গে দূতবেশে মানসিংহের প্রবেশ

কেদার । কি সংবাদ দূত ?

মান । সংবাদ এই চিঠিতেই পাবেন মহারাজ !

বিশ্বনাথের হস্তে পত্র প্রদান। বিশ্বনাথ পত্রখানা কেদারের হাতে দিলেন। পত্র পড়িতে পড়িতে কেদারের মুখ আরম্ভ হইয়া উঠিল, নাসারন্ধ্র ক্ষীণ হইল, তিনি ক্রোধে কাঁপিতে লাগিলেন। মানসিংহ লক্ষ্য করিয়া ঈষৎ হাসিতেছিলেন। সভাসদগণ উদ্ভাব হইয়া কেদারের দিকে চাহিয়া ছিলেন।

•কেদার। স্পর্ধা! এতদূর উদ্ধত!

মুকুট। পত্রে কি লেখা আছে মহারাজ?

পত্রখানা কেদার বিশ্বনাথের দিকে ছুঁড়িয়া দিলেন,

বিশ্বনাথ পত্র পড়িতেছিলেন

মুকুট। কি—বিশ্বনাথ?

কেদার। মনে মনে নয়—মনে মনে নয় বিশ্বনাথ! উচ্চৈঃস্বরে পাঠ করে শোনাও।

বিশ্বনাথ। (পত্র পাঠ্য)

“ত্রিপুর মঘ বাঙালী, কাক কুহলী চাকুলি।

সকল পুরুষ মেতং, ভাগ যাও পলায়ী ॥

হয়-গজ-নর-নৌকা কস্পিত বঙ্গভূমি।

বিষম সমরস্থিৎহ মানসিংহ প্রয়াতী ॥”

কেদার। বটে! পালিয়ে যাব! মানসিংহের ভয়ে বাঙলা ছেড়ে পালিয়ে যাব? ছুরাআ মানসিংহ ভেবেছে যে প্রতাপাদিত্যের পরাজয়ের সঙ্গে সঙ্গেই বাঙলার রবি চিরতরে অন্তমিত হয়েছে—ভেবেছে যে তাকে বাধা দিতে বাঙলার আর কেউ বঁচে নেই! মূর্খবোধ হয় জানেন না, যে অন্তমিত রবির পূর্বদিনের সমস্ত জ্ঞানিমা মুছিয়ে দিয়ে, আবার মধ্যাহ্ন ভাস্করেরও উদয় হয়—আর তারই প্রথর তেজে সমস্ত জগৎ পুড়ে থাকে হয়ে যায়! এবার জানবে! চিঠির জবাব দাও বিশ্বনাথ!

বিশ্বনাথ । যে আজ্ঞে মহারাজ ।

বিশ্বনাথ লিখিতে প্রস্তুত হইলেন

মুকুট । বর্ষের নিজে হিন্দু হয়েও হিন্দু জাতির কিসকর্ষনাশই না সাধন করছে !  
কেদার । কে বলে ? কে বলে মানসিংহ হিন্দু ? হিন্দু হলে সে হিন্দুর  
মর্যাদা বুঝতো । এমন করে রাজপুত-কুলরবি রাণা প্রতাপের ধ্বংস  
সাধন করতো না—বাঙলার কায়স্থ-কুলগৌরব প্রতাপাদিত্যের  
সকর্ষনাশ করতো না—হিন্দুর জাতীয়তার মূলে সে নিজের হাতে  
কুঠারাঘাত করতো না !—কি লিখলে—পড় ।

বিশ্বনাথ । ( উচ্চৈঃস্বরে পাঠ করিলেন )

“ভিনত্তি নিত্যং করিরাজ কুম্ভং

বিভত্তি বেগং পবনাতি রেকং ।

করোতি বাসঃ গিরিরাজ শৃঙ্গে

তথাপি সিংহঃ পশুরেব নাথঃ ।”

রত্নগর্ভ । চমৎকার বিশ্বনাথ ! উপযুক্ত জবাব হয়েছে । অত্যাচ  
গিরিশৃঙ্গেই হোক অথবা যেখানেই বাস করুক না কেন, যত বলশালী  
হোক না কেন, তবু সে নীচ পশু ভিন্ন অণু কিছু নয় ! চমৎকার !  
কেদার । ( পত্রে স্বাক্ষর করিয়া ) যাও দূত ! সেই হিন্দুর অগৌরব  
রাজপুত-কুলমানি, মোগলের পদলেহী মানসিংহকে গিয়ে বলো—  
মান । ভূত্যের সম্মুখে প্রভুর নিন্দাবাদ, বিশেষতঃ তাঁর অলক্ষ্যে—বোধ  
করি ত্রিপুরাধিপতির অগৌরবেরই পরিচয় দিচ্ছে !  
কেদার । তোমার স্মরণ রাখা উচিত যে তুমি দূত মাত্র । যাও, তোমার  
প্রভুকে গিয়ে বলো যে রাজা কেদার রায় তাঁর দর্শনাকাজ্জ্বল্য উদগ্রীব  
হয়ে বসে আছেন ।

মান। উদ্গ্রীব হবার কোনই কারণ নেই মহারাজ ! তিনি নিজেও

আপনাকে দেখবার জন্ত কম ব্যাকুল নন !

কেদার। বটে। তবে তাঁর সাক্ষাৎ পাব ?

মান। তিনি আপনার সম্মুখে রাজা।

উদ্যম উন্মোচন। সকলে অবাধ হইয়া দেখিতে লাগিলেন

আশ্চর্য্য হবার কিছু নেই রাজা। হিন্দু-রাজার কাছে দূত চিরকালই অবধ্য, তা আমার জানা আছে ! সে-ই সাহস ! আমি একবার দেখতে এসেছিলাম রাজা কেদার রায়কে। জানতে এসেছিলাম, কিসের বলে তিনি ক্ষুদ্র বাঙলার এক ভুইঞা হয়েও ভারত সম্রাট আকবরের বিরুদ্ধাচরণ করতে সাহসী হন। বলুন রাজা—কি বলতে চাইছিলেন—বলুন !

কেদার। মোগলের ক্রৌতদাস, তুমিই মানসিংহ ? পরিচয় দিতে তোমার লজ্জা বোধ হচ্ছে না ? একবার ভাব দেখি—না, না, না, তুমি দূত—তুমি দূত ! মানসিংহকে আমি দূত-বেশে দেখতে চাই না। তাকে আমি মোগল-সেনাপতিরূপেই দেখতে চাই ! যে বেশে সে মহাবীর রাণা প্রতাপকে পরাজিত করেছে—যে মূর্তিতে সে বাঙলার গৌরব প্রতাপের উচ্চশির নত করেছে—হিন্দু ললনার মর্ম্মভেদী ক্রন্দনের রোল তুলেছে, প্রতি গৃহে আগুন জালিয়েছে—আমি তাকে সেই বেশেই, সেই মোগলের পদলেহী কুকুরের বেশেই দেখতে চাই। যাও দূত, তুমি যাও, তুমি যাও—তোমার প্রভুকে পাঠিয়ে দিও। (সম্মুখে যাইয়া) তাকে বোলো—আমি প্রস্তুত !

মান। উত্তম।

# দ্বিতীয় অঙ্ক

প্রথম দৃশ্য

গান

শ্রীপুরের উপকণ্ঠে নদীতীরে বাইবার একটি সাধারণ পথ। পূর্বাকাশ উষার রক্তিম  
রাগে রঞ্জিত। গাহিতে গাহিতে অন্ধ বাউলের প্রবেশ

মিছে মন মায়ায় ভুলে আখের খোয়াস্ নে।

ভূতের বেগার খেটে, বোঝা বেড়াস্ নে টেনে—

(ওরে মন আখের খোয়াস্ নে।)

গহীন রাতের অন্ধকারে,

পথ ভুলেছিস বারে বারে

পাগলপারা চেতনহারা

পড়লি কাঁটার বনে।

জ্ঞানের আলো জ্বলবে এবার

অঁধার-ভরা শ্রাণে।

কেন তুই হারালি চেতন,

কেটে ফেল মোহের বাঁধন,

উষার আলো ফুটিয়ে তোলা

(তোর) হৃদ্যাকাশের কোণে।

টলিয়ে দেরে মায়ের আসন, বুক-ভরা তোর গানে।

(ওরে মন আখের খোয়াস্ নে।)

বাউল। কই মা! কোথায় গেলি?

শান্তির প্রবেশ

শান্তি । এই যে বাবা !

বাউল । আমার হাত ধর—নিয়ে চল ।

শান্তি । আর যে আমি যেতে পারবো না ; উষার আলো ফুটে উঠছে,

• এক্ষুণি আমায় ফিরে যেতে হবে ।

বাউল । শ্রীপুর আর কতদূরে মা ?

শান্তি । শ্রীপুরের সীমায় আমরা পা দিয়েছি বাবা ! এখন তুমি যাকে  
বলবে, সেই তোমায় রাজবাড়ীতে পৌঁছে দেবে ।

বাউল । তোমায় এক্ষুণি ফিরতে হবে ?

শান্তি । হাঁ বাবা ।

বাউল । ছেলের সঙ্গে আর একটুখানি এগোবে না !

শান্তি । না বাবা, আর এগোবার জো নেই !

বাউল । জো নেই ? কেন মা ? তোমার কথাগুলো যেন একটু  
হেয়ালীর মত ঠেকছে ! আমি যে কিছু বুঝতে পাচ্ছি না মা !

শান্তি । ( স্বগতঃ ) কি বলবো ? এক্ষুণি পরিচিত লোকজন সব রাস্তায়

• বেরিয়ে পড়বে—কি করে বলবো যে তাদের সামনে এ পোড়ামুখ  
আমি দেখাতে পারি না ?

বাউল । চুপ করে রইলে যে মা ?

শান্তি । আর আমার দেরী করুলে চলবে না বাবা !

বাউল । নিতান্তই যখন চলে যাবে—ধরে রাখতে যখন পারবোই না—

মিছে বিলম্ব করে আর লাভ কি মা ? অন্ধ মানুষ, রাস্তার মাঝে  
অসহায় দেখে দয়া করে আমার হাত ধরে এতটা পথ নিয়ে এসেছে—  
—এই যে আমার পরম লাভ !



শান্তি । আমি তা হলে এইখানেই বিদায় নিচ্ছি ! এখনি বহুলোক নদীতে স্নান করতে এই দিকে এসে পড়বে । তাদের সঙ্গেই তুমি রাজবাড়ীতে যেতে পারবে । আমি চলুম । ভগবান তোমার মঙ্গল করুন !

বাউল । মা !

শান্তি । 'আমায় কিছু বলছো ?

বাউল । মায়ের পরিচয়টা কি এখনও ছেলের কাছে লুকোনই থাকবে ?  
( শান্তি নিরুত্তর )

বাউল । মা ?

শান্তি । পরিচয় ? আমার কী পরিচয় তোমায় দেব বাবা ? আমি যে রাস্তার একটা ঘণ্য কুকুর ! পাঁচ-ছয়বরের রূপা-ভিখারী ! আমি যে সমাজের চোখে গলিত-কুষ্ঠ-রোগীর চেয়েও ঘণ্য । আস্তাকুড়ের দুর্গন্ধময় আবর্জনার চেয়েও হেয় । আর আমার পরিচয় পেয়েও ত তোমার কোন লাভ হবে না বাবা ! আমার সঙ্গে তোমার হয় ত আর কোনদিন দেখাই হবে না । আমায় তুমি মা বলে ডেকেছ ! জেনে রাখ বাবা, এই-ই আমার পরিচয়—অন্ত পরিচয় আমার নেই ।

বাউল । বুঝতে পাচ্ছি মা, তোমার ঐ কোমল বুকে কিসের একটা মন্ত বড় ব্যথা ! কিসের এই গভীর ব্যথা—থাক—আমি তা জানতেও চাই না ! কিন্তু শুধু একটা কথা না বলে আমি কিছুতেই থাকতে পাচ্ছি না মা ! তোমার প্রতি কথায়, প্রতি ব্যবহারে আমি বেশ বুঝতে পেরেছি মা—এ জগতে তুমি কারো চেয়ে হীন নও, ঘণ্য নও । অন্ধ হলেও আমি বেশ বুঝতে পাচ্ছি—তুমি মা করুণার জাগ্রত মূর্তি ! পাপের কালিমা তোমার কাছেও আসতে পারে না !

শান্তি । ঐ যেন কে এই দিকেই আসছে । তুমি এই পথে সোজা  
এগিয়ে যাও বাবা ! আর তোমার কোন অস্বকিধে হবে না ।  
বাউল । আচ্ছা মা, চলুম । তারা, শিব-শঙ্করী !

বাউলের প্রস্থান, শান্তিও দ্রুতপদে বিপরীত দিকে চলিয়া গেল

\*কিছুক্ষণ পরে ছুটিয়া শ্রীমন্তের প্রবেশ\*

শ্রীমন্ত । কে ? কে ? কে চলে গেল ? শান্তি ! মা শান্তি ! এই  
যে আমি এসেছি ! একটু দাঁড়াও ! একটু দাঁড়াও !

বিশ্বনাথের প্রবেশ

বিশ্বনাথ । এই যে শ্রীমন্ত খুড়ো ! কি হচ্ছে এখানে ? কাকে  
ডাকছো ?

শ্রীমন্ত । আমার মেয়ে—শান্তি !

বিশ্বনাথ । তোমার মেয়ে ! কোথায় ?

শ্রীমন্ত । এইমাত্র এখানে ছিল—আমায় দেখতে পেয়েই চলে গেল ।  
বড় অভিমানী কিনা ! আমায় ত সে দেখা দেবে না । আমার  
উপর সে রাগ করেছে, আমি যে তার অক্ষয়—অপদার্থ, বাপ !  
আমি ত পারি নি তাকে ধরে রাখতে, কালসাপের নিষ্ঠুর ছোবল  
থেকে পারি নি তাকে বাঁচাতে ?

বিশ্বনাথ । কি তুমি সব বলছো খুড়ো ? কোথায় তোমার মেয়ে ?  
আমি যে ওদিক থেকেই আসছি !

শ্রীমন্ত । ও দিক থেকেই আসছ ? তবু তাকে দেখতে পাও নি ? একটি  
মেয়ে ! ছিপছিপে গুড়ন—গেকর্যা কাপড় পরা, মাথায় রুক্ষ এলো-  
মেলো চুল, দেখতে পাও নি ?

বিশ্বনাথ। না। তবে একটু আগে একজনকে এ পথে যেতে দেখেছি বটে।

শ্রীমন্ত। দেখেছো? কে সে? কে সে?

বিশ্বনাথ। এক অন্ধ বাউল।

শ্রীমন্ত। এক অন্ধ বাউল!

বিশ্বনাথ। হাঁ। সেই যে মাস দুই আগে এখানে এসেছিল।

শ্রীমন্ত। অন্ধ বাউল?

বিশ্বনাথ। হ্যাঁ—সে ফিরে এসেছে, খুব সম্ভব রাজবাড়ীতেই যাচ্ছে।

শ্রীমন্ত। কিন্তু আমি যে তাকে স্পষ্ট দেখলাম! তবে কি আমার চোখের ভুল? এ কি তবে সেই মরুভূমির মরীচিকা?

বিশ্বনাথ। তাতে আর সন্দেহ আছে? অগ্র কেউ এ পথে যায় নি।

শ্রীমন্ত। তবে! হয় ত আমারই ভুল!

বিশ্বনাথ। তুমি কতক্ষণ এখানে আছ?

শ্রীমন্ত। অনেকক্ষণ।

বিশ্বনাথ। অনেকক্ষণ? তবে কি সারারাত এই নদীর ধারেই ঘুরে বেড়াচ্ছ?  
( শ্রীমন্ত চুপ করিয়া রহিল )

কি খুড়ো জবাব দিচ্ছ না যে? হাঃ হাঃ হাঃ।

শ্রীমন্ত। পাগল দেখে হাসছো? হাসো!

বিশ্বনাথ। চল, চল খুড়ো—নদীতে স্নান করবে চল! মাথা ঠাণ্ডা হবে'খন। যাবে? কি বল?

শ্রীমন্ত। হায় রে ছুনিয়া! বলিহারি! কেউ বা আনন্দে হাসে, আর কেউ বা দুঃখে বুক চাপড়ে কাঁদে। চমৎকার সৃষ্টি!

বিশ্বনাথ। না যাও—আমি চললাম। ( স্বগতঃ ) পাগল!

শ্রীমন্ত । লোকে ভাবে আমি পাগল । পাগল নয় ত কি ? পাগল  
নইলে কি কেউ সারারাত পথে পথে ঘুরে বেড়ায় ? পাগল না হলে  
কি কেউ মর্শাস্তিক শোকের জ্বালা এমনি করে ভুলে থাকতে পারে ?  
এত বড় একটা অত্যাচার নীরবে হজম করে নিতে পারে ? আমি  
পাগল—তাই পেয়েছি ! আমি পাগল ! মা আনন্দময়ী !\* আমাকে  
তুই চিরকাল পাগল করেই রেখে দে মা—পাগল করেই রেখে দে !  
আমি চাই তোর কাছে—শুধু বিস্মৃতি । আমায় ভুলিয়ে দে মা !  
আমায় সব ভুলিয়ে দে !

রত্নগর্ভ নদীতে প্রাতঃস্নান করিয়া ফিরিতেছিলেন, তিনি

শ্রীমন্তকে দেখিয়া দাঁড়াইলেন

রত্নগর্ভ । কি হে শ্রীমন্ত যে ! এত ভোরে কোথায় চলেছ ? রাস্তার  
মাঝখানে দাঁড়িয়ে কি ভাবছো ?

শ্রীমন্ত । ভাবছি ঠাকুরমশায়, আচ্ছা, রাজা বড় কি সমাজ বড় ?

রত্নগর্ভ । হাঃ হাঃ হাঃ—হঠাৎ তোমার আবার এ খেয়াল হ'ল কেন  
হে ? রাজত্ব ঘুমোও নি বোধ হয় ?

শ্রীমন্ত । বলুন না, সমাজের নিয়ম রাজা মানবেন, অথবা রাজার আদেশ  
সমাজ শুনতে বাধ্য হবে ?

রত্নগর্ভ । সমাজের অনুশাসনই রাজাকে মর্শনতে হবে ।

শ্রীমন্ত । মিছে কথা, তুমি জান না ঠাকুর, তুমি জান না । ধনী দোষ  
কুর্লে সমাজ কানে আঙ্গুল দিয়ে রাখবে—চোখ থাকবে বুঁজে ।  
কিন্তু অসহায় গরীব অত্যাচার করলে সমাজ তার টুঁটি চেপে ধরবে !  
তখন ধনী আর সমাজ এক হয়ে তার সর্বনাশ করবে !

রত্নগর্ভ । না, না ! অত্যাচার করলে সমাজ গরীবকে যে শাস্তি দেবে,

ধনবানকেও সেই দণ্ডই গ্রহণ করতে হবে। সমাজের চক্ষে  
সব সমান।

শ্রীমন্ত । সত্যি কি তাই হয়ে থাকে ?

রত্নগর্ভ । নিশ্চয়ই হওয়া উচিত !

শ্রীমন্ত কি যেন চিন্তা করিয়া সঙ্কসা হাসিয়া উঠিল

শ্রীমন্ত । হওয়া উচিত ? হাঃ হাঃ হাঃ হাঃ—

তাহার চোখে প্রতিহিংসার আগুন জ্বলিয়া উঠিল

রত্নগর্ভ । হাসলে যে ! বিশ্বাস হ'ল না ?

শ্রীমন্ত । আমি দেখবো ! আমি দেখবো !

রত্নগর্ভ । কি দেখবে ?

শ্রীমন্ত । সমাজের নিরপেক্ষ বিচার !

রত্নগর্ভ । সমাজের বিচার দেখ নি ?

শ্রীমন্ত । হ্যাঁ, দেখেছি—( শিহরিয়া উঠিল, তার পরেই আবার হাসিয়া  
উঠিল ) হাঃ হাঃ হাঃ হাঃ ! কিন্তু ঠাকুর, সেটা তার একদিক ! তার  
অন্য দিকটাও দেখবো !

রত্নগর্ভ । চল, চল, রাস্তায় দাঁড়িয়ে আর সমাজের বিচার দেখে কাজ  
নেই—চল ! একে মনসা, তায় আবার ধূনোর গন্ধ ।

শ্রীমন্ত । ঠিক হয়েছে । আচ্ছা ঠাকুর—না থাক, তুমি যাও !

কালু সর্দারের প্রবেশ

রত্নগর্ভ । এই যে সর্দারজী ! এই দিকে এত ভোরে ?

কালু । আর কন্ কেনে—যত সব ঝগড়াট । হঠাৎ রাণীমার খেয়াল  
হইছে বেরামপুত্রর যাইবার । আমারেও তেনার সাথে যাইবার

লাগবো। মহারাজার হুকুম হইছে। তাই সব গোছগাছ করবার চল্ছি।

শ্রীমন্ত। কি বল্লো? ব্রহ্মপুত্র! কেন?

কাল্লু। আরে আপনি হিন্দু হইয়াও জানেন না? পরশু নাকি ঐ নদীতে

গোছল করলে খুব ছবাব হয়! অষ্টুমির গোছল না কি তাই কইছিল।

শ্রীমন্ত। তা বেশ, তা বেশ, আর কে কে যাচ্ছেন রাণীমার সঙ্গে?

কাল্লু। যাইবার ত চায় হগ্গলই! বড়রাজকুমারী যাইবার চায়—

ছোটও কয় আমিও যামু—

শ্রীমন্ত। বড় বজরায় যাবেন বোধ হয়?

কাল্লু। উহ, বড় বজরায় যাইতে হইলে দেবী লাগবো। পরশু ভোরের

আগে পৌছাইতে পারুম কেন? ছিপে কইর্যা ত তিনি আর

যাইবার পারবো না! কতক পথ নৌকায় যাইয়া হেবে পাকী লমু।

খাড়াইয়া খাড়াইয়া তোমার লগে পেচাল পাইরা কাম নাই! আমি

চল্লাম—সেলাম!

প্রস্থান

রত্নগর্ভ। কি ভাবছে! শ্রীমন্ত?

শ্রীমন্ত হঠাৎ হাসিয়া উঠিল

হাসলে যে?

শ্রীমন্ত। কিছু নয় গৌসাইজী! আগুন! আগুন! বাতাসের সঙ্গে

আগুন আসছে! আমিও যাই—আমিও যাই গৌসাইজী!

দ্রুত প্রস্থান

রত্নগর্ভ। নাঃ, সারবার আর আশা নেই!

বিশ্বনাথের প্রবেশ

বিশ্ব। এই যে ঠাকুরমশাই! আপনি এখনও রাজবাড়ী যান নি?

রত্নগর্ভ । আরে স্বান করে ফিরুছি হঠাৎ এখানে পাগলা শ্রীমস্তের সঙ্গে দেখা । মিছামিছি আমায় দাঁড় করিয়ে রেখে দিলে !

বিশ্ব । আচ্ছা ঠাকুরমশাই ! শুনেছি, ও নাকি রাজদপ্তরে খুব ভালো কাজ করতো—খুব পাকা লোক ছিল । তার পর হঠাৎ মাথা খারাপ হয়ে গেল কেন ?

রত্ন । সে আজ প্রায় দশ বৎসরের পূর্বের কথা । তুমি তখনও এখানে আস নি । ও স্ত্রীপুত্র নিয়ে একবার দেশে গিয়েছিল । সেই ওর হ'ল কাল !

বিশ্ব । কি রকম ?

রত্ন । দেশে ডাকাতের উৎপাত জান ত ? মগ ডাকাতেরা ওর মেয়েকে একদিন শেষ রাত্রে ঘর থেকে ধরে নিয়ে যায় । বাধা দিতে গিয়ে ওর একটিমাত্র ছেলে তাদের হাতে প্রাণ দেয় । ও নিজেও খুবই জখম হয়েছিল ।

বিশ্ব । তারপর ? তারপর ?

রত্ন । ডাকাতেরা মেয়েটাকে নিয়ে বহু দূরে এক জঙ্গলের ভেতরে লুকিয়ে ছিল । কিন্তু ভগবানের খেলা দেখ ! রাজসেনাপতি মুকুট রায় ঘটনাক্রমে সেই বনেই ক'দিন ধরে শিকার করছিলেন ! তিনি জঙ্গল ঘিরে ফেলেন । ডাকাত বেটারা পালিয়ে যায় মেয়েটাকে ফেলে । তিনি তাকে শ্রীপুরে নিয়ে আসেন ।

বিশ্ব । কিন্তু কোথায় সেই মেয়ে ? শ্রীমস্তের মেয়ে ?

রত্ন । কেউ জানে না কোথায় । তারপর শোন, মেয়ে পাওয়া গেছে সংবাদ পেয়ে শ্রীমন্ত উর্দ্ধ্বাসে রাজধানীতে এসে উপস্থিত হয় । কিন্তু বেচারী মেয়েটাকে পেয়েও পেলো না !

বিশ্ব। তার মানে ?

রত্ন। সমাজ আর তাকে নিতে দিল না।

বিশ্ব। সে কি ? তার কারণ ?

রত্ন। কারণ—দস্যুরা তাকে চুরি করেছিল।

বিশ্ব। কিন্তু সে ত তার জাত খোঁয়ার নি ? ধর্মও হারায় নি ?

রত্ন। তাই বা কে জান্ত বল ? তবে বারবার মেয়েটা কৈদে বলেছিল  
বটে—সে নিষ্কলঙ্ক।

বিশ্ব। নিশ্চয় ! শেষ রাত্রে ধরে নিয়ে গিয়ে সমস্ত দিন ছুটেছে।  
তারপর অপরাহ্নেই সেনাপতি মুকুট রায় তাকে উদ্ধার করলেন।

রত্ন। শ্রীমন্তের স্ত্রী একসঙ্গে দুটো শোক সামলাতে পারলে না, দিন  
কয়েক পরে সেও মারা গেল। মেয়েটাও দিনকতক রাজধানীতে  
অনাথ-আলয়ে ছিল। তার পর কোথায় যে চলে গেল, কেউ  
আর তাকে দেখতে পেলো না ! শ্রীমন্তও সেই থেকেই পাগল হ'ল !  
মাবে মাবে বেশ প্রকৃতিস্থ থাকে। আবার সব গুলিয়ে যায়।

বিশ্ব। আশ্চর্য্য !

রত্ন। বড় দুঃখ হয় লোকটার জন্ত—

বিশ্ব। ঠাকুরমশাই, এই আমাদের মুনি-ঋষিদের গঠিত হিন্দুসমাজ।  
আর এই সমাজের গর্বেই আমাদের বুক দশ হাত ফুলে ওঠে।  
এই যে মেয়েটাকে আমাদের সমাজ পায় ঠেললে, একবার ত চিন্তা  
করেও দেখলে না—শেষে তার পরিণামটা কি হবে ?

রত্ন। থাক—থাক—ও আলোচনায় এখন আর ফল কি বল ?

বিশ্ব। এই আলোচনারই এখন বিশেষ করে প্রয়োজন হয়েছে ঠাকুর-  
মশাই। শুধু এক শ্রীমন্ত নয়, এ দেশে এই সমাজের জন্ত বহু শ্রীমন্তের



সর্বনাশ হয়েছে, হচ্ছে—আর এর সংস্কার না হওয়া পর্য্যন্ত হবেও ।  
লোকসান তাতে শ্রীমন্তের নয় ঠাকুরমশাই—লোকসান হচ্ছে  
আমাদের ধর্মের—আমাদের জাতির—আমাদের দেশের ।  
রত্ন । চল, চল বিশ্বনাথ, দেবী হয়ে যাচ্ছে । যতদিন সমাজ আছে তার  
নিয়ম মেনে আমাদের চলতেই হবে ।  
বিশ্ব । হ্যাঁ, চলুন ।

উভয়ের প্রস্থান

## দ্বিতীয় দৃশ্য

স্থান—রাজবাটীর অন্তঃপুরস্থ কক্ষ । কাল—অপরাহ্ন

সোণা এবং রত্না কথা কহিতে কহিতে প্রবেশ করিল

রত্না । না, না—আমি কোন কথা শুনব না দিদি ! আমিও তোমাদের  
সঙ্গে যাবো । কিছুতেই ছাড়ব না !

সোণা । সে কিরে ? তুই পাগল হয়েছিস্ রত্না ?

রত্না । পাগল কেন ? তোমরা যেতে পার, আর আমার বেলাই যত  
দোষ ?

সোণা । দোষ গুণের কথা নয় বোন ! কাকামণি যে কিছুতেই মত  
কচ্ছেন না । তাঁর অবাধ্য হবি ?

রত্না । কেন মত কচ্ছেন না শুনি ? তোমার বেলায় মত কচ্ছেন, দাদার  
বেলায় মত কচ্ছেন, হরিদাসীকে যেতে বলেন । আমার কি  
অপরাধটা শুনি ?

সোণা । তবে সত্যি কথা শুনবি ? বলব ?

রত্না । কি কথা ?

সোণা । ভূষণার রাজবাড়ী থেকে সেদিন একজন ভাট পাঠিয়েছিল

‘জানিস ত ? তারা নাকি তোকে দেখতে আসবে ।

রত্না । আবার ইয়ারকি হচ্ছে বুঝি ?

সোণা । ইয়ারকি কেন ? তোর যে বিয়ের সম্বন্ধ হচ্ছে সেখানে ।

রত্না । আবার ? দিদি ! ভাল হবে না কিন্তু—আমি বলে দিচ্ছি ।

নারায়ণের প্রবেশ

নারায়ণ । কি ভাল হবে না রে ? এখানে দাঁড়িয়ে কি বক্তিম হচ্ছে ?

সোণা । এই দেখ না ভাই নারায়ণ ? রত্না বারনা ধরেছে, সেও আমাদের

সঙ্গে ব্রহ্মপুত্র স্নানে যাবে ।

নারায়ণ ! হ্যাঁ ! রত্না যাবে বৈকি ! রত্না না গেলে চলে ? আমাদের

পথ দেখিয়ে নিয়ে যাবে কে ?

রত্না । রত্না কেন যাবে না শুনি ?

নারায়ণ । হ্যাঁ, যাবি বৈকি ! তুই যে এখন মস্ত বড় মুরুন্নি হয়ে উঠেছিস !

রত্না । না গো মশাই, না ! আমি মুরুন্নি হ’ব কেন ? মুরুন্নি হয়েছে

তুমি, মুরুন্নি হয়েছে দিদি !

নারায়ণ । তা আমরা মুরুন্নি হয়েছে বৈশ করেছে ! তুই চুপ কর !

সোণা । না, না, রত্নাও মুরুন্নি হয়েছে বৈ কি ! ওর যে বিয়ের সম্বন্ধ হচ্ছে !

রত্না । হ্যাঁ ! তোমার কানে কানে বলেছে !

সোণা । কেন ? সেদিন ভাট আসে নি ?

রত্না । ‘ফের্ বন্ছি দিদি, ওসব ইয়ারকি আমার ভাল লাগে না ! এই

নিয়ে আমি কুরুক্ষেত্র, বাধাব কিন্তু বলে দিচ্ছি !

নারায়ণ । রত্নাকে কেন খ্যাপাচ্ছ দিদি ? ও যাবে বললেই ত আর যেতে

পাবে না !

রত্না। না। যাবে না বৈ কি। সকলের আগে গিয়ে আমি বজরায়  
উঠে বসে থাকবো, দেখে নিও।

নারায়ণ। হ্যা, বসে থেকো! আর আমরাও এই এমনি করে ঘাড়টি  
না ধরে হুড় হুড় করে নামিয়ে দেব! দেখে নিও!

রত্না। উঃ—মাগো! এই জ্যাখো না, দাদা কি কচ্ছে!

নারায়ণ। কেন? কি কচ্ছি?

সোণা। না, না, ওকে আর চটিয়ে দরকার নেই নারায়ণ! ও একেই  
ক্ষেপি—

রত্না। হ্যা, হ্যা, আমি ক্ষেপি আর তোমরা সব এক একটি বুদ্ধির  
টেকি। আমি জানি গো জানি, সব জানি। আমি তোমাদের  
হু'চক্ষের বালাই। আমায় বিদেয় করতে পারলেই তোমরা বাঁচো।

সুনন্দার প্রবেশ

সুনন্দা। আমায় ডাকছিলি রত্না?

রত্না। এই দেখ না মা, ওরা কি কচ্ছে!

সুনন্দা। কেন বাপু, তোরা ওর সঙ্গে সব সময় কাগিস্'বল্ ত?

নারায়ণ। ওর সঙ্গে কিচ্ছু লাগি নি মা!

রত্না। লাগো নি বৈ কি! আমার ঘাড় ধরে ঝাঁকুনি দাও নি?

নারায়ণ। তুই কেন বললি আমাদের আগে গিয়ে বজরায় উঠে বসে  
থাকবি?

রত্না। থাকবোই ত!

সুনন্দা। ও! রত্নাও ব্রহ্মপুত্রে স্নান করতে যাবে বলছে বুঝি?

রত্না। হ্যা মা—আমিও তোমাদের সঙ্গে যাব।

নারায়ণ। হ্যাঁ, যাবি বৈকি! বাবা বারণ কচ্ছেন—গেরাছি হচ্ছে না!  
রত্না। আমি গেরাছি করব না! আমার ইচ্ছে। তোমাদের কি?  
সুনন্দা। তোমার বাবা যে বারণ কচ্ছেন মা? নইলে আমার ত ইচ্ছে  
ছিল তোমাকে নিয়ে যাই।

সোণা। কাকামণিকে বলে তুমি রাজি কর না কাকীমা? ওঁ যে কাল  
থেকে আমার সঙ্গে ঝগড়া কচ্ছে!

রত্না। হ্যাঁ মা, বাবাকে তুমি একবার বল!

সুনন্দা। দেখি আর একবার বলে!

নারায়ণ। বাবাকে বলে কিছু হবে না! তিনি একবার যখন ‘না’  
বলেছেন—কিছুতেই আর রাজি হবেন না।

রত্না। না, রাজি হবেন না। তুমি হাত গুণতে শিখেছ! কি আমার  
গণক-ঠাকুর এলেন গো!

নারায়ণ। আরে হতভাগী—তুই সেখানে যাবি কি রে? এই ত হৌদল-  
কুঁতকুঁতের মতন চেহারা! জানিস্ স্নানের ঘাটে কি ভয়ানক ভিড়?  
চেপ্টে যাবি। ভিড়ের ভেতর এমনি তালগোল পাকিয়ে যাবি—  
শেষে আর কেউ তোকে বিয়ে করতে চাইবে না।

রত্না মুখ-ভঙ্গি করিল

সুনন্দা। আচ্ছা, আচ্ছা, আমি আর একবার মহারাজকে বলে দেখি।  
তুই একটু ঠাণ্ডা হ’ দেখি।

নারায়ণ মুখ-ভঙ্গি করিয়া প্রস্থান করিল

রত্না। দেখলে মা? দেখলে? দাদার দোষ তোমরা কেউ দেখতে  
পাও না! আমি যাচ্ছি জ্যোঠামণিকে সব এক্ষুনি বলছি গিয়ে।

প্রস্থান

সোণা । এই যে শ্রীমন্তদা !

শ্রীমন্তের প্রবেশ

সোণা । শ্রীমন্তদা ! তুমি যাবে আমাদের সঙ্গে ?

শ্রীমন্ত । তোমাদের সঙ্গে ? হ্যাঁ—তা—যেতেও পারি ! কিন্তু কোথায় ?

সোণা । ব্রহ্মপুত্রে ? অষ্টমীর স্নান করতে ?

শ্রীমন্ত । তুমিও যাবে দিদিমণি ?

সোণা । হ্যাঁ, —আমি যাব, নারায়ণ যাবে, কাকীমা যাবেন—

শ্রীমন্ত । অষ্টমী-স্নান ? লাঙ্গলবন্ধে ? বেশ ! বেশ ! প্রতিবছর বহুলোক  
সেখানে যায় !

সুনন্দা । আপনিও কেন চলুন না সরকারমশাই ? এমনি ত নানা  
যায়গায় ঘুরে ঘুরে বেড়ান—চলুন না কেন, আমাদের সঙ্গে স্নানটা  
করে আসবেন ; প্রাণে শান্তি পাবেন ।

শ্রীমন্ত । শান্তি ? আমি শান্তি পাব ? ভুল—ভুল ! শান্তি যে আমার  
বহুকাল ছেড়ে গেছে রাণীমা । আর কি আমি তাকে ফিরে পাব !

সুনন্দা । নিশ্চয় পাবেন । মিছে হা-ছতাশ করে ত কোনও লাভ নেই ।

শ্রীমন্ত । তা নেই ।

সুনন্দা । এই যে প্রতি বছর হাজার হাজার লোক সেখানে স্নান করতে  
যায়, শান্তি কি তারা পান না ? নইলে এত কষ্ট সহ করে দেশ-  
বিদেশের অত লোক যায় কেন ?

শ্রীমন্ত । আমিও ত বছবার গেছি রাণীমা—স্নান করে এসেছি ! কিন্তু  
কি পেয়েছি ? আমার জীকে স্নান করিয়েছি, আমার শান্তিকে স্নান  
করিয়ে নিয়ে এসেছি—পুণ্যের জোয়ারে ব্রহ্মপুত্রের জলে মাথা  
আমাদের অনেকবার ডুবিয়ে ভারি করে এসেছি ! কিন্তু ফল !

সুনন্দা। ফল মা ভবানীর হাতে সরকারমশাই! মানুষ তার আশা  
 \* করবে কেন? এই যে আপনি অশান্তির আগুনে জলে পুড়ে থাক  
 হচ্ছেন—কি করবেন? আপনার ত কোন হাত নেই! সব যে  
 তাঁরই ইচ্ছা!

শ্রীমন্ত। তাঁরই ইচ্ছা? তবে আর মানুষ মিছে ভাবনা করে মরে কেন?  
 তবে মা ভবানীর ইচ্ছাই পূর্ণ হোক।

সোণার দিকে চাহিতে চাহিতে প্রস্থানোত্ত

সুনন্দা। চলে যাচ্ছেন যে?

শ্রীমন্ত। হ্যাঁ, যাচ্ছি রাগীমা! বুকের মধ্যে আগুনের শিখা লক্ লক্  
 করে জলছে! ছাই চাপা দিয়ে আর রাখতে পাচ্ছি না—রাগীমা,  
 রাখতে পাচ্ছি না। আমি যাই—আমি যাই—দেখি, একটু জল  
 কোথায় পাই! একটু জল!

প্রস্থান

সোণা। আহা মাথা একেবারে খারাপ হয়ে গেছে কাকীমা!

সুনন্দা। যাবে না? কি দাগটাই না পেয়েছে? ও যে এখনও স্টেচে  
 \* আছে তাই আশ্চর্য্য।

বিপরীত দিক হইতে নারায়ণ ও রত্নার পুনঃ প্রবেশ

নারায়ণ। সন্ধ্যা যে হয়ে এল! চল দিদি, সব গোছ-গাছ করতে হবে  
 না? আর সময় কোথায়? কাল সকালেই ত যাত্রা করতে হবে।

সোণা। হাঁ ভাই, চল।

উভয়ের প্রস্থান

সুনন্দা। রত্না!

রত্না। কি মা।

সুনন্দা। তোমার খেয়ে কাজ নেই! লক্ষ্মী মা আমার!

রত্না। তুমিও?

সুনন্দা। বুঝে ছাখ্ মা—আমি যাচ্ছি, সোণা যাচ্ছে—তুইও চলে গেলে, তোর বাবাকে আর তোর জ্যাঠামণিকে এখানে কে দেখবে বল ত? কে ওঁদের কাছে বসে খাওয়াবে? হয় ত এই ক’দিন ওঁদের খাওয়াই হবে না।

রত্না। তবে দিদিই বা যাচ্ছে কেন? সে ত আর পুণ্য-টুণ্য কিছু মানে না? মায়ের আরতি দেখতে পর্য্যন্ত যায় না।

কেদার রায়ের প্রবেশ

কেদার। কে আরতি দেখতে যায় না রো রত্না? এই যে সুনন্দা এখানে। ছাখ, তোমাদের যাবার জন্ত বড় বজরাখানাই বলে দিলাম। সঙ্গে দু’খানা পাল্‌কীও পাঠাচ্ছি। পরশু ভোর বেলা যদি দেখ বজরা ঠিক সময়ে পৌঁছতে পারবে না, তা হলে বজরা ছেড়ে পাল্‌কী করে চলে যেও।

সুনন্দা। আচ্ছা, তাই হবে।

কেদার। আর তোমাদের সঙ্গে দু’খানা ছিপে করে যাচ্ছে কাল্লু সর্দার আর পঞ্চাশজন লেঠেल्। মিছেমিছি আর লোক বাড়িয়ে লাভ কি? কি বল?

সুনন্দা। তাই যথেষ্ট। কিন্তু এদিকে যে আর এক মুন্সিল!

কেদার। কেন—কি হ’ল?

সুনন্দা। রত্নাও যাবার জন্ত বায়না ধরেছে।

কেদার। না, না, রত্না যাবে না। ও চলে গেলে ওর জ্যাঠামণির কাছে থাকবে কে ?

সুনন্দা। আমিও ত তাই বলছি !

কেদার। রত্না !

• রত্না। বাবা ?

কেদার। তুমি মা আমার এত বুদ্ধিমতী হয়ে আবার এমন অবস্থা ?

তুমি গেলে যে তোমার জ্যাঠামণিকেও পাঠাতে হয় ! তিনি যে একদণ্ডও তোমাকে ছেড়ে থাকতে পারেন না।

রত্না। আমি যাব না বাবা।

কেদার। এই ত আমার মায়ের মতন কথা।

রত্না। কিন্তু তোমরা দাদাকে আর দিদিকে বলে দিও, ওরা যেন যা তা বলে আমার সঙ্গে ইয়ারকি না করে !

রাগিণী প্রস্থান

সুনন্দা। মেয়ের রকম দেখে হাসি পায়।

কেদার। কি বলছিল ওরা রত্নাকে ?

সুনন্দা। 'বিয়ে'র কথা দিয়ে ওরা ওকে ঠাট্টা করে কিনা।

দূরে মন্দিরে শঙ্খধ্বনি শ্রুত হইল

কেদার। সত্যিই সুনন্দা, আমার মাঝে মাঝে মনে হয় রত্নার বিয়ে আমি দেব না। দিবি হেসে খেলে বেড়াচ্ছে ! কি পাপে আমার সোণার এই দশা !

সুনন্দা। থাক, থাক—ওসব কথা আর ভেব না। আরতির সময় হ'ল—চল।

উভয়ের প্রস্থান



## তৃতীয় দৃশ্য

খিজিরপুরে নবাব ঈশা খাঁর আরাম কক্ষ। কাল—রাত্রি। পুষ্পাধারে পুষ্পগুচ্ছ শোভা পাইতেছিল। অর্দ্ধোন্মুক্ত বাতায়ন-পথে উদ্ভাসিত কিয়দংশ দেখা যাইতেছিল। নবাব পালঙ্কের উপর অর্দ্ধশায়িত। আলবোলায় তামাক খাইতেছিলেন। সম্মুখে নর্তকীগণ গাহিতেছিল—

গীত

কত নিশি জাগি পোহাই সই।

পিয়া লাগি দিন যামিনী—

আকুল প্রাণে জেগে রই,

ও সে আসে কই ?

বিরহিনীর উদাস প্রাণে, তোমরা বধু গুঞ্জরণে,

কয়ে কথা কানে কানে, বাতায়নে আসে ওই,

সে আসে কই ?

পাগল হাওয়া আগল ভেঙ্গে

ছুটে আসে সই কত রঙে

বরষা শেষে চাঁদনী হাসে

মরমেতে মরে রই—

ও সে আসে কই ?

গান তাঁহার ভাল লাগিল না, মুখে উদ্বেগের চিহ্ন পরিস্ফুট

ঈশা খাঁ। তোমরা যাও। গান আজ আমার ভাল লাগছে না।

নর্তকীগণ অভিবাদন করিয়া চলিয়া গেল

ওঃ—মাথার ভেতর যেন কিসের একটা দুঃসহ জ্বালা! অসহ!

অস্থিরভাবে কক্ষ মধ্যে কিছুক্ষণ ঘুরিয়া বেড়াইলেন। তার পর আবার বসিলেন। নিজের আঙুরাখার ভিতর হইতে একখানা পত্র বাহির করিয়া বিশেষ মনোযোগের সহিত তাহা দেখিতে লাগিলেন। পরে কহিলেন—

ঈশা। কিন্তু এ কি সত্য? এ তার পত্র? সোণা—আমার বন্ধু রাজা চাঁদ রায়ের কত্ৰা সোণা—সে আমার কাছে এই পত্র লিখেছে? সে আমাকে বিবাহ করতে চায়? এ কি সম্ভব? হিন্দু রাজার কত্ৰা হলেও সে আমাকে—না, না, হতেও পারে—অসম্ভব। কিসে? কিছুমাত্র আশ্চর্য্য নয়! অপরূপ সুন্দরী—পূর্ণ-যৌবনা, বালবিধবা! হৃদয়ে অফুরন্ত কামনা—অতৃপ্ত তৃষ্ণা! অকালে স্বামী হারিয়েছে। আশ্চর্য্য কি! শ্রীপুরে সেদিন তাকে দেখলাম! কি অপূর্ণ সুন্দরী! রূপের আভায় চোখ যেন ঝলসে যায়! না, না, সে যে আমার বন্ধুকত্ৰা! বন্ধুকত্ৰা! ওঃ পিপাসা—শুধু পিপাসা! এই—কে আছিস্?

ভূত্যের প্রবেশ

কে? তাহের? যা—সরাব নিয়ে আয়!

তাহের হাঁ করিয়া তাকাইয়া রহিল

এই ও, সরাব! সরাব!

তাহের। সরাব! আপনি খাবেন?

ঈশা। হাঁ, কোনদিন খাই নি, আজ খেয়ে দেখ্‌বো।

তাহের। জনাব! আজ আপনার মুখে—

ঈশা। আঃ চোপরাও! জলদি লে আও।

তাহের কুনিশ করিয়া চলিয়া গেল

ওঃ! আর পারি না! দেখছি বৃদ্ধ চাঁদ রায়ের কণ্ঠাই শেষে আমার কাল হ'ল। কতবার কতভাবে মনকে প্রবোধ দিচ্ছি—চাঁদ রায় আমার বন্ধু—তার কণ্ঠা! সে হিন্দুললনা, আর আমি মুসলমান! কিন্তু পারি না—কিছুতেই তাকে ভুলতে পারি না। স্বপ্নে, তন্দ্রায়, জাগরণে সর্বদা আমার চোখের ওপর ভেসে উঠছে তার সেই অপরূপ ছবি! ছবি বলছে, 'আমি আগুনের ফুলকি—আমায় ছুঁ'স্ নি, পুড়ে যাবি'—কিন্তু মন আমার ছুটে চলেছে পতঙ্গের মত সে বহুশিখাতেই ঝাঁপিয়ে পড়তে। ওঃ খোদা—খোদা! আমায় বাঁচাও! তুমি আমায় বাঁচাও!

সরাবের পাত্র হস্তে তাহের পুনরায় প্রবেশ করিল

ঈশা। কে? ও, তাহের?

তাহের। হজুর, সরাব এনেছি।

ঈশা। কি এনেছিস্?

তাহের। যা হুকুম করেছিলেন—সরাব!

ঈশা। সরাব? (পাত্র মুখে তুলিতে গিয়া ফিরাইয়া দিয়া) ওরে না, না, নিয়ে যা—নিয়ে যা—উভেজনায় ক্ষিপ্ত হয়ে সরাব খাব বলেছি!

তুইও ক্ষেপেছিস্? আমি যে মুসলমান, সরাব আমার খেতে নেই! তাহের। জনাব! তাই বলুন!

হাসিমুখে কুর্নিশ করিতে করিতে তাহের প্রস্থান করিল

ঈশা। কিন্তু কি করি? কেমন করে তাকে ভুলি?

মায়ার প্রবেশ

মায়া। বাবা! ~~বাবা!~~ তুমি এখানে একলাটি বসে আছ?

ঈশা। আঃ! তুমি আবার এখানে কি করতে এলে মা?

মায়া। তোমায় খুঁজতে, আমি তোমাকে কত জায়গায় খুঁজে এসেছি।

চল বাবা, খাবে চল!

ঈশা। তুমি চল মা—আমি যাচ্ছি।

মায়া। না, তুমিও আমার সঙ্গে চল। নইলে তুমি আরও দেরি করবে।

ঈশা। ( বিরক্ত হইয়া ) না, না, তুই এখন পালা।

অপ্রতিভ হইয়া মায়া চলিয়া গেল

মা-হারা মেয়ে—সেও আজ আমার মুখ থেকে রুঢ় কথা শুনে গেল।

জীবনে এই বোধ হয় ওর প্রথম! আমি কি উন্মাদ হয়েছি? না, না, আমি সেই মায়াবিনীকে ভুলবো, যেমন করে হোক, যেমন করে পারি, তাকে ভুলবো।

সহসা শ্রীমন্তের প্রবেশ

শ্রীমন্ত। আপনি পারবেন না জনাব!

ঈশা। কে? ও শ্রীমন্ত! তুমি এখানে?

শ্রীমন্ত। আমার গোস্বামী মাপ করবেন নবাবসাহেব! আমি সংবাদ না ঝাঠিয়েই এসে হাজির হয়েছি।

ঈশা। কিন্তু কি পারুব না বলছিলে?

শ্রীমন্ত। সোণাকে ভুলতে! হাঃ হাঃ হাঃ হাঃ!

ঈশা। “চোপ্‌রও বেয়াকুব্!” এখনি বেঁধে তোমায় চাঁদ রায়ের কাছে পাঠাব।

শ্রীমন্ত। জনাব! পুত্‌তারিণা অস্ত্রের সঙ্গে চলে, কিন্তু নিজের অস্ত্রের সঙ্গে চলে না।

ঈশা। আমি সোণাকে চাই, তুমি কি করে জান্নলে ?

শ্রীমন্ত। আমি জানি—আমি জানি নবাবসাহেব।

ঈশা। আমি সোণাকে পেলে তোমার কি ?

শ্রীমন্ত। আমার কি ? আমার কি ? ওতেই আমার সব নবাবসাহেব  
আমার এই বিদগ্ধ জীবনের শেষ একটা আকাজ্জার পরিসমাপ্তি  
আপনি বুঝতে পারবেন না নবাবসাহেব—আপনি ধারণাও করতে  
পারবেন না।

তাহার চক্ষু-তারকা উজ্জ্বল হইয়া উঠিল

ঈশা। আমি তোমার কথা বুঝতে পাচ্ছি না শ্রীমন্ত। তোমার মস্তিষ্ক  
ঠিক আছে ত ?

শ্রীমন্ত। মস্তিষ্কই নেই, তার আবার ঠিক ! হাঃ হাঃ হাঃ হাঃ—মাথা  
নেই—তার মাথা বাথা ! নবাবসাহেব, আমি সময় সময় পাগল হয়ে  
যাই। কিন্তু কেন জানেন কি ? যদি তা জানতেন—ওঃ ! যাক্।  
এখন থাক এসব কথা। সময়ান্তরে বল্ব ! (সহসা উত্তেজিত হইয়া  
উঠিল) নবাবসাহেব, আমি উন্মাদ ! একটা বন্ধ পাগল ! কিন্তু  
যে কথা আপনাকে বলবার জগ্গ আজ এখানে উদ্ধার মত ছুটে  
এসেছি—(সহসা থামিল)

ঈশা। কি কথা ? থামলে কেন ? বল ! বল !

শ্রীমন্ত। আপনি—আপনি—(কথা বাধিয়া গেল)

ঈশা। আমি কি ?

শ্রীমন্ত। আপনি যেমন সোণাকে চান—সেও তেমন আপনাকেই চায়

ঈশা। আমাকে চায় ? আমাকে চায় ? সত্য ? সত্য কথা শ্রীমন্ত :

সে আমাকে ভালবাসে ?

শ্রীমন্ত । মিথ্যা বলে আমার লাভ ?

ঈশা । সত্য ? কিন্তু আমি কি তাকে পাব শ্রীমন্ত ? না, না, না, তা হয় না । সে যে—আকাশ-কুসুম !

শ্রীমন্ত । আমি জানি এক উপায় ! সোণাকে পাবার উপায় ! ব্রহ্মপুত্রে অষ্টমী স্নান—

তারপর উদ্ভাস্তভাবে বলিল

না, না, আমি যাই । এখন আমি যাই নবাবসাহেব !

যাইতে উদ্যত

ঈশা । দাঁড়াও ! ( তাহার হাত ধরিয়া ফেলিলেন ) আমাকে পাগল করে তুমি কোথায় পালাবে উন্মাদ ? স্বধার পাত্র সম্মুখে ধরে আবার তা কেড়ে নেবে ? তা হতে পারে না । এস আমার সঙ্গে—তোমার সমস্ত কথা আমি শুনবো ।

শ্রীমন্তের হাত বজ্র-মুষ্টিতে ধরিয়া টানিতে টানিতে বাহির হইয়া গেলেন

## চতুর্থ দৃশ্য

দিল্লী—মানসিংহের প্রাসাদ ।, কাল—প্রাঙ্গ

মানসিংহ এবং তাঁহার সহকারী কিলমক্ থা কথা কহিতে কহিতে প্রবেশ করিলেন

মানসিংহ । বাঙলা জয় করতে সম্রাট আমাকে তিনমাসের সময় দিয়েছিলেন । কিন্তু আজ ছ মাস পূর্ণ হয়ে গেল—বাঙলা জয় করা ত দূরের কথা, সেখানে সৈন্ত সমাবেশ পর্য্যন্ত করে উঠতে পারি নি ।

কিলমক্। সে দোষ আপনার নয় মহারাজ! বর্ষাকালে বাঙলা দেশে সৈন্স পাঠানো আর তাদের মৃত্যুর মুখে ছেড়ে দেওয়া একই কথা!

মান। তুমি সত্য বলেছ সেনাপতি। এত বড় বড় ভীষণকায়া নদ-নদীর একত্র সমাবেশ আমি আর কোন দেশে দেখি নি।

কিলমক্। বিশেষতঃ সেই সব নদ-নদী যখন তাদের ঢুকুল ছাপিয়ে বাঙলা দেশকে গ্রাস করে ফেলে, তখন কি ভীষণ দৃশ্য! সমস্ত দেশটা যেন জলে ভাসছে!

মান। বাঙলা দেশের সবই অপরূপ কিলমক্ থা। প্রকৃতি তাকে যতদূর সম্ভব নিপুণ হাতে সাজিয়েছে—তার মনোমুগ্ধকর রূপ দিয়েছে। আর সে দেশের অধিবাসিগণ! আমি নিজে দেখে এসেছি সেনাপতি, যেমন তাদের দেহের দীর্ঘায়ত বলিষ্ঠ গঠন, তেমনি তাদের বীরত্ব-ব্যঞ্জক অপূর্ব মুখশ্রী! আমার মনে হ'ল যেন প্রত্যেক লোক ভিন্ন ভিন্ন রূপের আবরণে এক একজন প্রতাপাদিত্য। কেদার রায়, অবহেলার পাত্র নয় কিলমক্ থা! তার বিরুদ্ধে তোমাঝে পাঠাচ্ছি—তুমি রীতিমত প্রস্তুত হয়ে যাবে, যেন বিফল মনোরথ হয়ে ফিরতে না হয়।

কিলমক্। আপনি নিশ্চিত "থাকুন মহারাজ! বিশ হাজার মৌগল সৈন্স ভুঁইয়া কেদার রায়ের বিরুদ্ধে যথেষ্ট।

মান। না, না, কিলমক্ থা,! আমি "সংবাদ পেয়েছি—কেদার রায় পর্তুগীজ বোম্বেটেদের সাহায্য লাভ করেছে, আর ঈশা খাঁর সঙ্গে তার যুদ্ধ-সম্বন্ধে পরামর্শ চলছে। তুমি আরও দশ হাজার সৈন্স নাও সেনাপতি।

কিলমক্। কোন প্রয়োজন ছিল না মহারাজ! তবে আপনি বলছেন,

আমি আপনার আদেশ অবহেলা করতে পারি না। আমি আরও  
“পাঁচ হাজার দৈন্ত ও একশত কামান সঙ্গে নেব।

মান। তা বেশ! তুমি তা হলে অবিলম্বে যাত্রা কর। (মানচিত্র দেখিয়া)

পদ্মারে এপারে কুতুবপুরেই প্রথমে ছাউনি ফেলবে?

কিলমক্। আজ্ঞে হাঁ, আমার সেইরূপই ইচ্ছা!

মান। (মানচিত্র দেখিতে দেখিতে) তা মন্দ নয়, যাযগাটা সুরক্ষিত  
বলেই বোধ হচ্ছে। তুমি তা হলে এখন এস। (কিলমক্ থাফিরিলেন)

আমি তোমার কাছ থেকে সংবাদের প্রতীক্ষা করব কিলমক্ থা।

কিলমক্। যথা আজ্ঞা।

গমনোত্ত

মান। আর ছাথো—একবার রেজাক থাকে এখানে পাঠিয়ে দাও ত!

কিলমক্। যে আজ্ঞে মহারাজ।

:

প্রস্থান

রেজাক খাঁর প্রবেশ

রেজাক। 'মহাধ্বজ। আমায় স্মরণ করেছেন?

মান। হাঁ, রেজাক থা। দূতবেশে যেদিন আমি শ্রীপুরে যাই সেদিন  
কেদার আমায় কি বললে জান?

রেজাক। কি করে জানবো মহারাজ! ফিরে এসে আপনি ত কিছুই  
বলেন নি?

মান। কেদার রায় সেদিন বললে যে আমি স্বজাতিদ্রোহী—আমি হিন্দু  
কুলের অগৌরব। আমা হতেই নাকি হিন্দুর হিন্দুত্ব যেতে বসেছে  
—ভারতের হিন্দু-জাতি ধ্বংসের পথে ছুটে চলেছে। ভারতের  
সমস্ত হিন্দুই নাকি এই একই কথা বলে।—তাই কি?



রেজাক । এ প্রশ্নের কি জবাব দেব আমি বুঝতে পারছি না মহারাজ !  
 মান । আমি নিজে হিন্দু হয়েও মোগলের দাসত্ব বরণ করেছি সত্য কথা,  
 কিন্তু তারা জানে না যে আমি মোগলের সৈন্যপত্য গ্রহণ না করলেও  
 বর্তমানে ধ্বংসাবশেষ হিন্দু জাতির পুনরুত্থান অসম্ভব । রাণা প্রতাপ  
 কিষ্কা প্রতাপাদিত্যের সাধ্যও ছিল না যে মোগলের বিরাট  
 বাহিনীকে পরাজিত করে দিল্লীর অটল সিংহাসন টলাতে পারে !  
 হাঁ, তবে হতে পারে—আমি এর নিমিত্ত—কারণ ! কি বল ?

রেজাক । সত্য কথা মহারাজ ! কিন্তু সে কথা ভেবে আর এখন ফল কি ?  
 মান । সত্য রেজাক খাঁ, সে কথা ভেবে এখন কোনও ফল নেই । আমি  
 —আমি বহুদূর অগ্রসর হয়ে পড়েছি—আর ফিরে যাওয়া অসম্ভব ।

ধীরে ধীরে নিজ্জামত হইলেন-

রেজাক । অদ্বুত প্রকৃতি ! এতদিনেও চিন্তা পার্বল্য না !

প্রস্থান

অপর দিক দিয়া কিলমক্ খাঁ এবং সাদি খাঁর প্রবেশ

কিলমক্ । এই যা ! মহারাজ যে চলে গেলেন ? কি হবে ?

সাদি । তা ত যাবেনই ?

কিলমক্ । যাবেনই ?

সাদি । তা নয় ত কি !

কিলমক্ । বটে ? আমার সঙ্গে ইয়ারকি হচ্ছে সাদি খাঁ ?

সাদি । আজ্ঞে ইয়ারকি কেন ? আগে খবর পাঠিয়ে ত আর আপনি  
 আসেন নি ?

কিলমক্ । আগে খবর পাঠাই নি—তা কি হয়েছে ?

সাদি । তিনি ত আর হাত গুণতে জানেন না ! তা হলেও না হয়

হুজুর কখন আসবেন জেনে এখানে হাঁ করে তিনি আপনার পথ চেয়ে বসে থাকতেন।

কিলমক্। এইও, বাড়াবাড়ি হচ্ছে! আমি তোমায় ফের সাবধান করে দিচ্ছি সাহি খাঁ! হুঁসিয়ার!

সাহি। আজ্ঞে বাড়াবাড়িটা হচ্ছে কোথায় হুজুর? তিনি হলেন মহারাজ মানসিংহ। ওরে বাপ্ রে! বাঘে গরুতে যার নামে এক ঘাটে জল খায়! আপনি হচ্ছেন তাঁর অধীনে একজন—

কিলমক্। এইও, চোপ্‌রও বেয়াদব! বেত্মিজ—বে-আক্কেল!

রেজাক খাঁর পুনঃ প্রবেশ

রেজাক। আরে কি হচ্ছে? কি হচ্ছে খাঁ সাহেব?

কিলমক্। এই ছাথ না! বেয়াদবটা আমার মাথা খারাপ করে দিয়েছে।

রেজাক। মাথা খারাপ করে দিয়েছে? সে কি? কেন?

সাহি। আমি কিছু করি নি ছোটহুজুর!

কিলমক্। ফের্‌ বুটা বাত? উল্লুক!

সাহি। (রেজাক খাঁর পিছনে গিয়া) বুটা বাত বলিনি হুজুর!

কিলমক্। তবে রে কর্মবক্ত!

রেজাক। আহা-হা! যেতে দিন খাঁসাহেব! যেতে দিন।

কিলমক্। আরে না, না—তুমি বুঝতে পাচ্ছ না রেজাক খাঁ।

রেজাক। বুঝতে আমি বেশ পেরেছি খাঁসাহেব!

কিলমক্। তবে?

রেজাক। তবে কথা হচ্ছে এই যে এর মত একটা তুচ্ছ প্রাণী আপনার রাগ বরদাস্ত করতে পারবে কেন?

কিলমক্। হাঁ, হাঁ, তা বটে! তবে—

রেজাক। যাক্, যা হবার হয়ে গেছে। ওকে মাপ করুন।

কিলমক্। যা বেতমিজ ! বেঁচে গেলি এবার ! যা এখান থেকে—পালা !

সাদি। যাচ্ছি হজুর।

কিলমক্। যা, পালা ! এই শোন ! আজ সন্ধ্যার পরই রওনা হতে হবে, মনে থাকে যেন।

সাদি। আজ্ঞে তা ঠিক মনে আছে ! তবে আমাদের সঙ্গে বাঙলা মল্লকে আরও একজন যেতে চায় হজুর !

কিলমক্। কে সে ! ও। তোমার দোস্ত্ ওস্মাক্ খাঁ ?

সাদি। জী হজুর।

কিলমক্। কোথায় সে ?

সাদি। এই যে এখানেই হজুরের ভয়ে লুকিয়ে আছে। এই আয় না এখানে !

ওস্মাক্ খাঁর প্রবেশ

ওস্মাক্। বন্দেগী হজুর ! আদাব ছোট হজুর।

রেজাক। (জনাস্তিকে) সাদ্ধ-পাদ্ধ যে রকম জুটেছে দেখছি খাঁসাহেব, মনে হচ্ছে বাঙলায় গিয়ে সময়টা বেশ ভালই কাটবে।

কিলমক্। হেঁ, হেঁ, হেঁ—তা, তা—একটু কাটবে বৈকি। আরে সে কি এখানে ? দিল্লী থেকে একেবারে সেই বাঙলা মল্লক ! একটু আমোদ-প্রমোদের ব্যবস্থা না থাকলে সেখানে থাকে কার সাধ্য ?

রেজাক। তা বটে ! সেই জগুই বুঝি ওস্মাক্ খাঁকেও সঙ্গে নিয়েছেন !

কিলমক্। আরে ওটা একটা আস্ত উল্লুক ! ওর বাপ মা ওর নাম রাখতে ভুল করেছিল। ওস্মাক্ খাঁ না রেখে উচিত ছিল রাখা ওজবুক খাঁ !

ওস্মাক্। আজ্ঞে হুজুরই আমার মা বাপ। আমার খোসনামটা বের  
করে আর ফল কি? ছোটহুজুর ত আমার সবই জানেন।

ফিরিস্তি। তা হলে একবার আমায় দিয়ে দিন হুজুর।

কিলমক্। ফিরিস্তি? কিসের?

ওস্মাক্। আজ্ঞে ওই আমোদ-প্রমোদের?

কিলমক্। ওঃ—নাচনেওয়ালী?

ওস্মাক্। জী হাঁ! কাকে কাকে নেব—তাই!

কিলমক্। ও তোমার পছন্দ মাফিক নাও গে যাও!

ওস্মাক্। যে আজ্ঞে হুজুর! চল দোস্ত! আমাদের পছন্দ মাফিক!

আদাব হুজুর!

সাদি খাঁ এবং ওস্মাক্ খাঁর প্রস্থান

কিলমক্। কি ভাবছেন রেজাক খাঁ?

রেজাক্। ভাবছি খাঁসাহেব—আয়োজন যা করেছেন বাঙলা মুল্লকে  
নিজের গর্দান রেখে আসতে হয়।

কিলমক্। তোমার মনে রাখা উচিত রেজাক খাঁ, যে বয়সে এবং পদবীতে

তুমি আমার চেয়ে ছোট!

রেজাক্। তা জানি খাঁসাহেব। তবে বাঙলা দেশটাও সোজা জায়গা  
নয় এটাও আপনি মনে রাখবেন।

কিলমক্। আরে রেখে দাও তোমার বাঙলা দেশ। বাঙলা মুল্লকে  
জয় করগে তুমি! আমি অমন ঢের বাঙলা মুল্লক দেখিছি। হ্যাঁ!

রাগিয়া কিলমকের প্রস্থান

রেজাক্। আরে শুভন—শুভন খাঁসাহেব!

প্রস্থান

## পঞ্চম দৃশ্য

অষ্টমী উপলক্ষে ব্রহ্মপুত্রের স্নান ঘাট। অদূরে একটি ঘাট মেয়েদের স্নানের জন্য নির্দিষ্ট করা ছিল। মেয়েদের ঘাটের একাংশ চাঁদ রায়ের কন্যা সোণার স্নানের জন্য পৃথক রাখা হইয়াছিল। স্নান-ঘাট হইতে কিছুদূরে একটি সাধারণ পথ।

ভিক্ষার্থী বালক-কৃষ্ণের গীত

রাখালরাজে দেগবে এসো

ওগো নগরবাসী।

মাথে চূড়া হাতে বাঁশী তার

মুখে মধুর হাসি।

পাচন হাতে পালি প্রজা

শাসন করি সেজে রাজা

(আবার) মানের দায়ে সাজি যোগী

দেখতে রাখার মুখশলী।

জনৈক পুরোহিতকে ঘিরিয়া কতিপয় স্নানার্থীর প্রবেশ  
পুরোহিত। আরে তোরা একটু থাম্ না বাপু। স্নান কর্বি ত এত  
গোল কচ্ছিস কেন?

১ম স্নানার্থী। দোহাই বাবাঠাকুর! আমার স্নানটা আগে করিয়ে  
দাও। দোহাই তোমার! দোহাই!

২য় স্নানার্থী। দোহাই দেবতা! আমারটা আগে! আমি সেই কখন  
থেকে তোমার পেছনে ঘুরছি।

পুরোহিত। আচ্ছা, আচ্ছা, তুই দাঁড়া। আরে তুই আবার আমার  
কাছাকাছি ধরে আছিস কেন রে হতভাগা? ছাড়্ না! আঃ!  
কি বিপদেই পড়েছি।

৩য় স্নানার্থী । বাবাঠাকুর !

পুরোহিত । আরে আমায় ছাড় না ব্যাটার। জেঁকের মত সব পেছনে লেগেছে। ঘাটে আর বাবাঠাকুর দেখতে পাচ্ছ না ধনমণি ?

৩য় স্নানার্থী । কোথায় আর পাব বাবাঠাকুর ! সব জায়গায় ভিড়—  
ঠাকুর কি আজ পাবার যো আছে ?

পুরোহিত । কেন ? ওদিকে যাও না—খুঁজে দেখ না ! যত সব ছোটলোক !

১ম স্নানার্থী । রুক্ষ মুখ কর কেন বাবাঠাকুর ? স্নান করাবে পয়সা পাবে, গালমন্দ দাও কেন বাবা ?

পুরোহিত । গালমন্দ দিই মাধে ? তোমাদের আক্কেলের দোষে ! এক একজন করে এলেই ত হয়। চারিদিক থেকে আমায় ঘিরে ধরেছো কেন ? আমায় কি পাকা কলাটি পেয়েছ ?

৪র্থ স্নানার্থী । যাক দয়াময়, যা হবার হয়েছে। ওরে তোরা সব না !  
এখন আমার মন্তরটা আগে পড়িয়ে দাও দেখি ?

২য় স্নানার্থী । ইস্ তা বটে আর কি ! তুমি ত এই এলে ?

৪র্থ স্নানার্থী । আচ্ছা, আচ্ছা, এই এসেছি বেশ করেছি। এখন সরে দাঁড়া। তুমি চল ত দয়াময় !

পুরোহিত । বটে ! তুমি ত দেখছি বাহাদুর আছ, যাচ্ছ ! এস—এস, এদিকে এস !

৪র্থ স্নানার্থী । এই যে দয়াময় ! চলুন তা হলে ।

পুরোহিত । গাঁটটা একবার খোল ত মণি ?

৪র্থ স্নানার্থী । গাঁট খুলে কি হবে বাবা ?

পুরোহিত। দক্ষিণে দিতে হবে না? কত আছে একবার দেখে নেব  
আর কি? খোল—খোল ত যাছ? "

পাণ্ডা। আরে দেখ বাছারা মুঁই ঘাট-পাণ্ডা আছি। স্নান সারি কিড়ি  
ফোঁটা লিও। ফোঁটা, ফোঁটা—হুঁ!

পুরোহিত। মোটে এই দু'গুণ্ডা কড়ি? আরে দূর! যা পালা—এ  
ওখানে যা। ওখানে এক ব্যাটা কুটে বামুন বসে আছে—তার কাছে  
যা। আমার মত কুলীনের কাছে দু'গুণ্ডা হয় না।

৪র্থ স্নানার্থী। এই যে বাবা, এই কোঁচড়ে আরও দু'গুণ্ডা কড়ি রয়েছে বাবা!  
পুরোহিত। তাই ত দেখছি। তবে ত আরও আছে! আর কোথায়  
কি আছে খোল ত ধনমণি?

কাণা, খোঁড়া, অন্ধ, নুলো ইত্যাদির প্রবেশ

কাণা। জয় রাধেকৃষ্ণ! এই কাণাকে কিঁছু খেতে দাও বাবা!  
খুব পুণ্য হবে বাবা! দাও বাবা।

খোঁড়া। এই পা নিয়ে চলতে পাচ্ছি না বাবা! দাও বাবা, কিঁছু খেতে  
দাও বাবা!

হাবা। এঁ্যাও—এঁ্যাও—আ-বা-বা—

পুরোহিত। এই রে! যত সব কাণা খোঁড়ার নিকুচি করেছে। যা, যা,  
পালা! এখানে কিঁছু হবে না।

হাবা। আ—বা—এঁ্যাও—আ—বা—বা—

অন্ধ। আমি এই চক্ষু দুটি হারিয়েছি বাবা—

পুরোহিত। হারিয়েছ তা বেশ করেছ—উভয় করেছ। আমার কাছে  
এসেছ কেন? আর লোক খুঁজে পাও না?

অন্ধ। কিঁছু খেতে দাও বাবা, ধনেপুত্রে লক্ষ্মীলাভ হবে।

নুলো । আমার অবস্থাটা একবার দেখো বাবা ! দোহাই বাবা ! কিছু দাও বাবা !

পুরোহিত । যা, যা, সব পালা । নইলে এখনি পাইক ডাকবো । এই বয়কন্দাজ—এই—

খোঁড়া । চল রে ভাই চল, গরীবের দুঃখ কেউ বোঝে না বাবা ! কেউ বোঝে না ।

পুরোহিত । আর বুঝে কাজ নেই রে বাবা ! এখন বিদেয় হও ।

অন্ধ । এই যাচ্ছি বাবা । জয় রাধেকৃষ্ণ ! ঈশ্বর তোমার মঙ্গল করুন ।

ভিখারীদের প্রস্থান

পুরোহিত । ইস্ ! আকাশে ভয়ানক মেঘ করে উঠেছে ! দে, দে, দেয়ি করিস্ নি । তোদের কাছে কি আছে সব দে !

সকলে । এই নাও বাপা । তাই নিয়ে স্নানের মন্তরটা তুমি একবার পড়িয়ে দাও । ইস্ ! বোধ হয় এখনই ঝড় উঠবে !

পুরোহিত । এইবার এক কাজ কর ত বাছারা । জলে নেমে প্রত্যেকে একঘটি করে জল নিয়ে এসো ত । সেই জলে আমি মন্ত্র পড়ে দেব । তোমরা আগে সেই জল মাথায় ঢেলে তারপর নদীতে নেমে স্নান করবে । যাও, যাও—চট করে যাও, দেয়ী করো না ! আমি ঐ—ওখানে বসে আছি ।

সকলের কড়ি প্রদান

প্রস্থান

একজন বৈষ্ণব ও বৈষ্ণবী গাহিতে গাহিতে প্রবেশ করিল

চিরদিন কাঁচা বাঁশের খাঁচা হবে না

পাখী থাকবে না রে যাবে চলে

কারো বারণ শুনবে না ।



তুই রে পাখী দিয়ে কঁাকি

বাড়ালি ভব ঘন্ত্রণা—

আনার হৃদপিঞ্জরে বান করিয়ে

( একবার ) রাধাকৃষ্ণ বলি না।

মোহের ভেলকি ঝাঁটা সতি-কোঠা

( কত ) রূপের ছটা দেখ না—

তার মাঝে বসে খেলছে এসে

চতুর পাখী চরনা।

তুই অন্ধ হয়েই রইলি ক্যাপা—

তার মর্শ্ব কিছু বুঝি না।

—পন্থম মশ্য—

প্রহান

শ্রীমন্তের প্রবেশ

শ্রীমন্ত । এই সেই মেয়েদের ঘাট । এই ঘাটে একদিন আমার অভাগিনী  
মেয়ে শাস্তি স্নান করে গেছে । আমার স্ত্রী স্নান করে গেছে ! আজ  
আসছে চাঁদ রাজার মেয়ে সোণামণি ! আমি আজ এখানে ছুটে  
এসেছি—স্নান করতে নয়—স্নান করতে নয়—বুকের জালা জুড়োতে ।  
ওঃ ! কি তার জালা—যেন আগুন ! আগুন !

কালুর প্রবেশ

কালু । আরে এই যে ছিরমন্তমশ্য ? আপনার গোছল হইয়া গেছে নাকি ?  
শ্রীমন্ত । ই্যা, হয়ে গেছে । আবার স্নান করবো । বুকের আগুন  
এখনও দাউ দাউ করে জ্বলছে । তারই জালায় কিপ্ত হয়ে যাচ্ছি ।  
না, না, না, আমি কি বলছি । ও কিছু নয় কালু ! হাঃ হাঃ হাঃ  
হাঃ—পাগলের খেয়াল, বুঝি—পাগলের খেয়াল ! হাঃ হাঃ হাঃ হাঃ !

প্রহান

কাল্লু। একালে পাগল হইয়া গেছে গো! আরে হেই বেহারা! একটু

চালাক্ কইয়া আসবার পারস্ না? পালকি এহানে লইয়া আয়—  
এহানে লইয়া আয়—ঐ গাছতলাটায় লামা।

বেহাাগণ পালকি নামাইল। পালকি হইতে সুনন্দা এবং সোণা বাহির হইয়া আসিলেন। কাপড় ও গামছা পরিচারিকার হাতে দিয়া তাঁহারা কুলের মাজি নিজে গ্রহণ করিলেন

কাল্লু। মা, আপনারা ঘাটে যাইয়া গোছল করেন। আমরা ঐ গাছতলায় যাইয়া বসি। শীঘ্রি কইরা সাইরা লন্। এহনই তুফান আইবো।

সুনন্দা। নারাণ কোথায়? রাজকুমার?

কাল্লু। রাজকুমার ঐ ঘাটে গোছল করতিছেন। তেনার লাইগা কোন ভাবনা মাই। আমাগোর আরও লোক তেনার লগে আছে।

সুনন্দা। বেশ! তোমরা তা হলে যাও। নিকটেই থেকো!

সোণা। আর দেবী ক'র না কাকীমা। আকাশের অবস্থা মোটেই ভাল নয়।

সুনন্দা। চল।

কাল্লু। আর হেই বেহারা! এহানে দাঁড়াইয়া কি দেখবার লাগহস্? যা ঐ গাছতলায় যাইয়া বইয়া থাক।

সুনন্দা ও সোণা পরিচারিকার সঙ্গে জলে নামিয়া স্নান করিলেন। জলে

দাঁড়াইয়া আপন মনে অঞ্জলি দিতেছিলেন

“ব্রহ্মপুত্রঃ মহাভাগঃ শান্তম্ কুলনন্দন।

অমোঘ গর্ভসমুত পাপং লোহিত্য মে হর ॥”

এমন সময়ে লোক বোঝাই একখানি ছিপ আসিয়া তীরে ভিড়িল, তাহাদের অলক্ষ্যে একটা বলশালী লোক ঘাটের উপর লাফাইয়া পড়িল। সোণার হাত চাপিয়া ধরিয়া টানিয়া তীরে উঠাইল। দাসী “মাগো” বলিয়া চীৎকার করিয়া উঠিল। সোণাও নিজের বিপদ বুঝিতে পারিয়া প্রাণপণে চীৎকার করিয়া ডাকিলেন—“কালু সর্দার! কালু!” সেই লোকটা তাহার মুখ চাপিয়া ধরিয়া নিমেষ মধ্যে তাহাকে পাঁজাকোলা করিয়া ছিপে গিয়া উঠিল, ছিপ তীর হইতে খানিক দূরে সরিয়া গেল।

ছুটিয়া কালু সর্দারের প্রবেশ

কালু। কি হইছে! কি হইছে মাজী? কি সর্বনাশ! আরে তোরা শীঘ্র কইরা ছুইটা আয়—আমার লাঠি লইয়া আয়। সর্বনাশ হইছে! ( ছিপের দিকে লক্ষ্য করিয়া ) কতদূর যাইবার পারবি হালার পো হালারা!

জলে লাফাইয়া পড়িল :

ছুটিয়া কালুর অনুচরগণের প্রবেশ

১ম। আরে, কি সর্বনাশ! আমাগোর মাঠাকুরাণীকে ডাকাতে লইয়া যায়! নদীতে ঝাঁপ দে—ঝাঁপ দে—ধরু—ধরু—ছাঁড়িস্ না।

সকলে জলে পড়িল, তারপর এক ভীষণ ব্যাপার। চীৎকার হটগোলের মাঝখানে কালু সাতরাইয়া গিয়া ছিপ ধরিয়া ফেলিল। ছিপ হইতে একটা লোক তাহার মাথায় বারে বারে সজোরে বোঠের আঘাত করিতে লাগিল। কালুর মাথা ফাটিয়া গেল; সে জলে ডুবিল। আর চার-পাঁচজন অনুচরেরও ঐ একই অবস্থা প্রাপ্তি হইল, ছিপ অদৃশ্য হইয়া গেল। তীরে বহুলোক জমা হইয়াছিল। কিছুক্ষণ পরে দেখা গেল একজন অনুচর কালুকে টানিয়া তীরে তুলিয়াছে। সে অচৈতন্য, মাথা রক্তে ভাসিয়া যাইতেছে।

# তৃতীয় অঙ্ক

## প্রথম দৃশ্য

রাজা কেরার রায়ের মন্ত্রণা-কক্ষ। কাল—পূর্বাহ্ন। কেরার, মুকুট এবং

কার্ডালো বসিয়া পরামর্শ করিতেছিলেন

মুকুট। মানসিংহ বাড়লা পরিত্যাগ করেছে আজ প্রায় পাঁচ মাস। এই দীর্ঘকাল সে যে একেবারে নিশ্চেষ্ট হয়ে বসে আছে, তা ত মনে হয় না মহারাজ!

কার্ডালো। হামি মনে করে মোঘল বয় পাইয়াছে কমেগোর! বাড়লা নলুকে সে আউর আসবে না।

মুকুট। তা নয় সাহেব! ভয় কাকে বলে মানসিংহ জানে না।

কার্ডালো। তবে কেনো সে দেৱী করিতেছে? হামার দুই হাজার পর্জু গীজ তাকে দেখবার জন্ত ইঁা করিয়া বসিয়া আছে! Let him come!

চাঁদ রায়ের প্রবেশ

চাঁদ। মানসিংহ কেন দেৱী করছে তাই বলবার জন্ত আমি তোমার কাছে এসেছি কেরার!

কেরার। কিসের জন্ত দাদা?

আসন ছাড়িয়া উঠিলেন

চাঁদ। এটা তোমার মন্ত্রণা-কক্ষ। ছোট ভাই হলেও, এখানে তুমি আমারও রাজা! তুমি ব'স কেরার!

কেরার অগ্রজের হাত ধরিয়া অন্ত একটি আসনে বসাইলেন এবং নিজেও বসিলেন

কেরার। মানসিংহ কি তোমার কাছে কোন সংবাদ পাঠিয়েছে দাদা?

চাঁদ । ই্যা, সে গোপনে আমার কাছে দূত পাঠিয়েছিল ।

কেদার । কি তার অভিপ্রায় ?

চাঁদ । অভিপ্রায় সে এই চিঠিতেই ব্যক্ত করেছে ।—পড় !

কেদার পত্র পাঠ করিয়া কিছুক্ষণ চিন্তার পর হাসিলেন

কি কেদার ?

কেদার । পত্রের জবাব আশা করি দূত তোমার কাছ থেকে নিয়েই গেছে ।

চাঁদ । অবশ্য ।

কেদার । এবং জবাব পেয়ে মানসিংহ খুসীই হবে নিশ্চয় ?

চাঁদ । তা জানি না । তবে আমি লিখেছি যে, মধ্যাহ্ন-ভাঙ্গরের প্রদীপ্ত

গরিমা ম্লান দেখার ইচ্ছা আমার নেই এবং তার প্রস্তাব মেনে নেবার

অধিকারীও আমি নই । কি বল মুকুট ? হাঃ হাঃ হাঃ হাঃ—

কেদারও হাসিতেছিলেন ।

মুকুট । কি মহারাজ ?

কেদার । মানসিংহ সন্ধির প্রত্যাশী, সেনাপতি !

মুকুট । সন্ধি ?

কেদার । ই্যা সন্ধি ! সৰ্ত্ত, মোগলের বশতা স্বীকার নয়—তবে—সখ্যতার

নিদর্শন স্বরূপ মোগল-সম্রাটকে বৎসরান্তে যৎকিঞ্চিৎ কর প্রদান !

মুকুট । বটে ?

কার্তালো । কমেণ্ডার !

মুকুট । কি সাহেব ?

কার্তালো । মোঘল্ কিন্ সন্ধি করিতে আসিলে, তাকে পথের মাঝে

হামি গুলি করিয়া মারিবে ! এ হামি এফ্‌দুন্ সাচ'বাত বলিতেছে ।

কেদার । তোমার কি মত কার্তালো ?

কর্তালো। ফাইট! লড়াই! রাজা, হামি পৰ্ত্ত গীজ আছে! For-  
nothing সন্ধি করিতে জানে না! Never!

কেদার। আমাদেরও তাই অভিপ্রায় সাহেব। তুমি কি ভাব যে  
মানসিংহ সত্যি সত্যিই সন্ধি করতে চায়? তা নয়! এই চিঠি তার  
একটা চাল। এই অবসরে সে আমাদের দেশের রাস্তা-ঘাট, সৈন্যবল  
সব বুঝে নিতে চায়! সে ঠিক জানে, মোগলকে রাজস্ব দিয়ে আমি  
রাজত্ব করব না! শুধু সময় কাটাবার জগ্গে এ একটা চাল!

চাঁদ। তবে সন্দীপ হাতে পেয়ে মোগলের খুব সুবিধা হয়ে গেছে কেদার।

কেদার। তা হয়েছে! কিন্তু সে সুবিধাও আর বেশী দিন থাকবে না।

সন্দীপ অধিকার কর্তে তোমার কত সৈন্যের প্রয়োজন সাহেব?

কর্তালো। আরে তার জগ্গে কুছ ভাবতে হোবে না রাজা! সন্দীপ  
পাহাড়কা ওপরমে নৈই আছে। জলে ভাসিতেছে। ও হামি এক-  
দিনে দখল করিয়া দিবে।

কেদার। সন্দীপ আক্রমণের জগ্গ তুমি অবিলম্বে প্রস্তুত হও কর্তালো!

কর্তালো। রাইট ও!

কর্তালোর প্রস্থান

ছুটিয়া বিখনাথের প্রবেশ

বিখনাথ। মহারাজ! সর্কনাশ হয়েছে, কাল্ল সর্দারের মাথা ফেটে  
গেছে।

সকলে। এঁয়া! সে কি?

কেদার। কোথায় সে? কোথায় সে?

বিখনাথ। এই যে, এখানেই তাকে নিয়ে আসছে।

চাঁদ। বোরাগীমা, সোণা, নারায়ণ,—তারা কোথায়? তারা এসেছে?

দুইজন লোকের কাঁধে ভর দিয়া কালুর প্রবেশ

কেদার। একি ? তোমার এ অবস্থা কে করলে সর্দার ?

কালু। দুঃখমণ !

কেদার। দুঃখমণ ! কে সে ?

কালু। জানি নে মহারাজ ! ওহো—হোঃ—

চীৎকার করিয়া কাঁদিয়া উঠিল

চাঁদ। আমার সোণা কোথায় কালু ? বৌরাটিমা ? নারায়ণ ?

কালু। রাণীমা অন্তরে গেছেন। সোণাদিদিমণি—

কি বলিবে ঠিক করিতে পারিতেছিল না

চাঁদ। কেদার ! কেদার !

কেদার। স্থির হও দাদা !

কালু। মহারাজ !

কেদার। সর্দার, কি হয়েছে শীঘ্র বল !

কালু। মহারাজ ! সোণাদিদিমণি আমাদের ছাইড়গা গেছে।

চাঁদ। এ্যা ! কি বললে ! কি বললে ? আমার সোণা নেই ? সোণা—

কালু। না মহারাজ ! ডাকাত—ডা—কা—ত !

বলিতে পারিতেছিল না

কেদার। সব কথা খুলে বল সর্দার ! আমি আর অপেক্ষা করতে পারছি'না ! শীঘ্র বল !

কালু। মহারাজ। আমার রাণীমা, সোণাদিদি, মাইয়া লোকের ঘাটে বইয়া গোল্ করিতে আছিলেন—আমরা একটু দূরে একটা গাছ-তলায় বইয়া বিশ্রাম করিতে আছিলাম। হঠাৎ রাণীমার চীৎকারে চমক ভাঙলো ! চাইয়া দেখি, ঘাটে একখান ছিপ— একটু দূরে আরও

চাইর-পাচখান ; সব মাতুষ বোঝাই ! আমি কাছে যাইবার আগেই  
 “সোণাদিদিরে লইয়া ছিপ ঘাট ছাইড়া গেল। আমি লাফাইয়া  
 জলে পড়লাম—সাঁতরাইয়া যাইয়া ছিপ ধরলাম—কিন্তু মহারাজ !  
 আমার সোণাদিদিরে রইল্যা করতি পারলাম না। এক হালা জোয়ান  
 “অমার মাথায় বৈঠার বাড়ি মারুলো—অমার মাথা ফাটলো ! কিন্তু  
 হালার পো হালারা আমারে মারবার পারলো না ! আমি কাল্ল  
 সন্দরে—মহারাজের নিমক খাট ? অহা আমারে নিমকহারাম  
 বানাটিল। আর মা-রে চুরি করবার আগে, আমার জান্ লইবার  
 পারলো না ! আঃ—আঃ—হাঃ—

শব্দিতে কাদিতে নারায়ণের প্রবেশ

নারায়ণ। বাবা ! বাবা ! বাবা !

কেদার। তোমার দিদিকে দস্যুরা ধরে নিয়ে গেল—আর তুমি তার  
 ভাই—তার দেহ রক্ষা—অগত দেহে ফিরে এসে কাদছো ? নিল জ  
 কাপুরুষ !

নারায়ণ। বাবা !

কেদার। চুপ !

কাল্ল। ঠান্ডার কোন দোষ নাই মহারাজ ! পোলাপান্ মাতুষ—তাও  
 আছিল অত ঘাটে ! তিরস্কার করেন, শাস্তি দেন, আমারে—  
 নিমকহারাম আমারে !

কেদার। শাস্তি তোমাকে নয় কাল্ল, শাস্তি প্রাপ্য আমার ! কারণ আমার  
 উচিত হয় নি অগ্র-পশ্চাত্ত না ভেবে এ ভাবে শুদের পাঠানো !

কাল্ল। মহারাজ ?

কেদার। না সন্দার ! তোমাকে অবিশ্বাস করবার আমার কিছু নেই।



তোমাদের মত নির্ভীক এবং বিশ্বস্ত লোক আমার আছে বলেই মানসি'হকে যুদ্ধে পরাস্ত করবার আশাও আমি রাখি। কিন্তু—মুকুট, এই মুহূর্ত্তে চতুর্দিকে লোক পাঠাও—অহুসঙ্কান কর। যেখানেই থাক্, পাতালের ভিতরে লুকিয়ে থাক্লেও আমি তাকে চাই! একবার শুধু জানতে চাই, কে সেই শয়তান—কে সেই দস্যু।

ছুটিয়া শ্রীমন্তর প্রবেশ

শ্রীমন্ত। দস্যু, ঈশা খাঁ!

কেদার। ঈশা খাঁ! ঈশা খাঁ!

চাঁদ। আমার বন্ধু ঈশা খাঁ?

শ্রীমন্ত। হাঁ মহারাজ। ঈশা খাঁ!

চাঁদ। ওরে ওরে, কেদার! কেদার! আমার ধবু—আঁ—মাঁ—য় মুখিত প্রায় পড়িয়া যাইতেছিলেন মুকুট তাঁহাকে ধরিয়া ফেলিলেন

### দ্বিতীয় দৃশ্য

ঈশা খাঁর প্রাসাদ-হারেম। একটি সুসজ্জিত কক্ষ। পশ্চাতে উন্মুক্ত বাহ্যগন-পথে বাগানের কিয়দংশ দেখা যাইতেছিল। কাল—রাত্রি। সোণা একাকিনী ঘুরিয়া বেড়াইতে ছিলেন। কিছুক্ষণ পরে বলিতে লাগিলেন—

সোণা। এই আমার বিধিলিপি! পূর্বজন্মে কি মহাপাপ করেছিলাম—এ জন্মে তারই প্রায়শ্চিত্ত! মা ভবানী! কপালে আরও কি আছে, কে জানে? মাগো!

মায়া'র প্রবেশ

সোণা। কে?

মায়া। আমি মায়া!

সোণা । মায়া ?

মায়া । নবাব ঈশা খাঁ আমার বাবা—

সোণা । ও !

মায়া । দিদি !

সোণা । আমি তোমার দিদি !

মায়া । নিশ্চয় ! তুমি জান না ?

সোণা । না !

মায়া । তুমি যে আমার বাবার বন্ধুর মেয়ে । তাই তুমি সম্পর্কে আমার  
দিদি হলে ! আমি তোমার ছোট বোন হলাম ।

সোণা একদৃষ্টে তাহার পানে চাহিয়া রহিলেন

কি ভাবছ দিদি ? এখনও বুঝতে পারিনি ?

সোণা । মায়া !

মায়া । কি দিদি ?

সোণা । আমার ক্ষমা কর বোন—আমি সত্যি বিশ্বাস কর্তে পারছি  
না, তুমি নবাব ঈশা খাঁর মেয়ে ?

মায়া । আমার দুর্ভাগ্য দিদি !

সোণা । না, না—দুর্ভাগ্য তোমার নয় বোন । দুর্ভাগ্য আমার । নইলে—

মায়া । তুমি আমার সঙ্গে একটু মন খুলে কথা কও দিদি !

সোণা । মন খুলে যে কথা কইতে পারি না বোন !

মায়া । কেন দিদি ? আমি ত কোনও অপরাধ করি নি ?

সোণা । তোমার বাবা কি ভাবে আমাকে এখানে নিয়ে এসেছেন  
জান ? তোমার বাবা কত বড় কলঙ্কের বোঝা আমার মাথায়  
চাপিয়ে দিয়েছেন, তুমি তা জান বোন ?

মায়া। জানি! আর জানি বলেই লজ্জায় এ ক'দিন তোমার কাছে আমি আসতে পারি নি দিদি।

সোণা। আশ্চর্য্য হইয়া তাহার মুখের দিকে চাহিয়া রহিলেন

দিদি! বাবার কাজের জন্ত আমার কত দুঃখিত, তুমি হয়ত তা জান না! আমি আগে কিছুই জানতে পারি নি। পারলে, কখনই তাঁকে এ কাজ করতে দিতাম না।

সোণা। সবই আমার অদৃষ্ট ভাই!

মায়া। রাস্তার দিকে একবার চেয়ে দেখ দিদি—দেখবে, কারও মুখে হাসি নেই, আনন্দ নেই! বাবার এই কাজের জন্ত সকলেই দুঃখিত!

সোণা। তোমার বাবাকে কতবার দেখেছি—কতবার তিনি আমাদের শ্রীপুরে গেছেন! কিন্তু কখনো কারো মুখে একদিনের জন্তও তাঁর চরিত্রের নিন্দাবাদ শুনতে পাই নি। আর আজ সেই তিনিই তাঁর বন্ধুর মেয়েকে ছিনিয়ে এনে—

মায়া। আমার বাবা কত মহৎ, কত উদার! মুসলমান হয়েও তিনি আমার হিন্দু নাম রেখেছেন—মায়া! জানি না, দিদি, কোন্ কুহকী তাঁর কানে কি ষাছুমন্ত্র দিলে—যার ফলে আজ তাঁর এই অধঃপতন।

সোণা। মায়া!

মায়া। কেন দিদি?

সোণা। 'তুমি সত্যিই আমার ছোট বোন! এ আমার মুখের কথা নয়—আমার মনের কথা! আমার একটা কাজ করবে বোন?

মায়া। বলতে এত 'কিন্তু' হ'ল কেন দিদি! যদি তোমার কোন উপকার করতে পারি—আমায় বিশ্বাস কর দিদি—আমি তা নিশ্চয়ই করব! তুমি বল?

সোণা। শ্রীপুরে একটা সংবাদ পাঠাবে? আমার বাবা হয় ত জানেন না, আমি কোথায়। আমার জন্ম নিশ্চয়ই তিনি অল্পজল ত্যাগ করেছেন। তিনি যদি জানতে পারেন আমি এখানে আছি, তোমার বাবার সাধ্যও হবে না আমাকে জোর করে এখানে আটকে রাখেন। কোন উপায়ে একটা খবর পাঠাবে বোন? (মায়া নিরুত্তর) কি ভাবছো মায়া? পারবে না?

মায়া। পারবো দিদি—কিন্তু—

সোণা। কিন্তু কি? তোমার বাবার কথা ভাবছ?

বাদীর প্রবেশ

মায়া। কি রে?

বাদী। নবাবসাহেব আপনাকে খুঁজছেন।

মায়া। যাচ্ছি—চল! :

মায়া ও সোণা আসন ছাড়িয়া উঠিল

সোণা। আমার সেই অন্তরোধ মায়া!

মায়া। দিদি! আমি জানি তোমার বাবাকে সংবাদ দেওয়ার ফলে কি দাঁড়াবে। আমাদের এই শিজিরপুর ধ্বংস হবে, প্রাসাদে রক্তের বন্যা বইবে—হয় ত—হয় ত—আমার বাবার জীবনও যাবে। কিন্তু তবু—আমি নারী—নারীর মর্যাদা, নারীর সতীত্ব রক্ষার জন্ত—তুমি নিশিথ্রু এখানে থাক দিদি—আমি সংবাদ পাঠাব; তোমার মুক্তির চেষ্টা আমি নিশ্চয় করব।

মায়ার প্রস্থান

অন্ত দ্বারপথে নর্তকীগণের প্রবেশ

সোণা। কি চাও তুমিমা?

১ম নর্তকী। নবাবসাহেব বলেন, আপনার মন খারাপ হয়েছে, তাই—

সোণা। তাই কি ?

১মা। তিনি আমাদের পাঠিয়ে দিলেন।

সোণা। তোমরা যাও ! তোমাদের নবাবসাহেবকে গিয়ে বল যে  
নাচ গান আমি শুনতে ভালবাসি না, আমি একলা থাকতে চাই।

১মা। নবাবসাহেবের হুকুম তামিল না করলে তিনি যে আমাদের  
শাস্তি দেবেন !

সোণা মুখ ফিরাইয়া অস্থ দিকে চলিয়া গেলেন

### নর্তকীগণের নৃত্যগীত

আজি কে এল রে কে এল-

মৃদুল ফাগুন বায়—

ছায়া কিশলয়-ছায়।

হাসিয়া উঠিল ফুল বসন্ত—

কোকিল কুজনে ভাসে দিগন্ত।

অলি কেন গুঞ্জে গায়।

হিল্লোল হাসি কেন পরাগ ছড়ায় ॥

মাতাল হ'ল এ মোর বনানী—

উচ্ছাসে উছলি, নাচিছে তটিনী

শিহরি বধু ফিরে চায়।

উছল আবেশে পরাণ মাতায় ॥

সোণা। ওগো। তোমাদের পায়ে পড়ি, তোমরা যাও ! আমি আর  
পারি না। আমার দুঃখ দেখে কি তোমাদের দয়াও হয় না ?  
তোমরা কি মাফ নও ? নারী নও ?

নর্তকীগণের অভিবাদন ও প্রস্থান

অন্য দিক হইতে ঈশা খাঁর প্রবেশ

ঈশা। সোণা। (সোণা নিরন্তর রহিলেন) সোণা! এমনি করে  
নিজেকে কষ্ট দিয়ে লাভ কি?

সোণা। কি করব বলুন?

ঈশা। তুমি এখানে এসেছ অশ্রু সাত দিন। না খেয়ে মাছুষ কতকাল  
বেঁচে থাকতে পারে?

সোণা। বহুকাল।

ঈশা। বহুকাল?

সোণা। হ্যাঁ, বহুকাল। যতকাল না অত্যাচারী তার অত্যাচারের  
পরিমাণ বুঝতে পারে।

ঈশা। অত্যাচারী তার অত্যাচারের জগৎ ক্ষমাও ত পেতে পারে।

সোণা। ক্ষমা! থাকুন বাবসাহেব, ও কথায় আর দরকার নেই?

ঈশা। কেন সোণা?

সোণা। আমায় মাপ করবেন!

ঈশা। মাপ করবার কথা নয় সোণা। তুমি বোধ হয় বুঝতে পারছেন না,  
তোমাকে এভাবে ছিনিয়ে আনা হয়েছে বলে আমি কত অসুতপ্ত।

সোণা। অসুতপ্ত!

ঈশা। আমায় বিশ্বাস কর সোণা! বিবেকের সঙ্গে অনেক লড়েছি—  
কিন্তু আমার সব চেষ্টাই বিফল হয়ে গেছে! শ্রীপুত্র তোমায়  
কড়বার দেখেছি। কখনো—কোনদিন হৃদয়ে এত চাঞ্চল্য অনুভব  
করি নি। কিন্তু সেদিন তোমায় দেখলাম—মৃগস্নাতা, নিম্মুক্ত  
কেশরাশি স্থানিকিড়ি কৃষ্ণমেঘের মত তোমার পৃষ্ঠদেশে এলায়িত!  
উন্নত ললাটের ওপর ছোট ছোট অলকগুচ্ছ বাতাসের সঙ্গে দোল-

খাচ্ছে—যেন সারা বিশ্বের সৌন্দর্য্য রাশি একত্র পুঞ্জীভূত ! আমি  
আমাকে সেদিন হারিয়ে ফেলেছি সোণা ! রূপের যে এত মোহ,  
তা আমি জানতাম না ।

সোণা । নবাবসাহেব ! আপনি আমার পিতার বন্ধু—পিতৃস্থানীয় !  
পিতা কি তাঁর কণ্ঠার সাম্নে এ সব কথা উচ্চারণ করতে পারেন ?  
আপনি আত্মবিশ্বস্ত হবেন না নবাবসাহেব—এই আমার অনুরোধ ।  
ঈশা । ( স্বগতঃ ) তাই ত ! যা শুনেছিলাম, তা ত নয় ! তবে কি  
শ্রীমন্ত যা বললে, সব ভুল ? সব মিথ্যা ? তা হ'লে এই পত্র ?

সোণা । নবাবসাহেব !

ঈশা । আমার আত্মবিশ্বস্তিই হয়েছে সোণা । আমার কোথায় যেন  
একটা ভয়ানক ভুল হয়ে গেছে ! তাই ত !

সোণা । আমায় দয়া করে বাবার কাছে পাঠিয়ে দিন নবাবসাহেব !

বাহিরে কোলাহল

শ্রীমন্ত । ( নেপথ্যে ) নবাবসাহেব কোথায় ? নবাবসাহেব ?

প্রহরী । ( নেপথ্যে ) এইও ! উধার মাং যাও—মাং যাও !

শ্রীমন্ত । ( নেপথ্যে ) ছেড়ে দে ! ছেড়ে দে বামটারা !

শ্রীমন্তের প্রবেশ

এই যে নবাবসাহেব ! আদাব ! ও ! আমি—আমি বুঝতে পারি  
নি । আমি যাচ্ছি—আমি যাচ্ছি !

যাইতে উদ্ধত

ঈশা । দাঁড়াও !

শ্রীমন্ত । আজ্ঞে—

ঈশা । চুপ করে দাঁড়াও ।

আরাখার ভিতর হইতে পত্র বাহির করিয়া

কে লিখেছে এই পত্র ! বল !

শ্রীমন্ত । পত্র ? পত্র ?

ঈশা । হ্যাঁ ! সত্য বল, কে লিখেছে ?

শ্রীমন্ত । হ্যাঁ, বলছি ! দাঁড়ান, মনে করে বলছি—একটু সময় দিন ।

সহসা শান্তির প্রবেশ

শান্তি । নবাবজাদি ! একটা বিশেষ প্রয়োজনে—কৈ ! একি ! বাবা—

শ্রীমন্তকে দেখিয়া ছুটিয়া পলাইল

শ্রীমন্ত । ( বিস্মিতভাবে ) ও কে, নবাবসাহেব ? কে ও ? আমায় বলুন ?

ঈশা । শান্তি ।

শ্রীমন্ত । ( আঁকড়ে ) শান্তি ?

ঈশা । হাঁ, শান্তি । তোমাদেরই হিন্দু-সমাজের অত্যাচারে পতিতা, আশ্রয়হীনা একটি মেয়ে !

শ্রীমন্ত । ও এখানে কেন নবাবসাহেব ?

ঈশা । সে কথা পরে ! আগে বল, কে এই পত্র লিখেছে ?

শ্রীমন্ত । না, না, নবাবসাহেব ! আগে আমায় বলুন, ও এখানে কেন ?

ঈশা । তবে শোন পিশাচ ! তোদেরই হিন্দু-সমাজ ওকে বিনা দোষে পরিত্যাগ করেছিল । আমার মেয়ে ওকে আশ্রয় দিয়ে এখানে রেখেছে ।

শ্রীমন্ত । আপনার মেয়ে ?

ঈশা । হ্যাঁ । আর তুই এমনি কমবক্ত যে নিজে হিন্দু হয়েও তোদেরই জাতির একটামেয়েকে এনে আমার দুর্বলতার স্বযোগ নিয়ে, আমার হারেমে তুলেছিস্ । জানিস পিশাচ, এই মহাপাপের প্রায়শ্চিত্ত কি ?



শ্রীমন্ত । নবাবসাহেব !

ঈশা । প্রায়শ্চিত্ত, মৃত্যু ! তোকে আমি হত্যা করব !

ছোয়া বাহির করিলেন

সোণা । ( অগ্রসর হইয়া ) নবাবসাহেব !

ঈশা । বল সোণা !

সোণা । ওকে ক্ষমা করুন !

ঈশা । ক্ষমা ! একে ? না, না, এর অপরাধ কত ভয়ানক তুমি জান না সোণা !

সোণা । আমি কতক বুঝতে পেরেছি নবাবসাহেব ! কিন্তু ও পাগল । পরিণাম চিন্তা করবার ক্ষমতা ওর নেই । ঝোঁকের মাথায় কাজ করে ফেলে । ওকে শাস্তি দিয়ে কি হবে নবাবসাহেব ? দয়া কমে ছেড়ে দিন !

ঈশা । যা—শয়তান দূর হ ! আর কখনো আমি যেন তোর মুখ দেখতে না পাই ।

শ্রীমন্ত । তাই হবে নবাবসাহেব ! তাই হবে !

উদ্ভার ভাবে শ্রীমন্তের প্রশ্ন

সোণা । এইবার দয়া করে আমাদের বাবার কাছে পাঠিয়ে দিন নবাবসাহেব ?

ঈশা । ( ক্ষণেক ভাবিলেন, পরে কহিলেন ) এই, কে আছিস ? মায়াকে ডেকে দে ত ! বল্‌বি বিশেষ প্রয়োজন ! ( স্বগতঃ ) ওঃ কি ভয়ানক ভুল ।

মায়ার প্রবেশ

ঈশা । এস মায়া ! কুঠার কোনও প্রয়োজন নেই মা, শোন !

মায়া। বাবা! বাবা!

ছুটিয়া গিয়া হাত ধরিল

ঈশা। বল মা! কি বলতে চাও—বল!

মায়া। তোমার পায়ে পড়ি বাবা! আমার সোণাদিদিকে তুমি এখনি  
পাঠিয়ে দাও!

ঈশা। নিশ্চয় পাঠিয়ে দেব! সেই জন্যই তোমায় আমি ডেকেছি মা!

মায়া। বাবা! সত্যি?

ঈশা। তুমি এখনি তার বন্দোবস্ত করে দাও!

মায়া ছুটিয়া গিয়া সোণার হাত ধরিল

ঈশা। সোণা! তোমার বাবাকে আর ছোটরাজাকে তুমি বলো,  
আমি প্রতারণিত হয়েছি। তাঁরা যেন আমাকে মার্জনা করেন!  
তাঁদের মার্জনা ভিক্ষা চেয়ে আমি পরে পত্র লিখে পাঠাব! আর  
তাঁদের বলো—এই মহা-ভুলের প্রায়শ্চিত্তের চেষ্টা আমি করবো!

প্রস্থান

মায়া। দিদি, আমি বলি নি? আমার বাবা, কত মহৎ, কত উদার—  
তোমায় বলি নি? তোমায় পাঠাবার সব বন্দোবস্ত আমি আগে  
থেকেই করে রেখেছি দিদি! এস!

উভয়ের প্রস্থান

### তৃতীয় দৃশ্য

৭

ঈশা—রাজ প্রাসাদের একটি কক্ষ—সন্ধ্যা বহুক্ষণ উত্তীর্ণ হইয়াছিল।

কেদার রায় ধীরে ধীরে প্রবেশ করিলেন

কেদার। ঈশা খাঁ! ঈশা খাঁ! কাপুরুষ! বন্ধুত্বের আবরণের ভেতর  
শয়তান আত্মগোপন করেছিল—চিন্তে পারি নি—তার স্বরূপ

আমি চিন্তে পারি নি। পিশাচ আমার নির্মল কুলে কালি দিয়েছে। আমার উঁচু মাথা জগতের কাছে হেঁট করিয়েছে! এর শাস্তি তোমাকে দেব শয়তান! রক্তের স্রোতে তোমার খিজিরপুর ভাসিয়ে দেব। তোমার প্রাসাদ হবে শূণ্য-কুকুরের আবাসভূমি। পথের ধূলায় গড়াগড়ি যাবে তোমার ছিন্ন মুণ্ড!

উন্মত্তের স্থায় পদচারণ

মুকুট রায়ের প্রবেশ

মুকুট। মহারাজ!

কেদার। বল মুকুট!

মুকুট। বুঝা ভেবে ফল কি?

কেদার। মুকুট! আমি তা জানি ভাই! কিন্তু মনকে বোঝাতে পারি না। কদিন ধরে রোজ মনে করি, রাজসভায় যাব; কিন্তু পারি না—আমার ভয় করে!

মুকুট। ভয়?

কেদার। হ্যাঁ, ভয়! আমার সর্বদা মনে হয় কি জান? মনে হয়—যেন পৃথিবী শুদ্ধ লোক আমার মুখের দিকে তাকিয়ে উপহাসের হাসি হাসছে—আর বলছে—এই কেদার রায়! নিজের ভ্রাতুষ্পুত্রীকে অত্যাচারের হাত থেকে রক্ষা করবার ক্ষমতা নেই, অথচ ভাবে সে রাজা! শুণু বিক্রমপুরের নয়, সমস্ত বাংলায় নরনারীর দণ্ডমণ্ডের সে মালিক!

মুকুট। কিন্তু তারা কি মহারাজ, এ কথাটা একবার ভাব্বে না যে ঈশা খাঁ চৌরের মত অসহায় অবস্থায় আমাদের রাজকন্যা সোণাকে ছিনিয়ে নিয়ে গেছে?

কেদার। কিন্তু রাজা কেদার রায় তার শাস্তি বিধানের কি ব্যবস্থা করেছে ?

মুকুট। আমি ত তাই চাই মহারাজ ! একবার শুধু অনুমতি করুন—আমি—কেদার। অনুমতি ! অনুমতি ! এখনও অনুমতি !!

মুকুট। থিজিরপুর আক্রমণের সমস্ত প্রস্তুত মহারাজ ! আমি সব ব্যবস্থা করে শুধু আপনার আদেশের অপেক্ষায় ছিলাম ।

কেদার। থি—জি—র—পু—র ! ঈ—শা—খাঁ !!

মুকুট। মহারাজ। আগামী কাল সূর্য্যাস্তের সঙ্গে সঙ্গেই ঈশা খাঁর থিজিরপুর ধূলিসাৎ হবে !

কেদার। যাও—সমস্ত শক্তি নিয়ে থিজিরপুরের উপর ঝাঁপিয়ে পড় !

ঈশা খাঁর রাজপ্রাসাদ পথের ধুলোর সঙ্গে মিশিয়ে দাও—থিজিরপুরের চিরুমাত্রও যেন পৃথিবীতে—ও, না, না, কি বলছি—আমি কি বলছি ! মুকুট—না, না,—গুলিয়ে যাচ্ছে—সমস্ত গোলমাল হয়ে যাচ্ছে !

মুকুট। কি মহারাজ ?

কেদার। আমার মাথা খারাপ হয়েছে মুকুট ! থিজিরপুর আক্রমণ আপাততঃ স্থগিত রাখতে হবে !

মুকুট। স্থগিত রাখতে হবে ?

কেদার। হাঁ ! ভুলে গিয়েছিলাম—এই কিছুক্ষণ আগে আমাদের গুপ্তচর দিল্লী থেকে ফিরে এসেছে। শুনলাম, কিলমক্ খাঁ বিশ হাজার সৈন্য নিয়ে বাড়লায় আসছে।

মুকুট। তা হোক ! থিজিরপুর চূর্ণ করতে আমার বেশী সময় লাগবে না মহারাজ !

কেদার। তার জন্ত নয় মুকুট! এখন আমাদের কিছুমাত্র শক্তিক্ষয় করাও

উচিত নয়। খিজিরপুর যখন ইচ্ছা, হেলায় ধ্বংস করতে পারব!

মুকুট। কিন্তু আমাদের রাজকন্ঠার উদ্ধার? তাও কি—

কেদার। রাজকন্ঠা? রাজকন্ঠা নেই সেনাপতি—রাজকন্ঠা নেই!

রাজকন্ঠা মরেছে!

নারায়ণ। এই যে কাকা! খিজিরপুর আক্রমণের সমস্ত ব্যবস্থাই ঠিক

“ করে এলাম! আজ রাত্রেই—

মুকুট। চুপ!

মুখে অঙ্গুলি সঙ্কেত করিয়া তাহাকে কথা কহিতে নিষেধ করিলেন

রত্না। বাবা!

কেদার। মুকুট! এদের নিষেধ করে দাও—কেউ যেন সোণার নাম আমার

কানে না তোলে! স্নেহ, মায়া, মমতা, অল্পকম্পা—এ সব অতীতের

কথা! বর্তমানে তারা কেউ নেই; ভবিষ্যতেও থাকবে কিনা জানি না।

রত্না। বাবা! তুমি এমন নিষ্ঠুর? এমন পাষণ্ড?

কেদার। পাষণ্ড? হ্যাঁ, মা—আমি সত্যিই পাষণ্ড! তা নইলে, এত

আঘাতেও এই বুকটা আমার ভেঙে চুরমার হয়ে যাচ্ছে না!

রত্না। তোমার সোণা—নিজের ভাইনি, সে তোমার কেউ নয় বাবা?

কেদার। সে ছিল আমার সব মা! কিন্তু সোণার চেয়েও বড় আমার

দেশ—আমার এই সোণার শ্রীপুর! আমার এই শ্রীপুর যখন বিপন্ন,

তখন সোণার কথা ত আমার ভাববার অবসর নেই মা! আমার

শ্রীপুরের কাছে স্ত্রী, পুত্র, কন্ঠা কেউ নয় স্না, কেউ নয়!

ধীরে ধীরে নিজস্ব হইলেন। মুকুট ও নারায়ণ তাঁহার অনুসরণ করিলেন। রত্নাও

কিছুক্ষণ সেইদিকে অশ্রু-সজল চক্ষে চাহিয়া থাকিয়া অন্তঃপুরের দিকে চলিয়া গেল। একটু

পরে চাঁদ রায় সেই কক্ষে প্রবেশ করিলেন। তাঁহার চক্ষু কোটবে প্রবিষ্ট—দৃষ্টি উদাস

চাঁদ। আমায় জোর করে ঘরের ভেতর আটকে রেখেছ। আমি বৃদ্ধ,  
 'অসহায়—তাই পারি না—আমি পারি না—এই ঘরের আগল ভেঙে  
 একবার বাইরে গিয়ে দাঁড়াতে। আর কত সহ্য হয়!—মা তারা!  
 বুড়োকে বাঁচিয়ে রেখে আর কেন কষ্ট দিচ্চিস্ মা? ওরে!  
 কে আছিস্! একবার সোণাকে ডেকে দে না! সোণাকে  
 ডেকে দে!

রত্নার প্রবেশ

কে! কে! সোণা এলি? কোথায় ছিলি মা এতক্ষণ?  
 রত্না। জ্যাঠামণি—আমি রত্না।  
 চাঁদ। ও! রত্না? আমার রত্না মা? মুখখানা এত ভার কেন মা?  
 কি হয়েছে?  
 রত্না। জ্যাঠামণি! একটু বসবে চল!  
 চাঁদ। চল মা! (উভয়ে বসিলেন)—রত্না!  
 রত্না। কি জ্যাঠামণি?  
 চাঁদ। আমার কিছু ভুল লাগছে না মা। মনে হচ্ছে কি যেন চাই—  
 কাকে যেন চাই! কিন্তু কি চাই—কিছু বুঝতে পাচ্ছি না। আজ  
 আমায় একটা গান শোনাবি মা?  
 রত্না। গান? গান যে আমি সব ভুলে গিয়েছি জ্যাঠামণি? চেষ্টা  
 করবো মনে করতে পারি না!

কাঁদিয়া ফেলিল

চাঁদ। আমি আর বেশীদিন বাঁচব না রত্না!  
 রত্না। আমি গান গাইছি জ্যাঠামণি!

## গীত

আমার গিয়েছে হৃদয় ভাঙিয়া  
 মরমের বীণা আর ত ওঠে না, সে নব রাগিণী গাহিয়া ॥  
 আমার টুটে গেছে সুখ; ভেঙে গেছে বুক,  
 আছে শুধু হায় বুক ভরা দুখ—  
 গভীর আঁধারে খুঁজি যেন কারে  
 কোথা সে গিয়াছে চলিয়া ।  
 কাদিছে সমীর তাহারে চাধিরা  
 তাহারেই ডাকে কাদিয়া পাপিয়া  
 কুলু কুলু ধ্বনি কাদিছে ভটিনী, তাহারেই যেন খুঁজিয়া ॥

চাঁদ । তুইও কঁাদছিস্? কঁাদ! কান্নায় বুক ভাসিয়ে দে! আমি  
 পারি না মা, আমি পারি না। কান্নায় বুক ভরে ওঠে, কিন্তু তবু  
 আমি কঁাদতে পারি না! আমার সোণা কঁাদতো—আমি বারণ  
 করতাম, তবু কঁাদতো! কঁাদতে সে ভালবাসতো।

রত্না । জ্যাঠামণি! জ্যাঠামণি!

চাঁদ । খুব কঁাদ মা, খুব কঁাদ! চোখের জল ফেলতে ফেলতে,  
 ভগবানকে অভিষাপ দে মা—তার নিষ্ঠুরতার জন্য তাকে  
 অভিষাপ দে!

রত্না । অভিষাপ?

চাঁদ । হ্যাঁ মা, অভিষাপ! আর প্রার্থনা কর, যেন মেয়ে হয়ে  
 আর জন্মতে না হয়! মেয়ে হওয়ার বড় জালা মা, বড়  
 জালা!

রত্না । জ্যাঠামণি! জ্যাঠামণি!

কেদার রায়ের প্রবেশ

কেদার। দাদা!

চাঁদ। কে? কেদার? এস ভাই! আজ তোমার কাছে আমার একটা প্রার্থনা আছে।

কেদার। প্রার্থনা?

চাঁদ। ই্যা ভাই, প্রার্থনা! আমাকে আজ তুই কথা দে কেদার—  
আমার রক্তার তুই বিয়ে দিবি না?

কেদার। আচ্ছা, সে কথা পরে হবে দাদা! রক্তা, তুই যা ত মা, তোর জ্যাঠামণির জন্ত খাবার নিয়ে আয়।

রক্তা চলিয়া গেল

চাঁদ। কেদার! তুই আমার কে?

কেদার। তুমি জান না?

চাঁদ। জানি! কিন্তু যা জানি, শুধু তাতে যে আমি হৃষ্টি পাই না  
ভাই! আমি এক একবার ভাবি যে, সংসারে সব ভাই যদি তোরই  
মতো হতো!

কেদার। এই যে, রক্তা তোমার খাবার নিয়ে এসেছে।

খাবারের থালা হস্তে রক্তার প্রবেশ

একটু কিছু খেয়ে নাও দাদা!

চাঁদ। খেতে আমার ইচ্ছে কখনো না ভাই!

কেদার। তা হোক, একটু কিছু মুখে দিতেই হবে।

চাঁদ। (খাবার মুখে তুলিতে গিয়া) তোমাদের খাওয়া হয়েছে? বৌ-  
রাণীমা খেয়েছেন?



রত্না। তোমার খাওয়া না হলে ত আমরা খেতে পারি না জ্যাঠামনি!  
তুমি আগে খাও!

চাঁদ। ও!

আবার খাবার মুখে তুলিতে গেলেন। হঠাৎ কি যেন মনে করিয়া

কিছুক্ষণ চুপ করিয়া রহিলেন। পরে বলিলেন—

আমার সোণা-মার খাওয়া হয়েছে? আমার সোণা? কি? সব  
চুপ করে রইলে যে! (সহসা চীৎকার করিয়া) ওরে, আমার মনে  
পড়েছে—মনে পড়েছে! সে নেই! তাকে ধরে নিয়ে গেছে!  
তাকে ধরে নিয়ে গেছে—

খাবার হাত হইতে পড়িয়া গেল

কেদার। দাদা! দাদা!

চাঁদ। আমি যাব! কে আছে? আমার কামান সাজাও, সৈন্ত  
সাজাও। আমি আমার সোণা-মাকে আনতে যাব। কার সাধ্য,  
চাঁদ রায়ের কন্ঠাকে আটকে রাখে! পিশাচের কবল থেকে মাকে  
আমার বাঁচাব—সোণা—সোণা—

দরজা পার হইতে গিয়া মুচ্ছিত হইয়া পড়িয়া গেলেন

## চতুর্থ দৃশ্য

ত্রিপুরের উপকণ্ঠে একটি সাধারণ পথ। কয়েকজন বৈষ্ণব গাহিতে গাহিতে প্রবেশ  
করিল। সকলেরই গলার তুলদীর মালা, সর্বাস্থে গঙ্গা মূর্তিকার ছাপ। মাথায় খুদীর্ঘ টিকি-

## গীত

(ও) তার রূপের আভায় মন মজায়।

ব্রজের খেলা সাজ করে গৌর এল নদীয়ায়।

স্বাপ্নেতে কালশশী, ব্রজগোপীর মনচোর—

( ভোলা মন—মন রে )

নদেয় এসে প্রাণ-গোরাক্ষ নবভাবে হ'ল ভোর ।

সেই ভাব দরিয়ার বানে বুঝি

নদে এবাব ভেসে যায় ॥

আঁধার করে কদমতলা, কাদাইয়ে যশোদায়,

( 'মরি হায়, হায় রে )

জগাই মাধাই উদ্ধারিতে অবতীর্ণ গোরা রায় ।

আমার দয়াল ঠাকুর দয়া করে

ঘরে ঘরে প্রেম বিলায় ॥

১ম । এখন উপায় কি করা যায় বল ত বাবাজী ?

২য় । কিসের বাবাজী ?

১ম । আরে আমাদের ধর্ম যে যেতে বসেছে !

২য় । কোথায় যেতে বসেছে ?

১ম । আরে এটা কোথাকার মূর্থ ? শোন নি, মহারাজ আদেশ প্রদান করেছেন যে এ রাজ্যে বৈষ্ণব কেউ থাকতে পারবে না ? পুজো অর্চনা ছেড়ে দিয়ে এখন নাকি সব বন্দুক ঘাড়ে করে টহল দিতে হবে ! রাজার লোক দেশে দেশে ঘুরছে, বৈরাগী দেখতে পেলেই তাড়া করছে ! আর হরিনামের ঝুলি কেড়ে নিয়ে হাতে গুঁজে দিচ্ছে একটা বন্দুক অথবা একটা তলোয়ার । কি বিপদ বল ত বাবাজী ?

২য় । হা গোবিন্দ ! শ্রীহরি !

১ম । বলছে যে “তৃণাদপি সুনীচেন তরোরিব সহিষ্ণুণা” এদেশে কেউ থাকতে পারবে না ! সকলকেই নাকি হতে হবে মহাশক্তির সাধক—  
শক্তির উপাসক !

২য়। হা গোবিন্দ! শ্রীহরি।

৩য়। আরে না, না, ওসব বাজে কথা। মহারাজের আদেশ হচ্ছে এই যে মোগলের সঙ্গে লড়াই বেধেছে—কাজেই এখন দেশের সকলকে দেশের জন্য মোগলের সঙ্গে লড়াই করতে হবে।

১ম। হ্যাঁ, হ্যাঁ—ঐ একই কথা হ'ল। দেশে কি আর ধর্ম কর্ম থাকবে? পনেরো বছর থেকে পঞ্চাশ বছর পর্যন্ত সকলকেই নাকি যুদ্ধ শিখতে হবে। কি বিপদ বল ত বাবাজী? আরে, যুদ্ধ কি রে বাবা? পরম দয়াল শ্রীকৃষ্ণের সেবায় জীবন উৎসর্গ করেছি। পূজা অর্চনা সব ছেড়ে দিয়ে ঢাল তলোয়ার নিয়ে বেরুতে হবে? কি বিপদ বল ত বাবাজী?

৪র্থ। তা আমি কইছিলাম কি—ইসে—ইসে—একটা কাজ করলে হয় না বাবাজী?

১ম। কি কাজ?

৪র্থ। ইসে—ঐ গে—তোমার গে—ইসে—কপালের ফোটাটা ধুইয়ে ফেলাইয়ে, ইসে—টিকিটাও না হয় কাইটা ফেলাইয়ে—ইসে—

২য়। হা গোবিন্দ—হা রাধামাধব।

১ম। তার পর? তার পর?

৪র্থ। ইসে—ঐ গে—তার পরে আমাগোর ত আর কেউ চিনবারই পারবো মা? তখন আমরা সব ঝবাজীর দল ইসে—ঐ—গে—আমাগোর আখড়া ঘরে দরজা দিয়া বইসা বইসা নির্বিবাদের কৃষ্ণ সেবা! কেবল হা কৃষ্ণ—হা মধুসূদন করুঁম?

২য়। চমৎকার মংলব! জয় রাধাবল্লভ! জয় শ্রীহরি! হরিবোল! সকলে। হরিবোল!

কার্ভালোর প্রবেশ

কার্ভালো। আরে কোন্ হরিবোল্ বলিতেছে ?

সকলে। ওরে বাবা ! পালা—পালা—

সকলে পলাইয়া গেল কিন্তু চতুর্থ বৈষ্ণব ধরা পড়িল

কার্ভালো। এই তোম্ খাড়া রহ !

৪র্থ। আজ্ঞা বাবা ! এ গে—ইসে—সাব্ল রে !

কার্ভালো। ওটা কি আছে ?

৪র্থ। আজ্ঞা—শ্রী—খোল !

কার্ভালো। তুই বৈরাগী আছে ?

৪র্থ। আজ্ঞা না !

কার্ভালো। তব্ গলাপর মালা পরিয়াছে কেনো ?

৪র্থ। আজ্ঞা না !

কার্ভালো। আরে, এই যে আমি দেখিতে পাইতেছে। ওটা কি আছে ?

৪র্থ। আজ্ঞা ইসে—( মালা ছিঁড়িয়া ফেলিল ) আজ্ঞা না !

কার্ভালো। তুমি কিষ্ট, আছে না কালী আছে ?

৪র্থ। আজ্ঞা হঃ।

কার্ভালো। কোন্ আছে ?

৪র্থ। আজ্ঞা না !

কার্ভালো। কপালে ছাপা দিয়াছে কেনো ?

৪র্থ। ইসে—( ফোঁটা মুছিয়া ফেলিল ) আজ্ঞে না।

কার্ভালো। হাঃ হাঃ হাঃ হাঃ ! শিরকা পিছুমে উঠো কি ঝুলিতেছে ?

৪র্থ। আজ্ঞা—ইসে—আজ্ঞা না !

কার্ভালো। টুমি লড়াই করিতে পারে ?

৪র্থ। আজ্ঞা হঃ।

কার্তালো। কোন্ লড়াই জানে? ইস্ মাফিক?

৪র্থ। আজ্ঞা—ইসে—আজ্ঞা না!

কার্তালো। হাঃ হাঃ হাঃ হাঃ—খুব বাহাদুর আছে বাবা।

দ্রুত প্রশ্ন

কাল্লু সর্দারের প্রবেশ

কাল্লু। ও মিঞা! আরে ও কার্তালো মিঞা! অত হাসবার লাগছে।

কিয়ের লাইগা?

কার্তালো। আরে কাল্লু! টুমানের দেশে আসে হামি একদম্ তাজ্জব  
বনিয়া গিয়াছে। হাঃ হাঃ হাঃ—তুমি বাবা কোন্ আছে? কালী  
আছে না কিষ্টু আছে?

কাল্লু। ও! তুমি বুনি ঐ বৈরাগীগো লগে লাগতে গেছ?

কার্তালো। আরে নেই, নেই, আমি লাগতে নেই গেছে। হামি উস্কা  
সাথ থোড়া টামাসা করিতেছিল।

কাল্লু। ও সব ধর্মকর্ম লইয়া তামাসা করনের কাম নেই। বলে—যার  
ধর্ম তার আছে—তারে লইয়া সে মরে বাঁচে! চল মিঞা—চল—এই  
হগনের ভিতরে আমাগোর কথা লইয়া কাথ্ নাই।

কার্তালো। চলো—কিষ্টু হামি জানে তুম্ কোন্ আছে!

কাল্লু। আরে মিঞা, রাস্তার মাইঝে খাড়াইয়া—তুমি আমার লগে  
মস্করা করবার লাগছে! বোম্বাইট্টাগিরি ফলাইবার চাও।

কার্তালো। আরে হামি ত বোম্বাটে আছে। আউর—তুমি বাবা  
কোন্ আছে? তিরুবেটে?

কাল্লু। তবে রে হালা বোম্বাইটা! লড়বা পাঞ্জ? দেখবা মজাখান্?

হস্ত প্রসারণ

কার্তালো। আরে বাস্! হাঃ হাঃ হাঃ হাঃ! you mean শ্রাক  
হাণ্ডস্? শ্রাক্ হাণ্ডস্? অফ কোর্স! এই ও! নো, নো,  
এত্না জোরসে নেই! আরে তুম্ জানতা নেই! ছোড্ দেও!

কাল্লু হাত ছাড়িয়া দিল

কাল্লু। মজা কারে কয় টের পাইছ মিঞা? আউর একবার ধরবার  
চাও? আও না?

কার্তালো। আরে নেই, নেই—তুম্ একদম্‌সে গুণ্ডা আছে! নো-  
জেন্টলম্যান্ আছে! উঃ গড্! হামরা হাতঠো একদম্‌সে বরবাদ  
কর দিয়া!

কাল্লু। চল, চল—রাস্তার মাইঝে খাড়াইয়া আর লোকহাসাইবার কাম  
নাই! চল! দরবারে যাইতে হইব, ভুইলা গেছ না কি?

কার্তালো। আরে তুম্ চলো—হামি যাচ্ছে।

উভয়ের প্রস্থান

### পঞ্চম দৃশ্য -

কেদার রায়ের সভা গৃহ। কাল—প্রাহ্ন

রাজা তখনও দরবারে আসেন নাই। সভাসদগণ বসিয়া ছিলেন

মুকুট। মহারাজ এখনও সভায় আস্‌ছেন না কেন? তুমি কিছু জান  
বিশ্বনাথ?

বিশ্বনাথ। শুনলাম, তিনি কাল সমস্ত রাত জেগে যুদ্ধক্ষেত্রের নক্সা তৈরী  
করেছেন। আমাদের বোধ হয়, সেই নক্সা সঙ্গে করেই আজ সভায়  
আসছেন।

রত্নগর্ভ। কার্তালো-সাহেব কিন্তু বাস্তবিকই অসাধ্য সাধন করেছেন।

মাত্র দুই হাজার সৈন্য নিয়ে মোগলের হাত থেকে সন্দ্বীপ কেড়ে নিলেন, তাও মাত্র দুদিনের মধ্যে! বীরত্ব বটে! কি বলেন সেনাপতিমশাই?

মুকুট। নিশ্চয়! মহারাজ আমাকে ওঁকে সাহায্য করবার জন্তে পাঠিয়েছিলেন। কিন্তু আমাকে সে অস্ত্রই ধরতে দিলে না। বললে, তুমি অস্ত্র ধরবে আমার মৃত্যুর পর!

কার্তালোর প্রবেশ

কার্তালু। হু! সেনাপতিমশায় সত্য কথাই কইছেন। কার্তালো মিঞার জবর তেজ! ওর চোখ দুখড়া লাগছেন না? যেন হাপের মাথায় মণি জলতে আছে! কি কন্ ছিৰ্মন্তমশায়?

শ্রীমন্ত। এ্যা—কি বলছো কার্তালু?

কার্তালু। আরে, কর্তা যেন তপ্পন দেখছেন! এতক্ষণ কি ঘুমাইতে আছিলেন নাকি?

রত্নগর্ভ। শ্রীমন্তও আজ এসেছে দেখছি! আজকাল ওঁকে দেখতেই পাওয়া যায় না। তোমাকে এত বিষয় দেখছি কেন হে? হাতে ওটা কি?

শ্রীমন্ত। আজ্ঞে ফুল! একটা বড় সমস্তায় পড়েচি গৌসাইজী! বাড়ীতে একটা চারা গাছ পুঁতেছিলাম। সকাল সন্ধ্যায় তারই গোড়ায় জল ঢালতাম। আজ সকালে উঠে দেখি, আমার সেই ফুল গাছে অনেক কাল পরে একটা ফুল ফুটেছে—চমৎকার গন্ধ!

রত্নগর্ভ। বটে?

শ্রীমন্ত। আজ্ঞে ই্যা। তারপর ফুলটা তুলে মহারাজের জন্ত নিয়ে

আসছি, হঠাৎ রাস্তায় এক ব্যাটা চামার ফেলে আমায় ছুঁয়ে !  
 এখন এ ফুল ত দেবতার পূজায়ও লাগবে না, রাজার পূজায়ও  
 লাগবে না ! অথচ এমন সুন্দর ফুল—ফেলে দিতেও মায়া হচ্ছে ।  
 এ ফুল এখন আমি কোথায় রাখি ? ওগো কোথায় রাখি ? বলতে  
 পারেন আপনারা ?

কাঁদিতে লাগিল

বিশ্বনাথ । তা ফুলে গন্ধাজল দিয়ে শুদ্ধ করে নিলেম না কেন ?  
 শ্রীমন্ত । তাও ত হবার জো নেই মুন্সীজি ! এর কলঙ্ক যে জলে ধুলেও  
 যাবে না—বাঁধা দিয়ে ঘসলেও উঠবে না । এ যে আমাদের সনাতন  
 হিন্দু সমাজের বিধান !

নেপথ্যে ডঙ্কা বাজিল । নৃকিব জানাইল, রাজা আসিতেছেন । সভা চঞ্চল হইল ।  
 মস্তাবাক্ত বাজিতে লাগিল । রাজা কেদার রায় সভায় প্রবেশ করিয়া সিংহাসন গ্রহণ  
 করিলেন ।

কেদার । কার্তালোর অসীম বীরত্বে আজ আমরা মোংগলের গ্রাস থেকে  
 সন্দীপ পুনরুদ্ধার করতে পেরেছি । মোংগলের সঙ্গে যুদ্ধ করতে হলে  
 সন্দীপ আমাদের কঁরায়ত্রে রাখা চাই । কার্তালো আমাদের বহুকালের  
 আশা পূর্ণ করেছে । তার বীরত্বে আমি মুগ্ধ হয়েছি ।

মুকুট । মহারাজ ! আমি ওর রণকৌশল স্বচক্ষে দেখে এসেছি । মাত্র দু’  
 খাজার সৈন্য নিয়ে তিনদিক্ থেকে অতর্কিতে মোংগলকে এমন ভাবে  
 আক্রমণ করলে যে, বাধা দেওয়া দূরের কথা, তারা পালাবার পথ  
 খুঁজে পেলো না । অথচ আমি ওকে বিন্দুমাত্রও সাহায্য করি নি ।

কেদার । বীরত্বের পুরস্কার স্বরূপ আমি কার্তালোকে সন্দীপের অর্দ্ধাংশে  
 নিজের দেশবাসী সৈন্য-সামন্ত নিয়ে বিনা রাজস্ব উপনিবেশ স্থাপন



করবার অধিকার প্রদান করছি। তবে এই সর্তে যে, কার্তালো  
নিজে তার সন্দ্বীপবাসী সমস্ত পৰ্তুগীজ সৈন্য নিয়ে যখনই প্রয়োজন  
হবে, আমাদের সাহায্য করতে বাধ্য থাকবে।

কার্তালো। ( টুপি খুলিয়া সিংহাসনতলে রাখিয়া ) রাজা! আপনি  
হামাদের বহু উপকার করিয়াছে। আপনি হামাদের—আপনি  
হামাদের—হামাকে মাপ করবে রাজা! হামি পারছে না—কুচ,  
বলিতে পারছে না। So sorry! But so glad and so  
grateful!

কেদার। আজ থেকে আমি তোমাকে আমার সমস্ত নৌ-সৈন্যের  
অধিনায়কত্ব প্রদান করলাম। ( মুকুট রায়ের প্রতি ) সেনাপতি!  
নৌ-যুদ্ধের উপযুক্ত কামান, বন্দুক ও অগ্ন্যস্ত্র এবং যুদ্ধ-  
জাহাজ, ছিপ, শতী, কোষা ইত্যাদি সমস্ত রণতরী কার্তালোর  
ইচ্ছামত প্রস্তুত করিয়ে দেবে।

মুকুট। আজ্ঞা প্রতিপালিত হবে মহারাজ!

কেদার! মা ভবানীর কাছে প্রার্থনা করি, তোমার হাতে আমার এই  
তরবারি এবং পতাকার গৌরব চিরকাল অক্ষুণ্ণ থাকবে।

কার্তালো হাঁটু গাড়িয়া বসিয়া গ্রহণ করিল, এবং তরবারি মস্তকে স্পর্শ করাইল

কার্তালো। হামার জান্ কবুল রাজা!

কেদার। হাঁ, আর জেনে রাখ—তোমার সহকারী, আমাদের স্বহৃদ  
এই কাল্লু সর্দার।

কাল্লুকে পাগড়ী প্রদান। কাল্লু রাজাকে অভিবাদন করিল

কার্তালো। রাইট ও!

কার্তালো এবং কাল্লুর প্রস্থান

কেদার। মুকুট, আমি আজ ক্লান্ত। সকলকে বিশ্রাম গ্রহণ করতে বলে দাও।

সভাসদগণের প্রস্থান

রত্নগর্ভ। যোগ্য পাত্রেই দায়িত্ব-ভার গ্রস্ত হয়েছে মহারাজ!

কেদার। মা ভবানীর আশীর্বাদ!

মুকুট। খিজিরপুর অভিযান তা হলে বর্তমানে স্থগিতই রইল মহারাজ?

কেদার। তুচ্ছ খিজিরপুর। কতটুকু তার প্রাণ? এখন আমাদের ব্যস্ত হবার কোনই প্রয়োজন নেই। আমাদের লক্ষ্য মানসিংহ—মোগলের গ্রাস থেকে দেশ রক্ষা করাই এখন আমাদের সর্বপ্রথম কর্তব্য।

বিশ্বনাথ। বড় মহারাজার জ্ঞান আমরা খুবই উৎকর্ষিত হয়ে পড়েছি।

রাজবৈঠক কি তাঁর জীবনের কোন আশাই দিতে পারছেন না মহারাজ?

কেদার। সবই মা ভবানীর ইচ্ছা বিশ্বনাথ। তাঁর হৃদয়স্থের ক্রিয়া অত্যন্ত দুর্বল হয়ে পড়েছে। মস্তিষ্ক বিকারের লক্ষণও প্রকাশ পাচ্ছে। সোণার শোক তিনি কিছুতেই সহ্য করতে পারছেন না!

শ্রীমন্ত। শোক! কল্পার শোক! ঠিক বলেছেন মহারাজ! এইবার পরখ করে নিলেন ত? শোক, দরিদ্র মানে না—রাজাও মানে না! তার কাছে সবাই সমান—সব সমান! কেমন মজা! এইবার কেমন মজা! হাঃ হাঃ হাঃ হাঃ! (অট্টহাস্য)

সহসা ব্যস্তভাবে টলিতে টলিতে চাঁদ রায়ের প্রবেশ

চাঁদ। কেদার! কেদার! ওরে, কৈ? আমার সোণা, আমার স্বর্ণময়ী কৈ?

চতুর্দিকে চাহিতে ছিলেন

কেদার ! একি ! দাদা, তুমি অস্থস্থ । তুমি কেন উঠে এলে দাদা ?  
চাঁদ । ওরে, আমার সোণা এসেছে ! সোণা এসেছে ! কোথায়  
গেল ? কোথায় গেল ? তোরা কেউ দেখতে পাস্ নি ? সোণা !  
মা আমার !

কেদার । সোণার কথা ভুলে যাও দাদা ! ভুলে যাও ! তুমি কি জন্মে  
না সোণা আমাদের নেই ? সোণা মরেছে ?  
চাঁদ । এ্যা । নেই ? নেই ? সোণা আমার নেই ? সোণা—  
সোণা—সো—

দুই হাতে বুক চাপিয়া ধরিয়া আঁতর্নাদ করিয়া পড়িয়া গেলেন

কেদার । দাদা ! দাদা ! একি !  
মুকুট । মহারাজ ! মহারাজ !  
কেদার । আবার মুচ্ছিত হয়েছেন ।  
মুকুট । তাই ত !  
সোণা । ( নেপথ্যে ) কাকামণি ! কাকামণি !  
কেদার । একি ! সোণা ! সোণা !

ছুটিয়া সোণার প্রবেশ

সোণা । একি ! বাবা অনন করে পড়ে কেন ?

অগ্রসর হইবার চেষ্টা করিল, রত্নগর্ভ বাধা দিলেন

রত্নগর্ভ । ওদিকে যেও না মা, তুমি ওদিকে যেও না !  
সোণা । বাবা !  
রত্নগর্ভ । ছুঁয়ো না মা—ওঁকে ছুঁয়ো না !  
সোণা । ছোঁব না ? কি বলছেন পুরুতকাকা ?

রত্নগর্ভ । তুমি যে যবন কৈর্ত্তক অপহৃত্য মা !

সোণা । অপহৃত্য ! না, না—আপনার পায়ে পড়ি পুরুতকাকা,  
একটু সরে দাঁড়ান । আমার বাবাকে একটিবার আমি দেখবো !  
বাবা ! বাবা !

চাঁদ । ( চমক ভাঙিয়া ) কে ? কে আমায় ডাকলে ? কে ডাকলে ?

সোণা । বাবা ! বাবা !

চাঁদ । সোণা ? আমার মা ?

কেদার । উঠো না—উঠো না দাদা ।

চাঁদ । না, না আমায় ছাড়্ ! ছেড়ে দে কেদার । আমার সোণা  
এসেছে ! কতদিন আমার মাকে আমি দেখিনি ! আয়, আয়  
মা, আমার বুকে আয় ।

সোণা । বাবা ! বাবা !

রত্নগর্ভ । জ্ঞান হারাবেন না মহারাজ ! ওকে স্পর্শ করবেন না ।

চাঁদ । কি বলছেন ঠাকুরমশাই ? ও যে আমার মা ! আমার সোণা !

রত্নগর্ভ । সত্য কথা, কিন্তু বিধম্মারা ওকে অপহরণ করেছিল ! সমাজের

কাছে ও পতিতা ।

সোণা । পতিতা !

চাঁদ । পতিতা !!

কেদার । স্থির হও দাদা, স্থির হও ।

চাঁদ । হ্যাঁ, হ্যাঁ—স্থির হবো ! সমাজ ! সমাজের নিয়ম নিষ্পন্ন,  
কঠোর ! তবু মান্তে হবে ! উপায় নেই ! উপায় নেই !

সোণা । উপায় নেই ? তবে কি আমার এখানে আর স্থান নেই বাবা ?  
আমি এখানকার কেউ নই ?

রত্নগর্ভ। কি করবো মা? সমাজের নিয়ম—সমাজ শৃঙ্খলা যে আমরা মানতে বাধ্য মা!

সোণা। পুরুতকাকা! আমি মা ভবানীর নাম নিয়ে শপথ করছি—  
রত্নগর্ভ। শপথে কোনই ফল হবে না মা—আমরা নিরুপায়।

চাঁদ। নিরুপায়!

সোণা। কাকামণি!

কেদার। ( আর্ন্তস্বরে ) মুকুট! মুকুট!

সোণা। না, না, আর কেউ নয়—আর কারো কথা আমি শুনতে চাই  
না! তুমি নিজে একবার বল কাকামণি—আমি পতিতা? আমার  
এখানে স্থান নেই?

কেদার নীরব। মর্মান্তিক ছালায় মুখ তাহার পাংশুবর্ণ

সোণা। কাকামণি! তুমি আমায় বিশ্বাস কর কাকামণি, আমি আজ  
আটদিন উপবাসী—একফোঁটা জল পর্যন্ত খাইনি—জগদীশ্বর দাক্ষী!

কেদার। সো—ণা—( আর্ন্তস্বরে কি বলিতে গিয়া থামিয়া গেলেন )

সোণা। আমার কি অপরাধ কাকামণি? তোমার পায়ে পড়ি  
কাকামণি, তুমি আমায় মেরে ফেল—এমন করে আমায় তাড়িয়ে  
দিও না! তোমরা ছাড়া আর যে আমার কেউ নেই কাকামণি!

মাটিতে লুটাইয়া পড়িলেন

চাঁদ। ওরে! ওরে! আমার বুকটা ফেটে গেল! বুকটা ফেটে চৌচির  
হয়ে গেল! না, না, আমায় তুই ছেড়ে দে কেদার! তোরা থাক,  
আমি—সোণা—সো—ণা—( মৃত্যু )

কেদার। দাদা! দাদা! একি? কি হোল? মুকুট! তোমরা দেখ, দেখ!  
মুকুট। কি হোল মহারাজ! কি হোল!

কেদার। সব শেষ! দাদা আর নেই!

মুকুট। নেই?

সোণা। নেই? আমার বাবা নেই?

রত্নগর্ভ। একটু সরে দাঁড়াও, মা—তুমি ছুঁয়ে ফেললে গুঁর আত্মার  
অকল্যাণ হবে মা!

সোণা। অকল্যাণ হবে। আত্মার অকল্যাণ হবে! কাকামণি!  
কাকামণি!!

কেদার। সোণা!—না—না—না—মুকুট! ওকে বাইরে নিয়ে যাও—  
আমার দৃষ্টিপথের বাইরে নিয়ে যাও! আমি পাচ্ছি না—আমায়  
ভুলিয়ে দেবে। আমার কর্তব্য ভুলিয়ে দেবে!

সোণা। কাকামণি!

কেদার। মা! মা আমার!

সোণা। আমি যাচ্ছি কাকামণি! আমি চাই না। তোমার কর্তব্যের  
বিষয় হতে আমি চাই না। (বাইতে উত্তত হইয়া ফিরিল)

কাকামণি—ঘাবার আগে আমার বাবার একটু পায়ের ধুলো,  
তোমার একটু পায়ের ধুলো আমায় নিতে দাও! আমি আর কিছু  
চাই না!

পদধূলি নিতে অগ্রসর হইল, রত্নগর্ভ বাধা দিলেন

রত্নগর্ভ। ওকি! স্পর্শ কর না!

সোণা। কাকামণি?

কেদার। ওঃ! পাচ্ছি না! পাচ্ছি না! সোণা, অভাগিনী মা  
আমার! দাদাকে তুই স্পর্শ করিস নি, আমার পায়ের ধুলো নিয়ে  
যদি তুই তৃপ্তি পাস্ মা—

রত্নগর্ভ। তা-ও হয় না মহারাজ! আপনি ওকে স্পর্শ করতে পারেন না!

কেদার। বাধা দেবেন না—বাধা দেবেন না ঠাকুরমশাই!

অভাগিনীর শেষ আকাঙ্ক্ষা—পূর্ণ হতে দিন! আমাকে ও স্পর্শ  
করলে যদি পাপ হয়—আমি তার প্রায়শ্চিত্ত করব! আপনি  
বাধা দেবেন না!

রত্নগর্ভ। সে হয় না মহারাজ! আপনি সমাজপতি।

কেদার। হয় না! আমি প্রায়শ্চিত্ত করব, তবু হবে না? মা! মা!

আমার! আশীর্বাদ—

সোণা। তোমার প্রায়শ্চিত্তের দরকার নেই কাকামণি! আমি চললাম!

জন্মের মত আমি চললাম! মা ভবানী!

কাঁদিতে কাঁদিতে গ্রস্থান

কেদার! ওরে আমার আশীর্বাদ। আশীর্বাদ। চলে গেল! চলে

গেল! দাদা! দাদা! না, না মুকুট—আমার সঙ্কল্পের আমূল

পরিবর্তন কর্তে হবে! যার জন্ত দাদার এই শোচনীয় পরিণাম—

আমার অকলঙ্ক কুলে কালি—রাজা হয়ে, পিতা হয়ে, কন্যাকে ধরে

রাখবার ক্ষমতা আমরা হারিয়েছি—তার শাস্তি! তার ধ্বংস!

তাকে চূর্ণ কর্তে হবে!!

মুকুট! মহারাজ। মহারাজ!!

কেদার। মোগল নয়! মানসিংহ নয়—সদাগ্রে দ্রোণাথ! দ্রোণাথ!!

## চতুর্থ অঙ্ক .

### প্রথম দৃশ্য

খিজিরপুর । নবাব ঈশা খাঁর কক্ষ । কাল—পূর্বাহ্ন । ঈশা খাঁ রানমুখে  
বসিয়াছিলেন । মায়া প্রবেশ

মায়া । বাবা ! বাবা !! ( কাঁদিয়া ফেলিল )

ঈশা । মায়া ? কেন মা ? কি হয়েছে ?

মায়া । আজ তিন দিন তুমি আমার কাছে যাও নি—আমার সঙ্গে  
কথা কও নি !—বাবা, তুমি আমার উপর রাগ করেছ ?

ঈশা । রাগ করেছি ? তোর উপর ? না মা, না ! এ তোর ভুল ধারণা !

মায়া । তবে কেন তুমি এ ক'দিন আমার কাছে যাওনি ? আমায়  
ডাক নি ?

ঈশা । তোমায় কাছে ডাকবার মুখ কি আমার আছে মা ? এ যে  
আমার কি নির্দারুণ লজ্জা—কি মর্মান্তিক অভিশোচনা ! ভুল বুঝে  
আমি কি ঘোরতর অন্তায় করে ফেলেছি !

মায়া । আমায় ক্ষমা কর বাবা ! আমিও তোমায় ভুল বুঝেছিলাম !

ঈশা । তুমিই আমায় বাঁচিয়েছ মা ! আমায় রক্ষা করেছ ! সোণাকে  
এখানে আনবার পর প্রতি কথায়, প্রতি ব্যবহারে তুমি আমার  
অন্ধত্বোখে দৃষ্টিশক্তি এনে দিয়েছিলে মা ! ওঃ ! আমার জীবনে  
এ যে কত বড় কলঙ্কের ছাপ ! এ মহাপাপের কি প্রায়শ্চিত্ত আছে ?

ফজলু খাঁ । ( নেপথ্যে ) জনাব । আমি যেতে পারি ?

ঈশা । কে ?



মায়া । উজিরসাহেব ।

ঈশা । তুমি ভেতরে যাও মা, আমি একটু পরেই যাচ্ছি ।

মায়া'র স্থান

এস ফজলু খাঁ

ফজলু খাঁর প্রবেশ

কি সংবাদ ?

ফজলু । এই মাত্র সংবাদ পেলাম, মোগল সৈন্য কুতুবপুরে ছাউনি ফেলেছে ।

ঈশা । কুতুবপুরে ? কোন্ কুতুবপুরে ?

ফজলু । ( মানচিত্র দেখাইয়া ) সুন্দরবনের উত্তরে—পদ্মার পশ্চিম তীরে ।

ঈশা । হু ! সৈন্য কত ? কে তাদের অধিনায়ক হয়ে এসেছে,

সংবাদ পেয়েছ ?

ফজলু । সৈন্যসংখ্যা প্রায় ত্রিশ হাজার । সৈন্যাদ্যক্ষ কিলমক্ খাঁ ।

ঈশা । তাই ত !

ফজলু । এ অবস্থায় আমাদের কি কর্তব্য জনাব ?

ঈশা । মোগল এত শীঘ্র বাঙলায় সৈন্য পাঠাবে—এ আমি ধারণা করতে পারি নি ফজলু খাঁ !

ফজলু । আমি পূর্বেই অনুমান করেছিলাম জনাব ! মোগল এই ক'মাস শুধু বর্ধাকাল বলেই অপেক্ষা করেছিল ।

ঈশা । মোগলের আক্রমণ প্রতিরোধ করবার জন্ত তুমি প্রস্তুত আছ ফজলু খাঁ ?

ফজলু । পঁচিশ হাজার গদাতিক, দশ হাজার অশ্বরোহী এবং পাঁচ হাজার নৌ-সৈন্য—আমি প্রস্তুত রেখেছি জনাব ! তারা আপনার আদেশের অপেক্ষায় আছে ।

ঈশা। উত্তম! তবে আমার মনে হচ্ছে ফজলু খাঁ—মোগল প্রথমে

'কেদার রায়ের রাজধানী শ্রীপুর আক্রমণ করবে।

ফজলু। আমাদের সৈন্য কি তা হলে শ্রীপুরের সাহায্যে পাঠান হবে?

ঈশা। পূর্বে হয় তা তাই হ'ত। কিন্তু এখন আর তা হবে না ফজলু

খাঁ। কেদার রায় আমাদের কাছে সাহায্য গ্রহণ করবে—এ  
আমার বিশ্বাস হয় না। তুমি অবিলম্বে ভাওয়ালে গাজীমাহেবকে  
সংবাদ দাও। তিনি যেন প্রস্তুত থাকেন, প্রয়োজন মত তার  
সাহায্য যেন আমরা পাই।

ফজলু। একবার শ্রীপুরেও লোক পাঠালে ভাল হয় না জনাব?

ঈশা। শ্রীপুরে? না, না—নিষ্প্রয়োজন। আমি জানতে পেরেছি  
কেদার রায় আমার উপর প্রতিশোধ নিতে দৃঢ়-সঙ্কল্প।

ফজলু। বটে! কেদার রায়ও তা হলে আমাদের রাজ্য আক্রমণ করতে  
পারেন?

ঈশা। অবশ্যই পারেন।

ফজলু। তা হলে আমাদের একদিকে মোগল—অন্যদিকে কেদার রায়!

ঈশা। তুমি কি সৈজ্ঞা ভীত ফজলু খাঁ?

ফজলু। ভীত! জনাব! এ যাবৎ মোগলের সঙ্গে বড় খণ্ড-যুদ্ধ হয়ে  
গেছে। আমাকে কি কখনো ভীত হতে দেখেছেন?

ঈশা। (ঈষৎ হাসিয়া) না, ফজলু খাঁ! তোমার বীরত্বের পরিচয়  
আমি অনেকবার পেয়েছি। তোমার শৌর্যে আমি যথেষ্ট আস্থা রাখি।

ফজলু খাঁ অভিবাदन করিলেন

তাহেরের প্রবেশ

ফজলু। কি তাহের?

তাহের। মোগল দূত !

ফজলু। মোগল দূত ?

তাহের। হুজুরের সঙ্গে দেখা করতে চায়।

ঈশা। নিয়ে এস।

তাহেরের প্রস্থান

খুব সম্ভব মানসিংহ পাঠিয়েছে।

ফজলু। বোধ হয়।

রেজাকের প্রবেশ

ঈশা। কি সংবাদ দূত ?

রেজাক। মহারাজ মানসিংহ অবিলম্বে জানতে চেয়েছেন জনাব, যে

আপনি কেদার রায়কে সাহায্য করবেন কিনা ?

ঈশা। হুঁ, আর কিছু ?

রেজাক। মহারাজ আপনাকে তাঁর বিশ্বস্ত মিত্র বলে গণ্য করতে পারেন

কিনা ? আপনার অধিকার সম্পূর্ণরূপে অক্ষুণ্ণ থাকবে ! যেমন

নবাব আছেন, ঠিক তেমন থাকবেন ! কেবলমাত্র মৌখিক সম্মতি

আন্তঃগত্যা স্বীকার করতে হবে। আর কিছু নয় !

ঈশা। তোমার মহারাজকে গিয়ে তুমি বল দূত, যে কেদার রায়কে

সাহায্য করা, না করা—আমার ইচ্ছাধীন নয়। বর্তমানে তা

সম্পূর্ণরূপে কেদার রায়ের উপর নির্ভর করে। কিন্তু মানসিংহ যেন

এ কথাটা ভুলে না যান, কৌশলের জালে ঈশা খাঁ ধরা দেবে না !

শক্তির পরীক্ষা তাঁর সঙ্গে আমার পূর্বেও একবার হয়ে গেছে। আর

একবার ইচ্ছা করেন— আমি প্রস্তুত ! আমি পাঠান হয়ে মোগলের

বশতা স্বীকার করব না !—আচ্ছা !

রেজাক । তাই হবে জনাব।

প্রস্থান

তাহেরের পুনঃ প্রবেশ

ফজলু । আবার কি তাহের ?

তাহের । 'এক আওরাং হুজুরের সঙ্গে দেখা করতে চায়।

ঈশা । আওরাং !

তাহের । 'হ্যাঁ জনাব।'

ঈশা । ফজলু খাঁ !

ঈশা খাঁর ইঙ্গিতে ফজলু ও তাহেরের প্রস্থান

অনতিবিলম্বে সোণার প্রবেশ

ঈশা । 'এ কি ! সোণা ! তুমি এখানে ?

সোণা । 'হ্যাঁ নবাবসাহেব, আমি ! আমি আবার এসেছি ! সেদিন আমায় এনেছিলেন আপনি । আর আজ আমি এসেছি নিজে—  
আপনার আশ্রয় ভিক্ষা করতে ।

ঈশা । আমি তোমার কথা ঠিক বুঝতে পারছি না সোণা ?

সোণা । নবাবসাহেব ! আমি হিন্দু-বিধবা । আপনি আমাকে জোর করে ধরে এনেছিলেন বলে সমাজ আমাকে ত্যাগ করেছে ! আজ আমার পিতৃ-গৃহেও স্থান নেই ।

ঈশা । সে কি । কি বলছ তুমি সোণা

সোণা । নবাবসাহেব ! আমার বাবা আর নেই । আমার শোকে উন্মাদ হয়ে তিনি দেহত্যাগ করেছেন । আজ আমি আশ্রয়হীনা !

ঈশা । তুমি আশ্রয়হীনা ? না, না, তুমি আশ্রয়হীনা নও সোণা ।  
তোমাকে আশ্রয় দেবার জগৎ আমার প্রাসাদের দ্বার, খিজিরপুরের

দ্বার—চিরদিনই উন্মুক্ত রয়েছে এবং থাকবে! আমি সব বুঝতে  
পেরেছি। মায়া—

মায়া। ( নেপথ্যে ) বাবা!

ঈশা। একবার শোন মা!

মায়ার প্রবেশ

ঈশা। ( মায়ার হাত ধরিয়া সোণার কাছে গেলেন ) মায়া! আজ  
থেকে তোমার সোণাদিদিকে তোমার হাতে মঁপে দিলাম মা! ঠুর  
বিশ্রামের আয়োজন করে দাও। উপযুক্ত বাসস্থানের ব্যবস্থা আমি  
এখনি করে দিচ্ছি।

সোণা। নবাবসাহেব! আপনি—

ঈশা। ভুল মানুষ মাত্রেরই হয় সোণা! আর সেই ভুল সংশোধনের  
চেষ্টাও মানুষ মাত্রেরই করা উচিত। ফজলু খাঁ!

ফজলু খাঁর প্রবেশ

আমি ফয়তা-নামা লিখে দিচ্ছি ফজলু খাঁ—আজ থেকে আমাদের  
রাজধানীর নাম থিজিরপুর নয়—সোণার গাঁ! যাও মা, সোণাকে  
অন্তঃপুরে নিয়ে যাও।

মায়া। এস দিদি।

সকলের প্রস্থান

## দ্বিতীয় দৃশ্য

কৃতুবপুরে মোগল শিবির। সান—রাত্রি  
সেনাপতি কিলমক খাঁ গর্বিতভাবে বসিয়াছিলেন। সাদি খাঁ, ওসমান্ খাঁ এবং  
অন্যান্য সৈন্যসংগণ স্ব স্ব আসনে উপবিষ্ট

কিলমক। হে, হে, বাবা! একটা চালের মত চাল চলেছি বটে! জ্বর  
চাল! এবারে আর বাছাধন যাবেন কোথায়? একদম বাজী মাত্!  
হাঃ—হাঃ—হাঃ—হাঃ—কিছু বুঝতে পেরেছ তোমরা?

সাদি। আজ্ঞে না।

কিল্। আজ্ঞে না? কিছু বুঝতে পার নি?

সাদি। আজ্ঞে, কি হুজুরালি?

কিল্। আমার এই চালখানা? বুঝতে পার নি?

সাদি। আজ্ঞে না জনাব!

কিল্। তোমরা কেউ বুঝতে পার নি?

ওস্। আজ্ঞে, আমি পেরেছি হুজুরালি!

কিল্। হাঃ—হাঃ—হাঃ—হাঃ! তুমি পেরেছ?

ওস্। আজ্ঞে হ্যাঁ!

কিল্। কি বুঝতে পেরেছ, বল ত?

ওস্। আজ্ঞে, আপনার চালখানা।

কিল্। কি চাল বল ত?

ওস্। আজ্ঞে, জ্বর চাল!

কিল্। প্রকাশ করে, বল।

ওস্। আজ্ঞে—একদম বাজীমাৎ!

কিল্। বাজীমাং ? ঠিক ?

ওস্। আজ্ঞে হ্যাঁ।

কিল্। কিসে বাজীমাং ?

ওস্। আজ্ঞে—আজ্ঞে—আপনার ঐ চালে !

কিল্। ফি চালে ?

ওস্। আজ্ঞে—জবর চালে ?

কিল্। কিন্তু কি সে চাল ?

ওস্। আজ্ঞে—আজ্ঞে—জবর চাল !

কিল্। চোপ্ রও বে-অকুফ ! বেয়াদব্

ওস্। আজ্ঞে, এই চুপ করলাম।

সাদি। ওঁ কিছু বুঝতে পারে নি জনাব !

কিল্। বল, কি বুঝতে পেরেছ ?

ওস্। আজ্ঞে—তা হলে পারি নি ?

কিল্। পার নি ?

ওস্। আজ্ঞে না।

কিল্। এইও—সরাব লে আও ! জলদি। আহম্মকটা ধকিয়ে আমার মাথা খারাপ করে দিয়েছে ! জলদি সরাব লে আও !

জনৈক অনুচর সরাব লইয়া আসিল, কিলমক্ পান করিয়া হুহু হইলেন

ওস্। হুজুর ! মাপ করুন ! আপনার মাথা খারাপ করে দিয়েছি !

গোস্তাকী মাক্ করুন !

কিল্। ওটা একটা আস্ত গাধা !

ওস্। আজ্ঞে, হুজুরই আমার মা বাপ ! মাক্ করুন !

কিল্। আচ্ছা, ব'স। 'খবরদার, আর যেন বকিও'না।

ওন্। এই নাকমলা—এই কানমলা, হুজুর!

কিল্। হ্যাঁ! তার পর যা বল্ছিলাম—আমার চালটা।

সাদি। আজে হ্যাঁ, বলুন!

কিল্। আমার চাল বুঝতে পারা সে কি তোমাদের কৰ্ম?

ওন্। আজে, সাধ্য কি আমাদের! আপনার চাল বোঝা—

সাদি। এই তুই চুপ্ কর!

ওন্। কেন চুপ্ করব? এখন ত হুজুরের কথা বেশ বুঝতে পারছি।

সাদি। আরে, তুই থাম্ না! এখনি আবার হুজুরের মাথা খারাপ হবে!

ওন্। ও! আচ্ছা! এই চুপ করলাম।

কিল্। আরে, এটা বুঝতে পারছ না যে, আমার মাথার চাল যদি তোমরাই বুঝতে পারবে—তা হলে ত তোমরাও সেনাপতি হতে পারতে? আমার মত শিবিরে বসে হকুম চালাতে?

সাদি। আজে হ্যাঁ, ঠিক কথা!

কিল্। মহারাজ মানসিংহের মত পাকা লোক—তিনি কি আর আগাকে না বুঝে সেনাপতি করে বাঙলা মূলকে পাঠিয়েছেন? এই মগজখানাকে তিনি ঠিক চিন্তে পেরেছেন! এক একখানা মতলব যা বেরোয়—হাঃ—হাঃ—হাঃ—হাঃ! থামা! এই যে ভুঁইয়া কেদারের ছেলেটাকে জঙ্গল থেকে ধরে এনে খাঁচায় পুরেছি, কেমন জবরদস্ত চালখানা হয়েছে বাবা?

ওন্। এইবারে ঠিক বুঝতে পেরেছি হুজুর।

কিল্। কি?

ওন্। আজে—জঙ্গল!



কিল্। হাঃ—হাঃ—হাঃ—হাঃ, ও বাড়েই থাক্, আর জঙ্গলেই থাক্—বলি, ছেলে ত? বাছাধন এইবারে বাপ বাপ বলে, নাকথং দিতে দিতে এসে হাজির হতে পথ পাবে না! কি বল তোমরা?

ওস্। আরে বাস্ রে! হুজুরের এমন চাল?

মাদি। তবে আর কি হুজুরালি! বাঙলা জয় ত তা হলে হয়েই গেল? কিল্। এইবার বুঝতে পেরেছ?

ওস্। আজ্ঞে, হ্যাঁ হুজুর, এতক্ষণে ঠিক বুঝেছি!

কিল্। এখন তা হলে একটু আমোদ করা যাক! কি বল?

মাদি। নিশ্চয়! এইও, সরাব লে আও—জলদি লে আও।

ওস্‌মাক বাইয়া সরাব লইয়া আসিল

মাদি। আজ্ঞে, এইবার যদি হুকুম হয় ত—

কিল্। কি? বাইজী? নাচনে-ওয়ালী?

ওস্। আজ্ঞে, ছুঁড়ীদের পায়ে যে বাত্ ধরে গেল হুজুর! একটু কস্‌রৎ করানো ত দরকার?

কিল্। কস্‌রৎ! ঠিক বলেছ! আচ্ছা—ডাক তাদের।

ওস্। ও ডাকাডাকি কস্‌' নয় হুজুর! আমি নিজেই যাচ্ছি! ক'জনকে আনবো জনাব?

কিল্। তা, তা, সকলকেই ত একটু কস্‌রৎ করানো দরকার? কি বল তোমরা?

সকলে। নিশ্চয় হুজুর—নিশ্চয়।

ওস্‌মাক চলিয়া গেল

সাদি। আর এক পাত্র সরাব ইচ্ছে করুন জনাবালি ?  
কিল্। আলবৎ ! আলবৎ ! দাঁও। ( সরাব পান )

ওসমাকের পুনঃ প্রবেশ

কিল্। এই যে ! এস, এস —

নর্তকীগণের প্রবেশ ও অভিবাদন

ওস্। আর দেরী কেন বাবা ? চালাও !

গীত

মোরা ফুলের পরী ফুল মধু খাই

ফুল বাগানে ফুলের রাতে ।

ভোর বাতাসে পুলক জাগাই

ফুল কুঁড়িদের আঁখি পাতে ॥

শিশির মাখাই শিউলি ফুলে,

জোছ না ছড়াই বকুল তলে

চুম খেয়ে যাই শতদলে

চমক্ তুলি যুঁই গোলাপে ।

চূপ সারে যাই উষার আগে

তরুণ বঁধুর ঘুম ভাঙাতে ।

কিল্। বাঃ ! বাঃ ! বহুত্ আচ্ছা !

সাদি। বাহোবা কি বাহোবা !

ওস্। ওদের বক্শিষ্ ইচ্ছে করুন হুজুর !

কিল্। বক্শিষ্ ? আচ্ছা—কাল পাবে ।

ওস্। তোমরা তা হলে এখন এস । বক্শিষ্ কাল পাবে ।

নর্তকীগণের প্রস্থান :

কিল্। ( জড়িত স্বরে ) আমোদ ত করা হ'ল—এইবার একটু কাজ করা যাক্। এই কোই ছায় ? ভূঁইঞা কেদারকা লেড়কা।

ওন্। হুজুর ! ঐ ছোঁড়াটাকে একখানা গান শুনিয়ে দিলে ভাল হয় না ?

সাদি। চুপ কর্ আহাম্মক !

ওন্। আঃ ! তুমি বুঝতে পারছ না ! আমাদের বাদ্‌মাই চংয়ের গান আর মোগলাই নাচ দেখে, ছোঁড়ার মুণ্ডু ঘুরে যাবে ! বাড়ীতে ফিরে গিয়ে, সকলের কাছে খুব তারিফ করবে ! জান ?

নারায়ণ রায়কে লইয়া একজন সৈনিকের প্রবেশ

কিল্। এই যে এস, এস—ভূঁইঞা কেদারের ছেলে এস ! তারপর ! নারায়ণ। আমাকে এভাবে বন্দী করে রাখার উদ্দেশ্য কি, তা আমি জানতে পারি বোধ হয় ?

কিল্। তোমার তায় বুদ্ধিমান ছোকরার তা বোঝাই উচিত ! কি বল হে ?

সকলে। আজ্ঞে, হ্যাঁ !

নারায়ণ। বুঝতে পারি নি বলে জানতে চাইছি।

কিল্। উদ্দেশ্য খুব মহৎ ! মোগল সম্রাটের কাছে তোমার পাবাকে বশতা স্বীকার করানো—আর কিছু নয়। একখানা কাগজের ওপর এক কলম কালি দিয়ে একটি মাত্র আঁচড় কাটতে হবে। ব্যস্—খালাস্ !

নারায়ণ। আমাকে বন্দী করে রাখলেই পিতা-মোগলের বশতা স্বীকার করবেন—আপনি স্থির জানেন ?

কিল্। স্থির জানি না—তবে আমার বিশ্বাস !

নারায়ণ। এ আপনার ভুল ধারণা খাসাহেব! যে লোক মোগলের অত্যাচার থেকে দেশবাসীকে বাঁচাবার জন্য নিজের জীবনকেই তুচ্ছ জ্ঞান করেন—তিনি তাঁর একটি মাত্র পুত্রের জীবন রক্ষার জন্য মোগলের কাছে আত্মবিক্রয় করে, বাড়লার সর্দানাশ করবেন—এ আপনি কখনই মনে স্থান দেবেন না।

কিল্। আমি তোমার সঙ্গে তর্ক করতে চাই না! আমার কণামত কাজ করবে কি না?

নারায়ণ। না!

কিল্। না?

নারায়ণ। না! আমি এখানে বন্দী, এ সংবাদ বাবাকে জানাবার কোনই প্রয়োজন নেই।

কিল্। এখনও ভেবে জাঁখ পরিণাম ভীষণ!

নারায়ণ। পত্র আমি তাঁকে লিখব না খাসাহেব।

কিল্। লিখলে না? বটে?

নারায়ণ। খাসাহেব! আপনি ভুলে যাচ্ছেন আমি মহাবীর কেদার রায়ের পুত্র! আমি মোগলের হাতে বন্দী, এই হয়ে সংবাদ তাঁকে জানাতে আমি লজ্জা বোধ করি।

কিল্। যাও, একে নিয়ে যাও! এর অর্ধেক দেহ মাটিতে পুতে কুকুর দিয়ে খাওয়াবে। যাও, নিয়ে যাও!

সৈন্তগণ লইয়া ঘাইতে উত্তত

এখন, কোথায় তোমার বাবা—সেই মহাবীর ভুঁইঞা কেদার?  
একবার ডাকো তাকে? এখানে এসে তোমায় রক্ষা করুক?

নেপথ্যে অসংখ্য কামানের শব্দ এবং সৈন্ত কোলাহল শোনা গেল

কিল্। কি ও? কিসের শব্দ?

সাদি থা ছুটিয়া বাহির হইয়া গেল এবং মূহূর্ত্তমধ্যে পুনরায় প্রবেশ করিল

সাদি। জনাব! জনাব! সর্বনাশ হয়েছে! শত্রু সৈন্য আমাদের শিবির ঘিরে ফেলেছে!

কিল্। এ্যা সে কি! কি করছিল আমাদের শিবির-রক্ষকগণ?

সাদি। আজ্ঞে, আজ সবাই একটু আমোদ করছিল।

কিল্। আমোদ করছিল। যত সব বেতমিঙ্! বন্মাস্!

তাড়াতাড়ি বাহির হইয়া গেলেন

ওস্। নিশ্চয় এই ছোড়ার কাজ! আজ রমজানের রাত—আমাদের শিবিরে আমোদ হবে! নিশ্চয় এই ছোড়া ওর বাপকে খবর দিয়েছে!

কি রে? সত্যি কথা বল্?

নারাণ। আমি কোনও সংবাদ দিই নি।

সাদি। আল্‌বৎ দিয়েছি! জরুর তুই সংবাদ দিয়েছি!

কিল্মক্ থার পুনঃ প্রবেশ

কিল্। ছুষমন্! কেদার রায়—কেদার রায়।

সাদি। হুজুর! এই কম্বাক্ত ওর বাপকে খবর দিয়েছে।

কিল্। বটে রে—বেতমিঙ্? তবে তোমাকেই আগে সাবাঁড় করি।

নারাণকে হত্যা করিতে উগত এমন সময় মুকুট এবং কার্ভালোর প্রবেশ। গুলির আঘাতে ছুইজন সৈনিকের পতন। কার্ভালো কিল্মক্কে বন্দী করিল। কেদার উন্নতের আয়ঃ প্রবেশ করিয়া চীৎকার করিয়া ডাকিলেন—

কেদার। নারাণ! নারাণ!

নারাণকে বৃকে জড়াইয়া ধরিলেন

মুকুট। এইবার ঈশা থা!

## তৃতীয় দৃশ্য

সোণাকুণ্ডা দুর্গের অভ্যন্তরস্থ একটি কক্ষ। কাল—রাত্রি, অনুমান বিপ্রহর। চারিদিকে একটা ভয়ব্যাকুল নিশ্চরতার আভাষ। নবাব ঈশা খাঁ আহতাবস্থায় একটি প্যান্থের উপর তল্লাচ্ছন্ন। নবাবের শিরোদেশে হকিমসাহেব চিন্তিতভাবে বসিয়া অতি সম্ভূর্ণে তাঁহাকে পরীক্ষা করিতেছিলেন। পার্শ্বে সোণা এবং মায়া বিষমমুখে বসিয়া ছিলেন। পরে একটি মাত্র স্থিমিত হৃদীপ। কিছুক্ষণ পরে হকিম সাহেব ধীরে ধীরে আসন ছাড়িয়া উঠিলেন এবং সোণাকে কাছে ডাকিলেন

সোণা। কি রকম দেখলেন হকিমসাহেব ?

হকিম। ঘুমুচ্ছেন। দাওয়াইটা ক্রিয়া করেছে বলেই মনে হচ্ছে।

মায়া। হকিমসাহেব, বাবা আমার বাঁচবেন ত ? দোহাই আপনান্ন—  
সত্যি কথা বলুন ?

হকিম। অস্থির হয়ে কোনও ফল নেই মা !

মায়া। না, না, হকিমসাহেব ! আমায় মিছে প্রবোধ দেবেন না—সত্যি বলুন ? আমার বাবা—

হকিম। স্থির হও মা, আমার চেষ্ঠার জ্রুটি হবে না। তবে দিন দুনিয়ার মালিক খোদার মজ্জির উপর ত কারো হাত নেই ! তুমি আমি চেষ্ঠা করা ছাড়া আর কি করতে পারি মা ?

সোণা। তবে ওঁর কি জীবনের আর কোন আশাই আপনি করতে পারেন না ?

হকিম। আশা ? আশা কি ত্যাগ করা যায় মা ? কিছু করবার উপায় না থাকলেও মানুষ আশা কোনও মতেই ছাড়তে পারে না। শেষ পর্যন্ত চেষ্ঠা আমাদের করতেই হবে মা !

মায়া। বাবাকে হারিয়ে আমি কেমন করে বেঁচে থাকবো দিদি ?

সোণা। একটু চুপ কর বোন ! নবাবসাহেবের ঘুমের ব্যাঘাত হবে।

অস্থির হয়ে লাভ কি ?

হকিম। আমি পাশের ঘরেই রইলাম মা। নবাবসাহেব জেগে উঠলে

আমাকে খবর দিও। এই দাওয়াইটা আর এক মাত্রা দিতে হবে।

প্রস্থান

মায়া। আমি এমন অভাগিনী দিদি !

সোণা। শুধু তুমি নও মায়া ! আমার অদৃষ্টের কথাটাও একবার ভেবে দেখ ত ! সর্বস্ব হারিয়ে তোমার বাবার কাছে এসে আশ্রয় পেয়েছিলাম। আজ থেকে আমার তাও ঘুচলো।

ঈশা। মা !

মায়া। এই যে বাবা !

ছুটিয়া কাছে গেল

ঈশা। ওঃ—মা !

মায়া। খুব কি কষ্ট হচ্ছে বাবা ?

ঈশা। না মা ! সোণা ! সোণা কোথায় ?

সোণা। এই যে আমি আপনার কাছেই রয়েছি ?

ঈশা। কাছেই রয়েছো ? অথচ আমি তোমাদের কাউকেই যেন খুঁজে পাচ্ছি না ! তোমরা সব যেন আলেয়া ! ধরতে যাই—কিন্তু কাছে গিয়ে আর খুঁজে পাই না। কেঁধায় যেন সব মিলিয়ে যাও।

সোণা। একটু স্থির হন নবাবসাহেব !

ঈশা। স্থির ?—হ্যাঁ সোণা, তাই হব ! স্থির হবার আর দেরি নেই !

মায়া। না, না—কেন মিছে এসব কথা বলছো বাবা ?

ঈশা ! মিছে ? মিছে কথা আমি কোনও দিন বলি নি মা ! আজ  
মরণ শিয়রে বেঁচে তাই বল্‌বো ?

মায়া । ওসব কথা তুমি আর বল না বাবা ।

ঈশা । সোণা !

সোণা । বলুন নবাবসাহেব ?

ঈশা । শান্তি কোথায় ?

সোণা । পাশের ঘরেই রয়েছে, ডাক্‌বো ?

ঈশা । না, থাক্ । বড় ভাল মেয়ে । কি পাপে তার এত শাস্তি !

মায়া । আমি হাকিমসাহেবকে ডেকে নিয়ে আসছি দিদি ?

ঈশা । না, না, আর হাকিমসাহেবকে দরকার নেই মা ! তুমি আমার  
কাছে বসো ।

মায়া উঠতে গিয়া আবার বসিলেন—

ঈশা । সোণা !

সোণা । এই যে আমি । আমাকে কিছু বলবেন ?

ঈশা । বলবার আমার অনেক কথাই ছিল সোণা ! আর দুনিয়া নে।

হলো না ! কিসে যেন আমার কণ্ঠনালী চেপে ধরছে ! বলতে  
আমায় দিচ্ছে না । কিন্তু—শুধু একটা কথা সোণা তোমার  
মুখ থেকে আমার জীবনের শেষ দিনে আমি শুনে যেতে চাই ।  
নইলে পরলোকে গিয়েও আমি শাস্তি পাব না ।

সোণা । আপনি বলুন নবাবসাহেব ?

ঈশা । তুমি আমায় ক্ষমা করেছ সোণা ?

সোণা । আপনি কেন মিছে কষ্ট পাচ্ছেন নবাবসাহেব ? আমার ওপর  
আপনি ত কোনও অবিচার করেন নি ?



ঈশা। অবিচার করি নি ?

সোণা। আপনার মহত্ত্ব আমি কোনদিন ভুলব না নবাবসাহেব ! তাই হয়েছে তার ওপর আপনার ত কোনও হাত ছিল না ! এ যে আমার ভবিষ্য নবাবসাহেব !

ঈশা। “ভবিষ্য ? তাই হবে !

মায়া। কথা কয়ো না বাবা—হকিমসাহেব বারণ করেছেন।

ঈশা। না, না, আমায় বাধা দিও না মা। যতক্ষণ শক্তি আছে, আমার শেষ কথাগুলো কহিতে দাও !

মায়া। বেশী কথা বললে অস্থখ যে আরও বাড়বে বাবা ?

ঈশা। অস্থখ বাড়বে ? পাগলী বেটী ! গোলার আঘাতে যার বুকের আধখানা পাজর খসে গেছে—তোমাদের হকিমসাহেব কি করে তাকে বাঁচিয়ে তুলবেন ?

অল্পক্ষণ স্থির হইয়া রহিলেন, পরে আবার বলিতে লাগিলেন—

কেদার আমাকে এ ভাবে অতর্কিতে আক্রমণ করেছিলেন—আমি প্রথমে বুঝতে পারি নি সোণা ! আমি ভেবেছিলাম মানসিংহ ! তাই তাকে বাধা দিতে গিয়েছিলাম। কেদারের বিরুদ্ধে আমি যুদ্ধ করতাম না ! বিনা বাধায় তিনি এসে আমার রাজধানীতে উপস্থিত হতেন—আমি তাঁকে “একবার মুখোমুখী জিজ্ঞেস করতাম—কি অপরাধে সোণার এই কঠোর শাস্তি ! তার পর আমাকে হত্যা করেও যদি তিনি সন্তুষ্ট হতেন—আমি বাধা দিতাম না।

হাঁপাইতে লাগিলেন

মায়া। বাবা ! বাবা ! তোমার পায়ে পড়ি, এখন চুপ কর।

ঈশা। সোণা !

সোণা । নবাবসাহেব ?

ঈশা । আমার মায়াকে তোমার হাতে দিয়ে গেলাম সোণা !

মায়া । বাবা ! বাবা !!

বাক্তিতে লাগিলেন

ঈশা । ওকে আর শাস্তিকে নিয়ে আজ শেষ রাতেই তুমি নাসিরাবাদে  
আমার জঙ্গল-বাড়ীতে চলে যাও ।

মায়া । তোমায় ছেড়ে আমি কোথাও যাবো না বাবা !

ঈশা । অবুঝ হয়ো না মা ! এখানে থেকে তোমার বাবাকে ত ধবে  
রাখতে পারবে না ।

সোণা । ওদের আমি আজই পাঠিয়ে দেব নবাবসাহেব ।

ঈশা । আর তুমি ?

সোণা । আমি ? আমার আশ্রয়দাতাকে এখানে অসহায় অবস্থায়  
ফেলে রেখে আমি কোথায় পালাব নবাবসাহেব ?

ঈশা । তুমি—তুমি যাবে না সোণা ?

সোণা । এ আদেশ আমার করবেন না নবাবসাহেব !

দূরে আজানের ধ্বনি শোনা গেল

ঈশা । ঐ—ঐ—আজানের ধ্বনি ! আমায় ডাকছে ! বাস্তি প্রভাত  
হয়ে এল ! আর ত সময় নেই !—মায়া !

মায়া । এই যে বাবা !

ঈশা । আমি পারছি না মা ! আমার কণ্ঠ রুদ্ধ হয়ে আসছে—  
শ্রবণ শক্তি ক্ষীণ হয়ে আসছে !—ঐ—ঐ—আবার আজান !  
খো—দা—

ঈশা গাঁর জীবন প্রদীপ নির্বাপিত হইল। সোণা এবং মায়া

আত্মস্থরে চীৎকার করিয়া উঠিলেন

সোণা। নবাবসাহেব !

মায়া। বাবা ! বাবা !

পিতার বুকের উপর লুটাইয়া পড়িলেন

## তৃতীয় চতুর্থ দৃশ্য

পদ্মার পশ্চিম তীরে মানসিংহের শিবির। কাল—প্রাক। মানসিংহ একখানি

নক্সা দেখিতেছিলেন। চিন্তাভারে আকুল, কপাল কুঞ্চিত,

দৃষ্টি তীক্ষ্ণ। পাশ্বে সৈন্যাদ্যক্ষ রেজাক থাঁ দণ্ডায়মান

রেজাক। মহারাজ !

মান। বল রেজাক থাঁ !

রেজাক। শত্রুর ত ছায়াও দেখতে পাচ্ছি না।

মান। কি করতে চাও ?

রেজাক। হুকুম পেলে, নদী পার হবার চেষ্টা করি ! এ রকম নিশ্চেষ্ট

ভাবে বসে থেকে লাভ কি ?

মান। আচ্ছা রেজাক থাঁ ! তোমার কি মনে হয়, নদীর ওপারে যে

সমস্ত কামান সাজানো রয়েছে সেগুলো সব অকর্মণ্য ? শুধু

আমাদের ভয় দেখাবার জন্য সাজিয়ে রেখেছে ?

রেজাক। তা কেন হবে মহারাজ ?

মান। যদি তা না হবে, তা হলে আমাদের সৈন্যরা নদী পার হবার চেষ্টা

করলে, ওপারের কামানগুলো বোধ করি চুপ করে থাকবে না ?

তাদের আপত্তি নিশ্চয়ই জানাবে ?

রেজাক। কিন্তু আমাদের কামানও ত চূপ করে থাকবে না মহারাজ ?  
 মান। ফল ? অকারণ সৈন্যক্ষয় ! আমি তাতে রাজী নই রেজাক থা।  
 রেজাক। আমার অপরাধ নেবেন না মহারাজ ! কিন্তু চেষ্টা ত করতে  
 হবে ? এদিক দিয়ে পার হওয়া যদি বিপজ্জনক মনে করেন, তাহলে  
 এখানকার ছাউনি, তুলতে আদেশ দিন ? অন্য দিকে চেষ্টা করা  
 যাক ?

মান। রেজাক থা ! এই হঠকারিতার জগুই বোধ হয় আমরা কিল্মক  
 থাকে হারিয়েছি।

জনৈক সেনানীর প্রবেশ

রেজাক। কি সংবাদ ?

সেনানী। আমাদের কতক সৈন্য স্নন্দরবনের পথে নদী পার হবার চেষ্টা  
 করেছিল মহারাজ—

মান। সে কি ! তারপর ?

সেনানী। কতকগুলো সাজা আদমী তাদের চেষ্টা বিফল করে দিয়েছে।

অনেক সৈন্য নদীতে ডুবে মরেছে !

মান। উত্তম হয়েছে ! কে তাদের নদী পার হতে বলেছিল ?

সেনানী। কেউ বলে নি মহারাজ ! কয়েকটা জেলে-ডিকি ভেসে যাচ্ছিল,  
 তারা তাই ধরবার চেষ্টা করেছিল। তারপর ওদিকে কেউ  
 নেই দেখে—

মান। হাঁ, হাঁ, আমি বুঝতে পেরেছি—তুমি যাও ! তাদের বলে দিও,  
 কেউ যেন ভবিষ্যতে আর সে চেষ্টা না করে।

সেনানীর প্রস্থান

মান ! বুঝলে রেজাক খাঁ ?

রেজাক । আজ্ঞে, হাঁ মহারাজ ! তবে কি সমস্ত যায়গাই শত্রুপক্ষের  
স্বরক্ষিত ?

মান । 'নিশ্চয় ! রেজাক খাঁ ! ভেবেছিলাম, প্রতাপাদিত্যের পরাজয়ের  
সঙ্গে সঙ্গেই বাঙলা দেশ সম্পূর্ণরূপে মোগলের পদানত হয়েছে । কিন্তু  
এ দেখছি তা নয় ! কিল্মক খাঁর পঁচিশ হাজার সৈন্যের মধ্যে এক  
হাজারও আজ বেঁচে নেই ! এই শোচনীয় পরাজয়ের পর আমি কি  
করে সম্রাটকে মুখ দেখাব ? যে কোন উপায়ে পারি, কেদার  
রায়ের অহঙ্কার চূর্ণ করতে হবে । হ্যাঁ—তারপর, তোমার আর কি  
সংবাদ রেজাক খাঁ ?

রেজাক । আমাদের সমস্ত গুপ্তচরই ফিরে এসেছে । বিপক্ষ দলের  
ছাউনি পদ্মার এপারে কোথাও দেখতে পাওয়া যায় নি !

মান ! আচ্ছা রেজাক খাঁ !

রেজাক । মহারাজ ?

মান । না, না, তা হতে পারে না—অসম্ভব !

রেজাক । কি অসম্ভব ?

মান । ও আমি একটা অশ্রু কথা ভাবছিলাম । হ্যাঁ, ভাল কথা—ঈশা  
খাঁ কি বললে ?

রেজাক । দেহে একবিন্দু রক্ত থাকতে, সে পাঠান হয়ে, মোগলের  
বশতা মেনে নেবে না ।

মান । তুমি বল নি, যে মোগল তার মত বহু পাঠানকে বশতা মানাতে  
বাধ্য করেছে ?

রেজাক ! সে কথা তাকে বলবার ফুরসৎ পাই নি মহারাজ !

মান। তা হলে ঈশা খাঁর সঙ্গেও আমাদের যুদ্ধ অনিবার্য ?

রেজাক। আমার ত তাই মনে হয়। তবে তাকে দেখে যেন খুবই অসুস্থ বলে মনে হল ! কেদার রায় আমাদের প্রথম এবং প্রধান লক্ষ্য, এ কথা সে জানে। কাজেই, আমরা তার রাজ্য আক্রমণ না করা পর্যন্ত সে আমাদের আক্রমণ করবে, তা আমার মনে হয় না।

মান। থাক। এখন সর্পাগ্রে কেদার রায়কে আয়ত্তে আনা চাই।

জনৈক সৈনিক শ্রীমন্তকে বন্দী করিবার প্রবেশ করিল

শ্রীমন্ত। আপনি তাকে আয়ত্তে পাবেন না। কিছুতেই তাকে পরাজিত করতে পারবেন না। সে দুর্ভাগ্য ভাগ্য করুন।

রেজাক। কে ও ?

সৈনিক। শত্রুর গুপ্তচর।

মান। গুপ্তচর ?

সৈনিক। আজ্ঞে হ্যাঁ ! ওদিকে আমাদের শিবিরের পাশে ঘুরে বেড়াচ্ছিল।

মান। কি কচ্ছিল ওখানে ?

শ্রীমন্ত। আপনাকেই খুঁজছিলাম।

মান। আমাকে খুঁজছিলে ? কে তুমি ?

শ্রীমন্ত। শ্রীমন্ত !

মান। শ্রীমন্ত ?

শ্রীমন্ত। হ্যাঁ। লোকে বলে পাগল !

মান। ও, তুমি শ্রীমন্ত ! চাঁদ রায়ের মেয়েকে তুমিই ঈশা খাঁর হাতে তুলে দিয়েছিলে ?

শ্রীমন্ত। হ্যাঁ—এই—ই আমার পরিচয় !

মান। কেদারকে আয়ত্রে পাব না কেন বলছিলে ?

শ্রীমন্ত। পাবেন না ! কিছুতেই পাবেন না । জলপথে কার্তালো ; জন-  
যুদ্ধে কারো সাধ্য নেই তাকে পরাজিত করে । স্থলপথে মুকুট রায়  
আর মহারাজ নিজে, জয় বিজয় কামান নিয়ে দাঁড়িয়ে ! ভীষণ বাধা !  
কেবল স্বদূর ভাওয়ালের পথ—

সহসা থামিল

মান। ভাওয়ালের পথ ?

শ্রীমন্ত। । হঠাৎ চীৎকার করিয়া ) না, না, না—বিশ্বাস করো না ।  
তুমি পারবে না । পালিয়ে যাও—ভাওয়ালের পথ সব চেয়ে  
সুরক্ষিত ! সব চেয়ে সুরক্ষিত ।

দ্রুত প্রস্থান

মান। ওকে আটক কর রেজাক খাঁ, এই মুহূর্তে ! নইলে ফিরে গিয়ে  
সতর্ক করে দেবে । ত্রিশ হাজার সৈন্য নিয়ে আমি এনেই  
ভাওয়ালের পথে অগ্রসর হচ্ছি ।

রেজাক খাঁ ছুটিয়া বাহির হইয়া গেলেন । দূর হইতে শ্রীমন্তের আকুল

চীৎকার ভ সিয়া আসিতে লাগিল

“আমি পাগল—আমার কথায় বিশ্বাস করো না । আমি পাগল—  
আমায় ছেড়ে দাও ! আমি পাগল !”

## চতুর্থ পর্ব দৃশ্য

শীতল-লক্ষার তীরে সোণাকুণ্ডা দুর্গের সমুখ ভাগ। কাল—অপরাহ্ন। দুর্গের প্রধান দরজা ভিতর হইতে অর্গলবদ্ধ। সেনাপতি মুকুট রায় সসৈন্তে দুর্গ অবরোধ করিয়াছেন কিন্তু কিছুতেই দুর্গ অধিকার করিতে পারিতেছেন না।

কেদার ও মুকুট রায়ের প্রবেশ

কেদার। শয়তান এই দুর্গের নাম রেখেছে সোণাকুণ্ডা দুর্গ ?

মুকুট। হা মহারাজ !

কেদার। আজ দুদিনের ভেতর দখল করতে পার নি ?

মুকুট। না মহারাজ। আজ নিয়ে তিন দিন। এই তিন দিন ধরে অবিশ্রাম যুদ্ধ চলেছে—গোলার আগুনে ঘর-বাড়ী সব পুড়ে ছারখার হয়ে গেছে—বক্তে শীতল-লক্ষার জল লাল হয়ে গেছে ! কিন্তু দুর্গ দখল কিছুতেই করা যাচ্ছে না মহারাজ !

কেদার। কি আশ্চর্য্য মুকুট ! নবাব জশা খা যুদ্ধে হত হয়েছে, তার রাজধানী শিখজিরপুরও আমি দখল করে এসেছি। এ দুর্গ তা হলে রক্ষা করছে কে ? কার্তালো কোথায় ?

কার্তালো জনার পশ্চাতে ছিলেন—সঙ্গে আসিয়া অভিযান করিলেন

কার্তালো। আমি ক্যা করিবে রাজা ? মরদকা সাথ এতনা রোজ কাইট হইয়েছে—বহু আচ্ছা—বিলকুল সাফ করিয়া দিয়াছে। লেকন লেডিকা সাথ ক্যারিসা লড়াই হোবে ?

কেদার। ( মুকুটের প্রতি ) প্রীলোক যুদ্ধ কচ্ছে ?

কার্তালো। ইয়েস্ সিনর ! একঠো লেডি ! ওই আসিয়েতো লড়াই Finish করু দিয়া। No help ! হাম্লোক বসিয়া আছে ! একদম idle !



কেদার। কিন্তু কে সেই জীলোক ?

কাভালো। হাম নেই জান্তা রাজা ! লেকেন্ বহৎ খুব লড়াই করিতে জানে। হামাকে একদম্ puzzle করিয়া দিয়াছে।

কেদার। ৩ নবাবের স্ত্রী ত বহুকাল মারা গেলেন। তার মেয়েও নাসিরাবাদের জঙ্গল-বাড়ীতে পালিয়ে গেছে খবর পাওয়া গেল। কে তবে এই জীলোক—তিন দিন ধরে যে অমানুষিক বীরত্বের সঙ্গে দুর্গ রক্ষা করছে ? তবে কি, তবে কি—

মুকুট। আপনার অহুমান মিথ্যে নয় মহারাজ !

কেদার। সোণা ?

মুকুট। হাঁ মহারাজ !

কেদার। তুমি বলছো কি মুকুট ? সোণা আঘাদের বিরুদ্ধে দাঁড়িয়ে যুদ্ধ করছে ? না, না, মুকুট। এ অসম্ভব !

মুকুট। অসম্ভব নয় মহারাজ ! তিনি ছাড়া আর কেউ হতে পারে না।

কেদার। হতে পারে না !

মুকুট। মহারাজ চাঁদ রায়ের দুর্গ রক্ষা কোশল এখানেও সম্পূর্ণ ভাবে প্রয়োগ করা হয়েছে। আর—আমি নিজের চোখে তাঁকে দেখে পেয়েছি।

কেদার। দেখতে পেয়েছ ? কি কর্জিল ?

মুকুট। সৈন্যদের আশ্বাস দিচ্ছিলেন !

কেদার। বটে ?

মুকুট। হাঁ মহারাজ। দূরের ঐ ঝাউ গাছটার ওপর থেকে দুর্গের ভেতর সব দেখতে পাওয়া যায়।

কেদার। কি আশ্চর্য্য মুকুট ! আমি কেদার রায়—তার কাকা—আমি

এসেছি এই দুর্গ অধিকার করতে, অথচ সে সমস্ত জ্বেনে শুনে আমার বিরুদ্ধে দাঁড়িয়েছে ? এ যে আমি বিশ্বাস করতে পাচ্ছি না !

কার্তালো । ওই লেডি ঈশা খানকা কে আছে কমেণ্ডার ?

মুকুট । ঈশা খাঁর কেউ নয় সাহেব—সে আমাদেরি !

কার্তালো । What ? টুমাদের ? ক্যা তাজ্জবকা বাত ! টুমাদের ও কোন্ আছে ?

কেদার । সে যেই হোক কার্তালো, অবিলম্বে তার হাত থেকে এই দুর্গ আমাদের দখল করতে হবে ।

কার্তালো । But how ? ক্যায়সে হোগা ?

কেদার । যেমন করে হোক । আজই সন্ধ্যার পূর্বে দুর্গ দখল করা চাই ।

কার্তালো । No, No, সে হোবে না রাজা !

কেদার । হবে না ?

কার্তালো । ক্যায়সে হোবে ? একটা ফায়ার করেরা তো পাঁচটে। লেডি আয়কে সাম্নামে খাড়া হইয়ে যাবে । ব্যাস ! What can I do ?

আওরাং কৌ হামি মারিতে জানে না ।

কেদার । না, না—আর দেরি করলে চলবে না মুকুট । তুমি এখনি শিবির থেকে একখানা পত্র লিখে নিয়ে এস । সোণাকে লিখে দাও যে আমি এসেছি দুর্গ দখল করতে ! সে যেন অবিলম্বে দুর্গদ্বার খুলে দেয় ।

মুকুট । পত্র আমি তাঁকে লিখেছিলাম মহারাজ ।

কেদার । লিখেছিলে ?, কি জবাব দিয়েছে ?

মুকুট পত্র খুলিয়া কেদারের হাতে দিতে গেলেন

না, না—তুমি পড়ে শুমাও।

মুকুট। ( পত্র পাঠ করিলেন ) “আমি জীবিত থাকিতে আমার আশ্রয়-  
দাতার দুর্গ পর-হস্তগত হইতে দিব না। শক্তি থাকে অধিকার  
করুন। ইতি—

সোণা।”

কেদার। বটে! এতদূর!

মুকুট। কি উপায় মহারাজ?

কেদার। উপায়? উপায় করতে হবে বৈকি মুকুট! সৈন্যদের ডাক!  
অবিলম্বে দরজা ভাঙতে চেষ্টা কর।

মুকুট। কিন্তু এ যে আমাদের সোণা! আপনার নিজের ভ্রাতুষ্পুত্রী  
মহারাজ?

কেদার। না, না—সে আমার কেউ নয়! কর্তব্যের কাছে বড় কেউ নয়!  
কার্তালো। রাজা! ঐ লেডিকো হামি একদফে দেখিয়াছে। বিজলীকা  
মাফিক! ও মাহুশ নেই আছে রাজা!—Deusa আছে—দেওতা  
আছে! জুলুম মত্ করো রাজা! হামি অহুরোধ করছি?  
Please!

কেদার। জুলুম! জুলুম কার ওপরে করবো কার্তালো? এখনও তুমি  
জান না সে কে! সে আমার সোণা!

কার্তালো। সোণা? I see!

কেদার। আর দেরী করলে চলবে না মুকুট। সৈন্যদের ডাক। সন্ধ্যার  
পূর্বেই এই দুর্গ দখল করতে হবে।

মুকুট। মহারাজ!

কেদার। কথার সময় নেই—তুমি তাদের ডাক।

মুকুট একটু ইতস্ততঃ করিয়া, যেন নিতান্ত অনিচ্ছার সহিত, বাঁশীতে ফুঁ দিলেন।  
অগণিত সৈন্য দুর্গদ্বারে সমবেত হইল। দুর্গাভ্যন্তরেও ভীষণ কোলাহল গোলা  
যাইতে লাগিল।

মুকুট। মহারাজ! মহারাজ! আপনার পায়ে পড়ি, এখনও ক্ষান্ত  
হন—এ নও নিবৃত্ত হন!.

কেদার। ছিঃ মুকুট! তোমার সঙ্গ এত দুর্বল? এত কোমল?  
তুমি বীরত্বের স্পীচা কর? এই তার পরিচয়?

মুকুট। বীরত্বের পরিচয় দেখাব কোথায়, কার কাছে মহারাজ—  
তা কি একবার ভেবে দেংছেন?

কেদার। দেখেছি—দেখেছি মুকুট! যে তোমার কর্তব্যের বিরুদ্ধে  
দাঁড়াবে—তার কাছে। চল—এখনি দুর্গে প্রবেশ করতে হ'বে।

মুকুটের হাত ধরিয়া দুর্গদ্বারের সম্মুখবর্তী হইলেন। তাঁহারা সন্নিহনে দেখিলেন  
সম্মুখেই দুর্গপ্রকারের উপর নিতীক প্রশান্ত মুখে সোণা দণ্ডায়মান।

দ্বার খুলে দাও সোণা! আমরা দুর্গে প্রবেশ করি।

সোণা। শক্তি থাকে প্রবেশ করুন।

কেদার। আজ তোমার মুখে এই কথা সোণা?

সোণা। আশ্চর্য্য হচ্ছেন?

কেদার। আমি এসেছি কাপুরুষ ঈশা থাকে শাস্তি দিতে। যুদ্ধে তাকে  
বধ করে তার রাজধানী খিজিরপুর আমি ধ্বংস করে এসেছি—আর  
তুমি আমারই বিরুদ্ধে দাঁড়িয়ে সেই বিধম্মী ঈশা থার হয়ে যুদ্ধ করছ!  
খুব কীর্তি রাখলে!

সোণা। এ কীর্তি আমার না আপনার কাকামণি?

কেদার। আমার? ছিঃ ছিঃ—তুমি না আমার ভ্রাতৃস্পৃহী?

সোণা। ভ্রাতৃস্পৃহী! আজ এ পরিচয় দিতে আপনার লজ্জাবোধ হচ্ছে না?

আমাকে ভাইবি বলে সম্বোধন করতে আপনার মুখে বাধছে না?

মুকুট। সে যা হবার হয়ে গেছে মা।

সোণা। 'না মুকুটকাকা, এখনও হ'য়ে যায় নি। যে উগ্র বিষ তোমরা

সেদিন টেলেছিলে তার ফল কি এত সহজে শেষ হয়ে যেতে পারে?

আজ কাকামণি আমাকে ভাইবি বলে পরিচয় দিচ্ছেন। সেদিনের

কথা কি এরই মধ্যে ভুলে গেলেন? কি অপরাধ ছিল আমার?

আটদিনের উপবাসী আমি, জনে জনে তোমাদের পায়ে ধরে

কৈদেছি—হাত জোড় করে তোমাদের কাছে দয়া ভিক্ষা করেছি।

আমাকে আশ্রয় দিতে সেদিন ত সাহস হয় নি?

কেদার। অনর্থক তর্ক করে কোন লাভ নেই সোণা।

সোণা। আমি তা জানি কাকামণি। আপনি বলবেন সমাজের ভয়ে

সেদিন আমায় গ্রহণ করতে পারেন নি! কিন্তু আমার কোনও অপরাধ

ছিল কিনা এ কথাটাও একবার খোঁজ করে দেখেছিগেন কেউ?

মুকুট। সেদিন খোঁজ করবার অবসর ছিল না মা।

সোণা। তা ছিল না, কিন্তু একজন নির্দোষকে শাস্তি দেবার অবসর

ত ছিল। বিনা বিচারে বিনা দ্বিধায় তাকে আশ্রয়হীন করে দূরে

দূর করে তাড়িয়ে দেবার অবসর ত ছিল!

কেদার। তুমি তা হলে কিছুতেই আমাদের পথ ছাড়বে না? দুর্গে

প্রবেশ করতে দেবে না?

সোণা। আমি তা পারি না।

কেদার। পার না?

সোণা। না—কিছুতেই না! এ যে আমার আশ্রয়দাতার দুর্গ! আমার নিতান্ত দুর্দিনে নবাব দ্বেশা খাঁ দয়া করে আমার আশ্রয় দিয়েছিলেন, আমার মান রেখেছিলেন—তিনি আজ বেঁচে নেই বলে আমি কি পারি তাঁর দুর্গ শত্রুর হাতে তুলে দিতে? আমি যে চাঁদ রায়ের কণ্ঠা—তোমারই ভ্রাতুষ্পুত্রী কাকামণি!

কেদার। পারবে তুমি আমার হাত থেকে দুর্গ রক্ষা করতে?

সোণা। চেষ্টা আমাকে করতেই হবে!

কেদার। সেই চেষ্টাই তবে কর। আর বিলম্ব করো না মুকুট, দুর্গ আক্রমণ কর!

সোণা। আপনি তা পারবেন না।

কেদার। আমি এখনো বলছি সোণা। যদি বাঁচতে চাও—

সোণা। বাঁচতে আমি চাই না কাকামণি, আমি মরতেই চাই। কিন্তু আমি আবার বলছি কাকামণি, দুর্গ জয়ের আশা আপনি ত্যাগ করুন। আপনি পারবেন না।

কেদার। পারি কিনা তাই দাঁড়িয়ে দেখ।

সোণা। এ শুধু ইট পাথরের তৈরী দুর্গ নয় কাকামণি! এর প্রত্যেক প্রাচীরের উপর রাশি রাশি বারুদ, সংগ্রহ করে রাখা হয়েছে। আমার এক ইঞ্চিতে মুহূর্তের মধ্যে দাউ দাউ করে আগুন জলে উঠবে! সমস্ত পুড়ে ছাই হয়ে যাবে! বুঝা চেষ্টা!!

কেদার। তাই যাক—মুকুট! কার্তালো! একসঙ্গে দুর্গে প্রবেশ কর। জয় মা ভবানী!

সোণা। আমি বেঁচে থাকতে কারও সাধ্য নেই আমার আশ্রয়দাতার দুর্গে প্রবেশলাভ করে।

দ্রুতপদে সোণা প্রাকার হইতে নামিয়া গেলেন। 'কেদারের সৈন্তদল হুক্কার করিয়া দরজার উপর লাফাইয়া পড়িল। দুর্গের ভিতর সহসা আগুন জ্বলিয়া উঠিল। কোলাহল ক্রমেই বাড়িতে লাগিল, দেখিতে দেখিতে আগুনের শিখা চতুর্দিকে ছড়াইয়া পড়িল। দুর্গের প্রাকার ভাঙিয়া পড়িতে লাগিল। কেদার স্তব্ধভাবে সেদিকে চাহিয়াছিলেন। সহসা একটি অলস প্রাকারের উপর সোণাকে দেখিতে পাইয়া উন্নতের স্থায় চীৎকার করিয়া উঠিলেন

কেদার। সোণা! 'সোণা! ক্ষান্ত হ, ক্ষান্ত হ, রাক্ষুসি! আমি চাই

না—দুর্গ অধিকার কর্তে চাই না!

সোণা। কাকামণি, এই তোমার কীৰ্ত্তি! তোমার সমাজের কীৰ্ত্তি!

সোণা আগুনের ভিতর লাফাইয়া পড়িলেন

## পঞ্চম অঙ্ক

### প্রথম দৃশ্য

শ্রীপুরের উপকণ্ঠে নদীতীর। কাল—প্রাতঃ। কেদার ও মুকুট দাঁড়াইয়াছিলেন।

কেদারকে অভ্যন্ত চিন্তিত এবং অবসর বোধ হইতেছিল। মুকুট তাঁহাকে কি

যেন বলিতে গিয়া প্রথমে ইতস্ততঃ করিলেন, পরে কহিলেন—

মুকুট। মোগলকে আর অগ্রসর হতে দেওয়া উচিত হবে না মহারাজ !

পদ্মার এ পারে যদি কোন রকমে ওরা আসতে পারে, ওদের বাধা দেওয়া কঠিন হয়ে দাঁড়াবে !

কেদার। অত ব্যস্ত হলে চলবে না মুকুট ! এবার কিলমক্ থা নয়—

সেনাপতি মানসিংহ, নিজেকে ! আমাদের খুব সাবধানে কাজ করতে হবে।

মুকুট। তা বটে ! তবে—

কেদার। মানসিংহ বিশেষ বিবেচনা না করে পদ্মা পার হতে চেষ্টা

করবেন না। আমার ধারণা, ফতেজঙ্গপুরে ছাউনি ফেলে তিনি আমাদের আক্রমণেরই প্রতীক্ষা করছেন।

মুকুট। আমরা আগে আক্রমণ করি, এই কি তাঁর ইচ্ছা ?

কেদার। আমার ত মনে হয়, সেই সুযোগই তিনি খুঁজছেন ! তা

নইলে শিবিরে বসে বসে একদিন তিনি এদেশের জল হাওয়া

উপভোগ করছেন, তাও ত বিশ্বাস হয় না মুকুট !

মুকুট। তিনি বোধ হয় ভেবে রেখেছেন যে, আমাদের সৈন্য পদ্মা পার

হবার চেষ্টা করলেই, মধ্যপথে আমাদের আক্রমণ করে বিধ্বস্ত

করে দেবেন।



কেদার। কিন্তু আমরা তা করব না মুকুট! আমরা তাঁর আক্রমণেরই প্রতীক্ষা করব। নদীর এ পারে আমাদের কতগুলি কামান সজ্জিত আছে? মুকুট। চর-শক্তিপুর থেকে রাজাগ্রাম পর্য্যন্ত পাঁচ ক্রোশের ভেতরে আমি দু'শ শতী কামান শ্রেণীবদ্ধ করেছি। আর তার পেছনে আছে আরও একশ'। পদ্মা পার হবার চেষ্টা করলে মোগলের অবস্থা খুবই শোচনীয় হবে মহারাজ!

কেদার। হুন্দরবনের পথও আমাদের বেশ হ্রস্কিত। কি বল মুকুট? মুকুট। নিশ্চয়ই। জলযুদ্ধে পশ্তুগীজ সৈন্য অদ্বিতীয়।

কেদার। তবু তাদের সাহায্য করবার জন্ত কালু সর্দারের অধীনে আরও পাঁচ হাজার তীরন্দাজ সৈন্য পাঠিয়ে দাও।

মুকুট। যে আজ্ঞে।

কেদার। আজই তারা যাত্রা করুক।

মুকুট। আদেশ প্রতিপালিত হবে মহারাজ!

কেদার। কিন্তু ভাওয়ালের পথ?

মুকুট। কালিদাস ঢালী দু'হাজার সৈন্য নিয়ে সেখানে রওয়ানা হয়েছে। মহারাজ। যদি অহুমতি করেন ত আরও সৈন্য পাঠাই।

কেদার। আরও সৈন্য পাঠাবে! (ক্ষণেক চিন্তার পর) না, না, কোন প্রয়োজন নেই মুকুট! ওদিকে মোগল যাবে না।—সেনাপতি!

মুকুট। আদেশ করুন মহারাজ!

কেদার। তোমার সৈন্যদল আমি আজ পরিদর্শন করবো কথা ছিল না?

মুকুট। তারা মহারাজকে অভিবাদন করবার জন্ত অপেক্ষা কচ্ছে।

## পটপরিবর্তন

প্রান্তর-মধ্যে শ্রেণীবদ্ধভাবে সৈন্তগণ দাঁড়াইয়া রহিয়াছে ।  
মুকুট ইঙ্গিত করিলেন, সৈন্তগণ গাহিতে লাগিল

গান

উতল আকাশ উতল বাতাস  
উতল আজি ধরণীতল—  
ছুটে চল, ওরে ছুটে চল !  
বাঙলার ঘারে অরতিচয়—  
কিসের হুং কিসের ভয় ?  
হেলায় সব করে মৃত্যুজয়—  
বক্ষে জাগাও নবীন বল  
ছুটে চল, ওরে ছুটে চল !  
শান্তি জামলা জননী মোদের  
শীর্ষে দাঁড়ায়ে হিমাচল  
স্বর্থ চল পরায় কিরীট  
ধোয়ায় চরণ সাগর জল ।  
ছুটে চল ওরে ছুটে চল !

মুকুট । বন্ধুগণ, তোমাদের সোণার বাঙলা আজ অত্যাচারী মোগল  
গ্রাস করতে এসেছে, তাদের দিতে হবে শাস্তি ! তাদের দিতে হবে  
জানিয়ে যে, বাঙালী দুর্বল ইস্তে অস্ত্র ধারণ করে না—তারা তাদের  
দেশের জন্ত প্রাণ দিতে পারে ! তারা তাদের মায়ের সম্মান রক্ষা  
করতে জানে !

সৈন্তগণ । জয় বাঙলা মায়ের জয় ! জয় মহারাজ কেদার রায়ের জয় ।

কেদার। তোমরা সকলে মনে রেখো, বাঙলা দেশ একা আমার নয়!

এ তোমাদের প্রত্যেকের! এ তোমাদের জন্মভূমি, তোমাদের মাতৃভূমি! তোমাদের এই যুদ্ধ কোনও জাতির বিরুদ্ধে কোন জাতির নয়—এক ধর্মের বিরুদ্ধে অন্য ধর্মের নয়! তোমরা চলেছ আজ মোগলের অত্যাচার দমন কর্তে—মোগলের গ্রাস থেকে তোমাদের দেশের, তোমাদের মায়ের ইজ্জত বাঁচাতে!

মুকুট। জয় বাঙলা মায়ের জয়!

সৈন্যগণ। জয় বাঙলা মায়ের জয়।

মুকুট। জয় মহারাজ কেদার রায়ের জয়!

সকলে। জয় মহারাজ কেদার রায়ের জয়!

কেদার। আজ আমাদের আশা হচ্ছে মুকুট—হয় ত আমার আজন্মের সাধনা মা ভবানীর কৃপায় সিদ্ধিলাভ করবে!

মুকুট। কেন করবে না মহারাজ? সাধনা করলে সিদ্ধিলাভ হতেই হবে!

জনৈক গ্রহরীর ছুটিয়া প্রবেশ

সৈন্য। মহারাজ! সর্বনাশ হয়েছে! ভাওয়ালের পথে মোগল সৈন্য আক্রমণ করেছে!

কেদার। ভাওয়ালের পথে!

সৈন্য। কালিদাস ঢালী আহত—মোগল শ্রীপূর্বের দিকে ছুটে আসছে।

মুকুট। যা আশঙ্কা করেছিলাম মহারাজ! উপায়?

কেদার। কোন চিন্তা নেই মুকুট! তুমি এখানেই থাক, নগর রক্ষা কর! আমি নিজে যাচ্ছি মোগলকে বাধা দিতে। জয় মা ভবানী!

জয় মা ভবানী!

## দ্বিতীয় দৃশ্য .

শ্রীপুর রাজপ্রাসাদের একটি কক্ষ । কাল—অপরাহ্ন । মুকুট এবং

বিশ্বনাথ কথা কহিতে কহিতে প্রবেশ করিলেন

মুকুট । তাই ত বিশ্বনাথ ! আজও ত ভাওয়ালের কোনও খবর এল না, এত বিলম্ব হচ্ছে কেন ?

বিশ্ব । দুদিন কোন সংবাদ আসে নি—আজ ত নিশ্চয় আসা উচিত !

মুকুট । কিন্তু এখনও ত এল না ? সন্ধ্যা যে হয়ে এল ! আমি স্থির হতে পারছি না বিশ্বনাথ ! আজ দুদিন ধরে কোন খবর নেই ! কি করা যায় বল ত ?

বিশ্ব । তবে কি আর একজন লোক পাঠাবেন ? এ ভাবে নিশ্চেষ্ট হয়ে বসে থাকারও ত উচিত নয় !

মুকুট । একটা কাজ করব বিশ্বনাথ ? আমি নিজে যাব সেখানে ?

বিশ্ব । আপনি নিজে ?

মুকুট । হ্যাঁ, আরও পাঁচ হাজার সৈন্য নিয়ে ?

বিশ্ব । কিন্তু মহারাজের ত সে ইচ্ছা ছিল না ! তিনি যে যাবার সময় আপনাকে শ্রীপুর-রক্ষার ভার দিয়ে গেছেন । তাঁর ইচ্ছার বিরুদ্ধে আপনি সেখানে যাবেন ?

মুকুট । তাও ত বটে ! কিন্তু—

বিশ্ব । বিশেষতঃ শ্রীপুরের ভার কার উপর দিয়ে যাবেন ? রাজধানীতে ত কেউ উপস্থিত নেই—একমাত্র কার্তালো সাহেব । কিন্তু সেও ত শুনেছি কাল সন্ধ্যাবেলাই হৃন্দরবনের পথে যাত্রা করছে !

মুকুট । আমি কি করব কিছুই স্থির করতে পারছি না । যুদ্ধের সংবাদের

জগা আমার মন বড় চঞ্চল হয়ে পড়েছে। আমি এখনও বুঝতেই পারছি না বিশ্বনাথ—মহারাজ কেন আমাকে না পাঠিয়ে মাত্র পাঁচ হাজার সৈন্য নিয়ে নিজে গেলেন মোগলকে বাধা দিতে!

বিশ্ব। তাঁর মনের কথা তিনিই জানেন! নিশ্চয়ই তাঁর কোন উদ্দেশ্য ছিল।

মুকুট। ওদিকে যুদ্ধ হচ্ছে—আর এখানে চুপ করে বসে থাকতে আমার মোটেই ভাল লাগছে না।—এই যে!

জনৈক গুপ্তচরের প্রবেশ

মুকুট। কিছু খবর আছে?

চর। আমাদের সৈন্তেরা ভীষণ ভাবে মোগলকে বাধা দিচ্ছে। কিন্তু একটা বড় দুঃসংবাদ আছে।

মুকুট। দুঃসংবাদ!

চর। আজ্ঞে হ্যাঁ। ভাওয়ালের ভূঁইঞা সাহেব মোগলের সঙ্গে যোগ দিয়েছে।

মুকুট। কে? ফজল গাজী?

চর। আজ্ঞে হ্যাঁ।

মুকুট। তার উপযুক্ত কাজই সে করেছে। ছিঃ ছিঃ ছিঃ! অথচ মৌখিক সে আমাদের কত সহানুভূতিই না দেখিয়েছে!

চর। মোগল যখন প্রথম ভাওয়ালের পথে আক্রমণ করে, তখন তিনি নিরপেক্ষ ছিলেন। কিন্তু এখন তিনি প্রকাশ্যভাবে তাদের সাহায্য করছেন।

বিশ্ব। ফজল গাজী বরাবর স্বার্থপর ছিল। চতুর মানসিঃ ঠিক চিনতে

পেরেছে ! বোধ হয় তাকে খুব বড় যকমের একটা লোভ দেখিয়েছে ।

মুখ বুঝলে না, দেশের কি সৰ্কর্নাশ সে করলে !

মুকুট । আচ্ছা ! তুমি যাও—বিশ্রাম কর গে ।

গুপ্তচরের প্রস্থান

বিশ্ব । তাই ত ! মহারাজের সঙ্গে মোটে পাঁচ হাজার সৈন্য !

মুকুট । মোটে পাঁচ হাজার ! অথচ মোগলের সৈন্যবল কত, আমরা

কিছুই জানি না । আর আমার এখানে বসে থাকা উচিত নয়

বিশ্বনাথ ! আমি কাল সকালেই যাত্রা করব ।

নারায়ণ রায়ের প্রবেশ

নারায়ণ । মুকুটকাকা ! যা শুন্লাম, একি সত্যি ? গুজ্জীসাহেব  
মোগলের সঙ্গে যোগ দিয়েছে ?

মুকুট । সত্য কথা কুমার । আমি কাল সকালেই আরও পাঁচ হাজার  
সৈন্য নিয়ে ভাওয়াল যাচ্ছি । শ্রীপুর রক্ষার ভার, এখানকার সম্পূর্ণ  
দায়িত্ব, তোমার উপরেই রইল কুমার ।

নারায়ণ । তাই হবে কাকা, আপনি নিজেই যান । আমার যেন কেমন  
ভাল মনে হচ্ছে না ।

গুপ্তচরের পুনঃ প্রবেশ

চর । রাজকুমার ! রাজকুমার ! সেনাপতিমশাই !

মুকুট । কি ? সংবাদ কি ? তুমি অমন কর্ছো কেন ?

চর । সেনাপতিমশাই—স—সৰ্কর্নাশ হয়েছে । এইমাত্র সংবাদ পেলাম,  
মহারাজ বন্দী !

মুকুট । এ্যা । সে কি ?

বিশ্ব । সে কি ? মহারাজ বন্দী ?

সুনন্দা ও রত্নার প্রবেশ

সুনন্দা। কি হয়েছে মুকুট ?

নারায়ণ। সর্বনাশ হয়েছে মা। বাবা মোগলের হাতে বন্দী।

সুনন্দা। কি ? কি বললে ? কে বন্দী ?

নারায়ণ। বাবা বন্দী।

সুনন্দা। মুকুট, নারায়ণ—তোমরা সব এখনি রওনা হও, দেবী করলে

কিছুতেই আর তোমরা মহারাজকে ফিরিয়ে আনতে পারবে না।

প্রতাপাদিত্যকে বন্দী করে দিল্লী পাঠিয়েছিল ! ঠুকেও হয় ত

মানসিংহ সেখানেই পাঠাবে। হয় ত পথের মাঝে মনের দুঃখে

আত্মহত্যা করবেন ! আর তাঁকে আমরা ফিরে পাব না।

মুকুট। ফিরে তাঁকে পেতেই হবে মা। বাঙলার প্রাণ—বাঙলার

সর্বস্ব ! আমাদের প্রাণ দিয়ে, সর্বস্ব দিয়েও যে তাঁকে ফিরে পেতে

হবে। এই—কার্ভালো সাহেবকে ডাক। বলবি বিশেষ প্রয়োজন !

গুপ্তচরের প্রস্থান

সুনন্দা। মা ভবানী ! তোর মনে এই ছিল মা ?

রত্না। মুকুটকাকা !

মুকুট। মা !

রত্না। আর আমাদের কি কোন আশাই নেই মুকুটকাকা ?

মুকুট। আশা ? আর আশা কই মা ? বাঙলার শেষ প্রদীপটি যে

আজ নিভে গেল।

সুনন্দা। আজ ত্রীপুরের রাজা বন্দী হয়েছেন বলে, সমস্ত ত্রীপুর রাজ্যটাই

কি মোগল দখল করে নিয়েছে ? ত্রীপুরবাসীরা কি এতই হীনবল

যে আজ তাদের রাজাকে মোগলের হাতে বন্দী অসহায় রেখে,

নিজেদের প্রাণ বাঁচাবার জন্ত তারা গিয়ে মানসিংহের পায়ে লুটিয়ে পড়বে ?

মুকুট। আমাকে বৃথা তিরস্কার কর্ছো মা ! শ্রীপুরবাসীরা কাপুরুষ কিনা, কার্ল প্রাতেই তার পরিচয় মোগল পাবে !

বিশ্ব। এই যে সাহেব আসছে !

সুনন্দা ও রত্নার প্রস্থান

মুকুট। কি আর বলব বিশ্বনাথ ! দৈব প্রতিকূল ! বাঙলার উপর ভগবান অগ্রসর ! তা নইলে, শ্রীমন্ত খাঁ বিশ্বাসঘাতকতা করবে কেন ? ভাওয়ালের ফজল গাজী মোগলের সঙ্গে যোগ দেবে কেন ? মহারাজই বা মোগলের হাতে এভাবে বন্দী হবেন কেন ?—সাহেব !

কার্তালোর প্রবেশ

কার্তালো। গুড-আক্টিংস হুন কমেণ্ডার। হোয়াট নিউস্ ? ক্যা খবর ? মুকুট। ভয়ানক দুঃসংবাদ সাহেব।

কার্তালো ! What ?

মুকুট। মহারাজ মোগলের হাতে বন্দী !

কার্তালো। What ? বন্দী ? তুমি কি বলিতেছ ?

মুকুট। 'সত্যকথা সাহেব ! এইমাত্র খবর এসেছে মানসিংহ মহারাজকে বন্দী করেছে।

কার্তালো। আঃ Dam you, মানসিংহ। That villain !

মুকুট। হুন্দরবনে কাল তোমায় ফিরে যেতে হবে না সাহেব ! তোমার সমস্ত সৈন্য নিয়ে এখনি দিল্লীর পথ আটকাও।

কার্তালো। দিল্লী ?

মুকুট। হাঁ, দিল্লীর পথ। মহারাজকে তারা দিল্লী নিয়ে যাবার চেষ্টা



করবে নিশ্চয়। পথের মাঝে তুমি তাদের উপর ঝাঁপিয়ে পড়বে।  
মহারাজকে ফিরিয়ে আনা চাই।

কার্তালো। Grand idea ! I understand !

মুকুট। আমি আর বিশ্বনাথ চললাম ভাওয়ালের পথে ! তুমিও যাও  
বিশ্বনাথ, অবিলম্বে সৈন্যদের প্রস্তুত হতে আদেশ দাও ! যাও কুমার !  
বিশ্ব। কত সৈন্য ?

মুকুট। দশ হাজার ! না, না—সমস্ত সৈন্য—পঁচিশ হাজার !

নারায়ণ ও বিশ্বনাথের প্রস্থান

মুকুট। বিলম্বে সব পণ্ড হবে সাহেব ! তুমি এখনি রওনা হও !

কার্তালো। Just now—

ছুটিয়া শ্রীমন্তের প্রবেশ

শ্রীমন্ত। কেউ জানে না, কেউ জানে না। আমি জানি। কেবল  
আমি জানি।

কার্তালো। এইও—চোপারও উল্লু !

মুকুট। এই যে সে বিশ্বাসঘাতক ! শত্রুকে ভাওয়ালের গুপ্ত পথের  
সন্ধান বলে দিয়ে—

শ্রীমন্ত। দোহাই সেনাপতিমশাই—আমায় বিশ্বাস করুন। আমি ইচ্ছে  
করে বলি নি। হঠাৎ মুখ দিয়ে বেরিয়ে গিয়েছিল—জগদীশ্বর  
সাক্ষী ! অহুশোচনার জ্বালায় এই দেখুন, জিভটা আমার কামড়ে  
থেন্টো করে ফেলেছি ! সাহেব ! সাহেব ! পারবে ? পারবে  
তুমি মহারাজকে বাঁচাতে ? আমি জানি কোথায় রেখেছে।

মুকুট। কোথায় ? কোথায় তাঁকে রেখেছে শ্রীমন্ত ?

শ্রীমন্ত । ফতেজঙ্গপুরে ! একটা ভাঙা বাড়ীতে । চারিদিকে জল ।  
কড়া পাহারা ! ভীষণ পাহারা ! আমায় আটকে রেখেছিল !  
আমি পালিয়ে এসেছি ! কি হবে সাহেব ?

মুকুট । 'সাহেব !

কার্তালো । তা হামি কি করবে ? হামকো জঙ্গলমে রাখ দিয়া—  
লড়াইকা কাম ত দিয়া নেই ! হামার রাজাকে বন্দী করেছে,—  
আতি বলছে সাহেব কি হবে ! হামি কি করবে, হামি কি করবে !

শ্রীমন্ত । তা হলে কি কোন উপায় নেই ? কি হবে সেনাপতি মহাশয় ?  
কার্তালো । এই, তুমি জানে কাঁহা রেখেছে ?

শ্রীমন্ত । জানি, জানি, চলুন—আমি পথ দেখিয়ে নিয়ে যাচ্ছি । আমি  
পথ দেখিয়ে নিয়ে যাচ্ছি !

কার্তালো । জলদি চলে !

উভয়ের প্রস্থান

### তৃতীয় দৃশ্য

বিক্রমপুরের উপকণ্ঠে মানসিংহের অধিকৃত ফতেজঙ্গপুরে একটি গৃহে

কেদার রায় বন্দী । তিনি উন্নতের স্থায় ঘরের মধ্যে

ঘুরিয়া বেড়াইতেছেন

কেদার । আমার জীবন-ব্যাপী আশার আজ চির সমাধি ! মা বঙ্গভূমি !  
আমার অপরাধ নিও না মা, আমি তোমার অকৃতি সন্তান ! শুধু  
একটা ভুলের জন্য আমি পারলাম না মা আমার অভিলাষ পূর্ণ করতে  
—অত্যাচারী মোগলের কবল থেকে আমায় মুক্ত করতে ! ওঃ !

নীরবে ঘুরিয়া বেড়াইতে লাগিলেন, কিছুক্ষণ পরে কহিলেন—

আমায় মুক্ত করে দে মা, আমায় মুক্ত করে দে! শত্রুর কবল থেকে একবার আমায় মুক্ত করে দে!

মানসিংহের প্রবেশ

মান। মুক্তি আপনি এই মুহূর্তেই পেতে পারেন রাজা! আপনি বলুন, আপনি মুক্তি চান?

কেদার। উপহাস আমায় আপনি করতে পারেন মানসিংহ! কারণ অদৃষ্টের বলে আজ আপনি জয়ী, আর আমি বিজিত! কিন্তু এও আপনি স্থির জানবেন সেনাপতি, দৈহিক শক্তির সাহায্যে বিজিতের দেহটাকেই শুধু জয় করা যায়, কিন্তু তার মন থাকে চির অজেয়—চির মুক্ত!

মান। আপনি আমায় ভুল বুঝলেন রাজা! আপনার দেহ নয়, আমি জয় করতে চাই আপনার মন! আমরা চাই আপনার বন্ধুত্ব। আপনি স্বীকৃত হন! আমি বীরত্ব বুঝি, মহতের মহত্ব বুঝি। আমি ইচ্ছা করি না যে, আপনার জায় একটা মুহূর্ত প্রাণ এভাবে নষ্ট হয়ে যায়।

কেদার। এ প্রাণের তা হলে আর মূল্য কি রইল সেনাপতি? যদি তার স্বাধীনতাই গেল, তা হলে তার আর রইল কি! মানসিংহ, আপনি জানেন না বাঙালী আমার কে! এই সোণার বাঙলা আমার কি! যদি তা জানতেন, তাহলে আপনি আমাকে যোগলের বশতা স্বীকার করবার জন্ত অহুরোধ করতে আসতেন না।

মান। আমি জানি রাজা!

কেদার। কতটুকু জানেন সেনাপতি? কতটুকু জানেন? আপনি

জানেন আমার এই দেহ কি দিয়ে তৈরী ? বাঙলার মাটি, বাঙলার জল, বাঙলার হাওয়া, বাঙলার ফল ! প্রতি লোমকূপে অগুপরমাণুরূপে ভরা আছে, বাঙলার পবিত্র ধূলো, আমার এই শিরে মাখা আছে বাঙলা-মায়ের পুত আশিস-চুষন ! আমি কি পারি সেনাপতি, বাঙলার সর্বনাশ করতে ?

মান। চেষ্টার ত ক্রটি করেন নি রাজা ! কিন্তু পারলেন কি বাঙলা রক্ষা করতে ?

কেদার। সে কথায় আর দরকার কি সেনাপতি ? আপনার ভাগ্য সুপ্রসন্ন, তাই স্বশোর জয় করতে আপনি পেয়েছিলেন—ভবানন্দ মজুমদারকে, আর শ্রীপুরে এসে পেয়েছেন—শ্রীমন্ত খাঁকে ! আজ এত পরাজয়ের জন্ত আমি নিজেও কম দায়ী নই। নইলে তিন দিক স্বরক্ষিত করে শুধু ভাওয়ালকেই বা অবহেলা করেছিলাম কেন ?

মান। শুধু আপনাকেই বন্দী করেছি, কিন্তু আপনার শ্রীপুর জয় এখনও করতে পারি নি রাজা ! এই দু'দিন ধরে যোগল-সৈন্ত যথাসাধ্য চেষ্টা করেও আপনার শ্রীপুরের ত্রিসীমানায়ও যেতে পারে নি।

কেদার। সত্য ! সত্য কথা মহারাজ ? আমার শ্রীপুর—আমার সাধের শ্রীপুর তা হলে এখনও মাখা নোয়ায় নি ? শ্রীপুর আমার এখনও বেঁচে আছে ?

মান। আছে, তবে আর বেশাদিন বেঁচে থাকবে না। আমি এখন চল্লাম রাজা ! আপনি স্থির চিন্তে চিন্তা করে দেখুন ! কাল প্রাতে আপনার শেষ উত্তর চাই।

কেদার। আমার শ্রীপুর তা হলে এখনও মৌগলের কাছে মাথা নত করে নি! আমায় একবার মুক্ত করে দে মা। একবার মুক্ত করে দে! আমিও একবার গিয়ে তাদের বৃকে ঝাঁপিয়ে পড়ি। বাঙলার নাম বাঁচাই। পিশাচের হাত থেকে আমার জন্মভূমিকে—  
একি! একি! গুপ্তঘাতক!!

পশ্চাতে গৃহের জানালায় দেখা গেল, দুইখানা হাত লোহার গরাদ ভাঙিবার চেষ্টা করিতেছে। কেদার স্থিরদৃষ্টিতে সেইদিকে চাহিয়াছিলেন। জানালার গরাদ ফাঁক হইয়া গেল; সেখানে ভাসিয়া উঠিল একখানা মুখ—কেদারের খুবই পরিচিত! তিনি আনন্দে চীৎকার করিয়া উঠিলেন—

“কার্তালো! আমার কার্তালো!”

কার্তালো। চুপ!

কার্তালো ভিতরে প্রবেশ করিলেন

কেদার। এখানে কি করে এলে কার্তালো?

কার্তালো। বহুং চেষ্টা করিয়া আসিতে পারিয়াছে! No, No, কুছ, বাৎ মাৎ করো রাজা!

কেদার। চারিদিকে প্রহরী! কেমন করে তুমি এলে কার্তালো?

কার্তালো। বারোটা আদমীকে হত্যা করিয়া তবে আসিতে পারিয়াছে।

হামার হাত পাক্‌ড়ো রাজা, আউর দেবী করিবে না! বিলকুল ম্যাসাকার হইয়া যাবে! Come on!

কার্তালো কেদারের হাত ধরিয়া বাহির হইয়া গেলেন—জনকয়েক মৌগল সৈন্য বাধা

দিতে আসিল, কিন্তু কেদার ও কার্তালো তরবারির সাহায্যে তাদের বধ

করিয়া দ্রুতপদে ছিপে গিয়া উঠিলেন। ছিপ অদৃশ্য হইয়া গেল

## চক্ৰবৰ্ত্তী দৃশ্য

মানসিংহের শিবির। কাল—প্রত্যুষ। মানসিংহ ও রেজাক থাঁ

উত্তেজিত ভাবে কথা কহিতে ছিলেন

মাম। কেদার রায় এ ভাবে পালিয়ে যাবে, এ আমি স্বপ্নেও ভাবি নি  
রেজাক থাঁ!

রেজাক। আশ্চর্য্য মহারাজ! আমাদের বারোজন সেনানীকে হত্যা  
করে সে বেরিয়ে চলে গেল, কেউ তাকে বাধা দিতে পারলে না!

মান। বাঙলা জয় আমার দ্বারা হবে না রেজাক থাঁ। জীবনে বহু যুদ্ধ  
করেছি—বহু দেশ জয় করেছি, মোগলের সিংহাসন স্বেচ্ছা করে  
দিয়েছি। কিন্তু বাঙলা দেশ আমাকে আশ্চর্য্য করে দিয়েছে।

রেজাক। সামান্য একটা ভূইঞা রাজার এত ক্ষমতা, এ যে ধারণা করা  
যায় না মহারাজ!

মান। সামান্য নয়, সামান্য নয় রেজাক থাঁ! এ তোমার ভুল।  
প্রতাপাদিত্যকেও প্রথমে আমরা সামান্য মনে করেছিলাম। তার  
কথাও একবার স্মরণ করে দেখ!

রেজাক। আমরাও ত প্রস্তুত হয়েই এমেছি মহারাজ! প্রতাপাদিত্যকে  
জয় করতে যত সৈন্য এনেছিলেন, এবারই এনেছেন তার দ্বিগুণ।

মান। কিন্তু তাতেও সকলকাম হতে পারছি কই? দশ হাজারেরও  
বেশী সৈন্য ইতিমধ্যে হারাতে হয়েছে। যদিও বা বহু আঁগাসে কেদার  
রায়কে বন্দী করেছিলাম—তাও শেষ রক্ষা হলো না। আমাদের  
চোখে ধূলো দিয়ে সে পালিয়ে গেল। এবার আর তাকে আয়ত্বে  
পাওয়া খুব সহজ হবে মনে করো না।

রেজাক । কিন্তু এভাবে আমাদের পুনঃ পুনঃ আক্রমণের বেগ কতদিন  
সে সহ্য করতে পারবে ? ধরা তাকে দিতেই হবে ।

মান । রেজাক থা !

রেজাক । মহারাজ !

মান । দৈববল আমার বিশ্বাস হয় না ! কিন্তু—

রেজাক । দৈবকে বিশ্বাস করে, যে অক্ষম—যে দুর্বল !

মান । আমারও এতদিন তাই বিশ্বাস ছিল রেজাক থা । কিন্তু সে  
ধারণা আমার বদলে যাচ্ছে ।

রেজাক । একমাত্র পুরুষকারের উপর নির্ভর করে যে মহাবীর  
মানসিংহ আজীবন যুদ্ধ করে বহু দেশ জয় করেছেন—

মান । হ্যাঁ হ্যাঁ, তুমি বলতে চাও আমার দুর্বলতা ?

রেজাক । মহারাজ মানসিংহের হৃদয়ে দুর্বলতা স্থান পেয়েছে, একথা  
বিশ্বাস করতে আমার প্ররতি হচ্ছে না ।

মান । এ আমার দুর্বলতা নয় রেজাক থা ! দুর্বলতা নয় ! বাংলাদেশ  
জয় করবো এ সঙ্কল্প আমার এখনও আছে, এবং চিরকালই থাকবে !  
কিন্তু দৈববলের কথা আজ হঠাৎ আমার মনে উদয় হয়েছে তার অণু  
কারণ আছে !

রেজাক । আমার কৌতূহল নিবারণ করুন মহারাজ !

মান । সেদিন শ্রীমন্ত হঠাৎ খেয়ালের কোঁকে আমার বলেছিল—অষ্টভুজা  
শিলামূর্তিই নাকি কেদার রায়ের বিজয়লক্ষ্মী ! যতদিন সেই মূর্তি  
রাজভবনে অধিষ্ঠিত থাকবেন, ততদিন স্বয়ং শয়তানেরও নাকি সাধ্য  
নেই কেদার রায়কে যুদ্ধে পরাজিত করেন ।

রেজাক । শ্রীমন্তের কথা ত অবিশ্বাস করা যায় না মহারাজ ! খেয়ালের

ঝোঁকে বলেছে বলেই আরও বিশ্বাসযোগ্য। ভাওয়ালের পথ  
 , অবক্ষিত এ কথাও ত সে খেয়ালের ঝোঁকেই বলে ফেলেছিল।

মান। হ্যাঁ, তারপরেও দুদিন আমি শ্রীমন্তকে শিলামূর্তি সম্বন্ধে প্রশ্ন  
 করেছি! কিন্তু কোন জবাব পাই নি।

রেজাক। তা হলে আর কালবিলম্ব না করে শিলামূর্তি—

মান। ব্যস্ত হয়ে না, আমি সে ব্যবস্থা ইতিপূর্বেই করেছি। পচিশজন  
 হিন্দু সেনানীকে ছদ্মবেশে কেদার রায়ের মৈত্রদলে যোগদান করতে  
 পাঠিয়েছি—দেবীমূর্তি মন্দির থেকে নিয়ে আসবার জগা। তারা শুধু  
 সুযোগের অপেক্ষায় আছে।

রেজাক। মূর্তি কি নদীগর্ভে বিসর্জন দিতে আদেশ দিয়েছেন?

মান। না, না, কেদার রায়ের অনিষ্টসাধন করতে গিয়ে আমি নিজের  
 — অমঙ্গল করতে পারি না রেজাক খাঁ! মূর্তি আমার শিবিরে নিয়ে  
 আসবে। আমি দেশে নিয়ে যাব।

রেজাক। দেশে নিয়ে যাবেন?

মান। হ্যাঁ, আমার প্রাসাদে বিজয়লক্ষ্মী প্রতিষ্ঠা করব। আমি নিজে  
 — পূজা করব।

গুপ্তচরের প্রবেশ

চর। কার্য্য সুসম্পন্ন হয়েছে মহারাজ!

মান। তারা নির্বিঘ্নে ফিরে এসেছে?

চর। হ্যাঁ, মহারাজ! শিলামূর্তি পাশের শিবিরে রাখা হয়েছে। আর  
 কালু সর্দার সদলবলে যুদ্ধে নিহত হয়েছে!

মান। অত্যন্ত শুভ সংবাদ। তুমি যাও, পুরস্কার পাবে।

গুপ্তচরের প্রস্থান



মান। রেজাক খাঁ।

রেজাক। মহারাজ!

মান। বিজয়লক্ষ্মী আমার শিবিরে আসার সঙ্গে সঙ্গেই তাঁর প্রভাব  
ফলতে আরম্ভ হয়েছে। আমি যাই, দেবীর পূজার ব্যবস্থা করিগে।  
তুমি যাও, মুহূর্ত্ত বিলম্ব করো না। সমস্ত সৈন্য নিয়ে শ্রীপুর অবরোধ  
কর। বিজয়লক্ষ্মী আমার শিবিরে! আর চিন্তা নাই।

সকলের প্রস্থান

## চতুর্থ দৃশ্য

অষ্টভুজার মন্দির প্রাঙ্গণ। কাল—প্রভাত। পটবাস পরিহিত কেদার রায় পুষ্পালা  
হস্তে প্রবেশ করিয়া মন্দিরাভিমুখে যাইতেছিলেন। পুরীর বহির্ভাগে কোলাহল ও বন্দুকের  
শব্দ হইতেছিল। কেদার রায় একবার থমকিয়া দাঁড়াইলেন, আবার চলিলেন। এমন  
সময় ছুটিয়া রত্নার প্রবেশ

রত্না। বাবা! বাবা!

কেদার। ( ফিরিয়া ) কি মা?

রত্না। মোগল আমাদের প্রাসাদ আক্রমণ করেছে।

কেদার। ( হাসিয়া ) আক্রমণ করুক মা! তাতে আমি ভ্রক্ষেপও  
করি না।

রত্না। বাবা!

• কেদার। তুই দাঁড়া মা! আমি মা ভবানীর চরণামৃত গ্রহণ করে  
এখনি ফিরে আসছি।

রত্না। এর মধ্যে যদি শত্রুসৈন্য পুরী-প্রবেশ করে?

কেদার। তুই ফেপেছিঁস্ মা ? আমি মা ভবানীর পূজা করতে চলেছি,  
 তাঁর আশীর্বাদ গ্রহণ করতে চলেছি ! আমার এই বিজয়লক্ষ্মী শ্রীপুরে  
 থাকতে মোগলের সাধ্য কি পুরীতে প্রবেশলাভ করতে পারে ! তুই  
 একটু অপেক্ষা কর মা, আমি এখনি আসছি ।—জয় মা ভবানী !

মন্দির-চত্বরে উঠিয়া দরজা ধাক্কা দিলেন, দরজা খুলিয়া গেল ! কেদার দৃষ্টিতে  
 দেখিলেন ভবানী-মূর্তি নাই । তিনি উন্মত্তের ন্যায় চীৎকার করিয়া উঠিলেন—

কেদার। মা ভবানি ! এ কি ।

হাত হইতে পুষ্পডালা পড়িয়া গেল

রত্না। বাবা ! বাবা ! কি হয়েছে ? কি হয়েছে ?

দিড়ির উপর উঠিয়া গেল

কেদার। রত্না ! আমার বিজয়লক্ষ্মী চলে গেছে !

রত্না। সে কি !

কেদার। আজ আমার সব শেষ রত্না ! যুদ্ধে আমার প্রাণাপেক্ষা প্রিয়  
 মুকুটকে হারিয়েছি ! কাল্লু সর্দার, কালিদাস ঢালী, বিখনাথ, আমার  
 সব গেছে ! অগণ্য সৈনিক মোগলকে বাধা দিতে গিয়ে মৃত্যু বরণ  
 করেছে ! আমি তাতে বিন্দুমাত্রও বিচলিত হই নি । আমার মনে  
 অসীম বল ছিল । কিন্তু—( কাঁদিয়া ফেলিলেন ) আজ আমার দুদিন  
 দেখে এই পাষাণীও আমায় ছেড়ে চলে গেছে !

রত্না। পাষাণী ! সত্যি পাষাণী । তাই আমাদের ছেড়ে চলে গেছে ।

কিন্তু তা বলে এখন আমাদের হাল ছেড়ে দিলেও ত চলবে না বাবা !

কেদার। চলবে না তা আমি জানি মা ! দেহে শেষ রক্তবিন্দু অবশিষ্ট

থাকতে মোগলের কাছে বশ্যতা স্বীকার করব না, এর শেষ আমাদের দেপতেই হবে। কিন্তু বুঝতে পাচ্ছি মা, আর আশা নেই। বাঙলার সৌভাগ্য-রবি আজ থেকে অন্ধকারে ঢেকে গেল! সব শেষ!

রত্না! তবে উপায়?

কেদার। উপায় মৃত্যু! অল্প উপায় আর নেই মা।

রত্না। তবে তাই হোক বাবা!

কেদার। ভেতরে চল মা—অস্ত্র গ্রহণ কর! জী, পুরুষ, যে যেখানে আছে সকলকে অস্ত্র গ্রহণ করিতে বল, তারা যেন মোগলের পদানত হবার পূর্বের—

কথা বাধিয়া গেল

রত্না। তুমি নিশ্চিত থাক বাবা! যদি যায় তবে মোগলের হাতে আমাদের প্রাণই যাবে, মান যাবে না!

প্রস্থান

কেদার। কেন চলে গেলি পাষাণী? কেন চলে গেলি? এতকাল নিজের হাতে তোর পূজা করে এসেছি, তুণ্ড হৃদয় আমার পূজায়? মানসিংহের দস্তই অক্ষুণ্ণ রাখলি সর্বনাশী?

নেপথ্যে মৃত্যুঞ্জয় বন্ধুকের শব্দ হইতে লাগিল, অস্ত্রের বন্ বন্ শব্দ শোনা যাইতে লাগিল।

রক্তাক্ত কলেবরে নারায়ণের প্রবেশ

কেদার। কে? কে? নারায়ণ?

নারায়ণ। বারুদ ফুরিয়ে গেছে বাবা! বারুদখানা থেকে বারুদ দিয়ে যাবে এমন কেউ আর বেঁচে নাই। আমি নিজেই যাচ্ছি।

কেদার। তোমার কামান ?

নারায়ণ। অরক্ষিত রয়েছে বাবা !

নেপথ্যে দরজা ভাঙার শব্দ হইল

বেদার। নারায়ণ !

নারায়ণ। বিলম্বে সন্ধীনাশ হবে বাবা !

কেদার। অন্তঃপুরের ঘাটে জাহাজ বাঁধা আছে। তোমার মাকে,  
বহ্নাকে এবং অন্তঃপুরের মেয়েদের নিয়ে তুমি পালিয়ে যাও।

নারায়ণ। পালিয়ে যাব ?

কেদার। হ্যাঁ, তোমাকে বাঁচতে হবে।

নারায়ণ। পালিয়ে গিয়ে বাঁচতে আমি চাই না বাবা !

কেদার। আমার আদেশ পালন কর নারায়ণ !

নারায়ণ। বাবা ! আপনার পায়ে পড়ি, এ নিষ্ঠুর আদেশ ফিরিয়ে নিন্ !  
এ কলঙ্কের বোঝা মাথায় নিয়ে আমি পৌঁছে থাকতে চাই না !

কেদার। অবুঝা হয়ে না—আমায় ভুল বুঝোনা বৎস ! আমি পারলাম  
না—কিন্তু আমার ক্যাজ তোমাকেই সম্পূর্ণ করতে হবে ! তোমাকে  
বাঁচতেই হবে !

নারায়ণ পিতাকে ভূমিষ্ঠ হইয়া প্রণাম করিল। কেদার তাহাকে  
বুকে টানিয়া লইলেন

কেদার। আশীর্বাদ করি, সিদ্ধিলাভ কর। বাঙলা মায়ের মুখ  
উজ্জ্বল কর !

নারায়ণের প্রস্থান

কেদার। কতকটা নিশ্চিন্ত !

নিকটেই সৈন্তগণ ক্রোলাহল করিয়া উঠিল—“আলা আলা হো”

কেদার। এই যে এসে পড়েছে! আমার অস্ত্র! আমার বন্দুক!

যাইতে উগত—সহসা দুইজন মোগল সৈন্যের প্রবেশ

১ম সৈনিক। আর পালাতে হবে না! মৃত্যুর জ্ঞাত প্রাপ্ত হও!

কেদারকে মারিতে উগত—দুটিয়া শ্রীমন্তের প্রবেশ

শ্রীমন্ত। সাবধান শয়তান!

১ম সৈন্যকে ছুরিকাঘাতে নিহত করিল

২য় সৈন্য। তবে রে বেইমান!

শ্রীমন্তকে আক্রমণ করিতে গেল, ইত্যবসরে কেদার তাহার টুটি চাপিয়া

ধরিলেন। শ্রীমন্তের ছুরিকাঘাতে সেও নিহত হইল।

নেপথ্যে ভীষণ কোলাহল হইতে লাগিল

কেদার। কে? শ্রীমন্ত!

শ্রীমন্ত। মহারাজ। আমি শ্রীমন্ত নই! আমি পাগল—আমি পাগল—

কেদার। সব শেষ করে আর কেন আমায় বাঁচালে শ্রীমন্ত?

শ্রীমন্ত। কেন বাঁচালেম? এমন একটা মহাপ্রাণ, সমস্ত বাঙলা দেশে  
যার তুলনা নেই, সে পিশাচের হাতে মরবে? একি আমি  
দেখতে পারি?

নেপথ্যে পুনরায় কোলাহল এবং বন্দুকের শব্দ

কেদার। দৃঢ় হস্তে তরবারি ধারণ কর শ্রীমন্ত! আর দেবী নেই!

শ্রীমন্ত। ~~তাই ত! কি করি? কি করি? অসংখ্য মোগল সৈন্য~~  
~~ধ্বংস হইছে!~~ তবে কি কোন উপায় নেই?

নেপথ্যে মানসিংহ। পালাতে দিও না—পালাতে দিও না!

শ্রীমন্ত। আছে! উপায় আছে—চমৎকার উপায়! এই—মহারাজ,  
—এই তার একমাত্র উপায়!

কেদারকে ছোঁরা দেখাইল,

কেদার। পারবে? তুমি পারবে শ্রীমন্ত?

শ্রীমন্ত। পারব মহারাজ! মা ভবানীর আশীর্বাদ!

কেদার। হ্যাঁ, হ্যাঁ—শ্রীমন্ত বন্ধু! আমায় বাঁচাও! আমায় বাঁচাও!

মোগলের দাসত্ব শৃঙ্খল থেকে আমায় অব্যাহতি দাও! মুক্তি  
দাও!

শ্রীমন্ত কেদারকে ছুরিকাঘাত করিল

কেদার। ওঃ—মা—ভবানী—সব—অন্ধকারে ঢেকে গেল—আলো—

আলো—

মৃত্যু

রেজাক খাঁর প্রবেশ

রেজাক। একি! কে একাজ করলে?

শ্রীমন্ত। আমি!

রেজাক। তুই! আঃ—

শ্রীমন্ত। মানীর মান বাঁচিয়েছি! তাঁর মর্যাদা রক্ষা করেছি! কেউ

জানবে না, কেউ বুঝবে না—কিন্তু ভগবান সাক্ষী!

রেজাক। কেন তুই এ কাজ করলি? এবার তাকে বাঁচাবে কে?

শ্রীমন্ত। কে বাঁচাবে? আমাকে বাঁচাবেন মা ভবানী! আমি

পাগল—আমি পাগল

নিজের বক্ষে ছুরি বসাইল—মৃত্যু

মানসিংহের প্রবেশ

মান। একি! কে হত্যা করলে? কোন্‌ শয়তান?

রেজাক। শ্রীমন্ত

হস্ত দ্বারা শ্রীমন্তকে দেখাইয়া দিলেন

মান। ওঃ সেই পাগল,

রক্তাক্ত দেহে কার্তালোর প্রবেশ

কার্তালো। রাজা! রাজা! হামি আসিয়াছে আউর বোয় নেই,  
হামি আসিয়াছে!

হঠাৎ মানসিংহকে সম্মুখে দেখিয়া স্তব্ধ হইয়া দাঁড়াইলেন। তারপর কেদারের  
মৃতদেহের কাছে ছুটিয়া গেলেন।

ও হোঃ! Deus! Oh my God! রাজা! রাজা!

কাঁদিয়া ফেলিলেন

কার্তালো কেদার প্রদত্ত বিজয়পতাকা দ্বারা কেদারের মৃতদেহ চাকিয়া দিলেন এবং  
কোমর হইতে তরবারি গুলিয়া প্রথমে নিজের কপালে ঠেকাইলেন, পরে তাহা কেদারের  
পদতলে রাখিয়া দিলেন

কার্তালো। ব্যাম্! Finish!

মান। সাহেব!

কার্তালো। কুছ্ ভাবনা করিবে না মোগল! হামিও Ready  
আছে। Come on!

বুক ফুলাইয়া দাঁড়াইলেন

মান। তোমাদের হত্যা করিতে ত আমরা আসি নি!

কার্তালো। আলবৎ আসিয়াছে। হামার রাজাকে মারিয়াছে, আউর  
বলছে আসে নাই—হত্যা করিতে আসে নাই।

মান। তোমাকে আমরা হত্যা করব না সাহেব। অস্ত্র পরিত্যাগ কর।

কার্তালো। What? (উত্তেজনা বসে পিস্তল বাহির করিতে গিয়া  
কাঁদিয়া ফেলিলেন) No, No, মোগল। হামি পর্তুগীজ আছে।

রাজার নিমক খাইয়াছে, বেইমানী জানে না। রাজা মরিতে জানে,

আউর হামি জানেনা ? আলবৎ জানে ! মোগলের হাতে হামি  
বন্দী হইবে না। কভি নেই -রাজা ! রাজা ! হামার রাজা !

নিজের দৃকে জ্বলি করিলেন

Forgive me God ! Good-bye Bengal !!

মৃত্যু

রেজাক । আশ্চর্য্য ! বাঙলা জয় এভাবে সম্পূর্ণ হবে, এ আমি কল্পনাও  
করতে পারি না মহারাজ !

আবুলফিত্তকেশা রত্না এবং অত্যাচার মেয়েদের প্রবেশ

রত্না । বাঙলা জয় এখনও সম্পূর্ণ হয় নি মোগল সেনাপতি !

মান । কে মা তোমরা ?

রত্না । চিনতে পার্ছ না কে আমরা ? ভাল করে চেয়ে দেখ — ঠিক  
চিনতে পারবে ! এ মরণ-যজ্ঞে আজ যারা প্রাণ দিয়েছে, আমরা  
তাদেরই পিতৃহারা কন্যা, ভ্রাতৃহারা ভগ্নী । তাদেরই পতিহারা স্ত্রী,  
পুত্রহারা জনমী ! বাঙলা শাসন করেছে । এখনও তোমাদের রক্ত  
পিপা না মেটে নি ? আমরাই বা বাকী থাকি কেন ? এ মরণ  
যজ্ঞের পূর্ণাভিষেক দাও !

রেজাক খাঁর সম্মুখে নতজানু হইয়া বসিল

রেজাক । তোমাদের হত্যা করতে আমরা আসি নি মা ! আমরা এই  
প্রাসাদ-দুর্গ অধিকার করতে এসেছি, আমাদের পথ ছেড়ে দাও !

রত্না ! তা হয় না মোগল সেনানী ! আমাদের হত্যা না করে কিছুতেই

তোমরা পুরী-প্রবেশ করতে পারবে না ।

রেজাক । মহারাজ !



পঞ্চম অঙ্ক

কেদার রায়

পঞ্চম দৃশ্য

বত্স। ( মানসিংহের সম্মুখে গিয়া ) আপনিই রাজা মানসিংহ ?

বান্দলার এই সর্পনাশ কেন করলেন আপনি ? হিন্দু হয়েও হিন্দুর  
সর্পনাশ কেন করলেন মহারাজ ?

রেজাক । মহারাজ ?

মান । ফিরে চল, ফিরে চল, রেজাক থা ! বান্দলা জয় আপাততঃ  
স্থগিত রইলো !

রেজাক । স্থগিত রইলো !

মান । আমিও মাগুষ রেজাক থা, এ বাধা অতিক্রম করবার শক্তি  
আমার নেই ! সাহস আমার নেই !!

হাতের তরবারি ফেলিয়া দিলে

যবনিকা

---

২০৩১১, কর্ণওয়ালিস স্ট্রীট, কলিকাতা হইতে গুরুদাস চট্টোপাধ্যায় এণ্ড সন্স-এর পক্ষে

শ্রীকুমারেশ ভট্টাচার্য্য কর্তৃক প্রকাশিত ও শৈলেন প্রেস, ৪, সিমলা স্ট্রীট, কলিকাতা

, হইতে শ্রীতীর্থপদ রাণা কর্তৃক মুদ্রিত ।

## সংগঠনকারিগণ

পরিচালক	ক্যালকাটা থিয়েটার
প্রযোজক	নরেশচন্দ্র মিত্র
স্বরশিল্পী	অমর বসু ও ধীরেন দাস
সঙ্গীত-শিক্ষক	রাধাচরণ ভট্টাচার্য্য
নৃত্য-পরিকল্পনা	নীহারবালা
দৃশ্যপট-পরিকল্পনা	পরেশ বসু ( পটলবাবু )
মঞ্চাধ্যক্ষ	ভূপেন্দ্রনাথ দত্ত
হারমোনিয়ম-বাদক	রাধাচরণ ভট্টাচার্য্য
পিয়ানো-বাদক	বনবিহারী পাল
বংশী-বাদক	নেপাল রায়
বেহালী-বাদক	ধীরেন্দ্রনাথ দাস, ক্ষীরোদচন্দ্র
ও যান্ত্রিক	গাঙ্গুলী ও প্রিয়লাল চৌধুরী
স্মারক	কালীপদ বন্দ্যোপাধ্যায়
ঐ সহকারী	মণিগোপাল মুখোপাধ্যায়
আলোক-সম্পাতকারী	সুধীর সুর, শৈলেন দত্ত ও বলাই সাহা
এম্ব্লিকায়ার মিউজিক	ডি, এন, মল্লিক
আহাধ্য সংগ্রাহক	সত্যচরণ মুখোপাধ্যায়
বেশকারিগণ	কুণ্ডলাল রায়, গোবিন্দ দাস ও ননীগোপাল গাঙ্গুলী

# প্রথম অভিনয় রজনীর শিল্পী-পরিচয়

## পাত্র

চাঁদ রায়

কেদার রায়

নারায়ণ রায়

মুকুট রায়

শ্রীমন্ত

বিশ্বনাথ

রত্নগত

কালু সর্দার

দ্রশা থা

ফজলু থা

তাহের

কার্তালো

মানসিংহ

কিলমক্ থা

রেজাক থা

সাদি থা

ওস্মাক্ থা

অন্ধ বাউল

হকিম

রবি রায়

অহীন্দ্র চৌধুরী

কমল ঘোষ

বিনয় মুখোপাধ্যায়

নরেশ মিত্র

গগন চট্টোপাধ্যায়

জীবন চট্টোপাধ্যায়

মণি ঘোষ

জহর গাঙ্গুলী

সুবল ঘোষ

গিরিজা মিত্র

ভূমেন রায়

সন্তোষ দাস

খগেন দাস

হরিধন মুখোপাধ্যায়

সুধাংশু মিত্র

বেচু সিংহ

ধীরেন দাস

দেবেন ভৌমিক

বালকবেশী শ্রীকৃষ্ণ

পাকুলবালা ( পরে )

মুকুলবালা

গুপ্তচর

• দেবেন ভৌমিক ও বিপিন বসু

পর্ভুগীজ মৈত্রদয়

বিমল ঘোষ ও ফণী দাস

ভৃত্য

চিত্ত ভট্টাচার্য্য

গ্রামবাসীগণ

বনবিহারী পান, হরিদন মুখোপাধ্যায়,

সুবল ঘোষ, মণিচক্রবর্তী ও সুষাংশু মিত্র,

বনবিহারী পান, অমূল্য হালদার, রাধা-

চরণ ভট্টাচার্য্য, বিপিন দাস ও নিমাই

চক্রবর্তী

সৈন্তগণ

গোপাল ব্যানার্জী, চিত্ত ভট্টাচার্য্য, কমল

দাস, তারাপদ ঘোষ, বিপিন বসু, ধীরেন

সরকার, মোরেন দত্ত, নিমাই চক্রবর্তী,

শান্তি পাল ও প্রহ্লাদ চৌধুরী

ভিক্ষুকগণ

দেবেন্দ্র ভৌমিক, তারাপদ ঘোষ,

মোরেন দত্ত, ধীরেন সরকার, প্রহ্লাদ

চৌধুরী ও বিপিন বসু

স্নানার্থীগণ

মণি চক্রবর্তী, স্মৃতিশ ঘোষ ও বিমল গুহ

## পাত্রী

সুন্দরী	মনোরমা
সোণা	নিরুপমা
রত্না	চারুবালা
মায়া	রেণুকা রায়
শান্তি	ছায়া দেবী
প্রধানা নর্তকী ও বৈষ্ণবী	দুর্গাবতী
হরিদাসী	স্ববাসিনী
বৃদ্ধা	কোহিনূরবালা
বাদীদ্বয়	বিদ্যুৎলতা ও রাজলক্ষ্মী ( ককা )
নর্তকীগণ	বিদ্যুৎলতা, মুকুলমালা, স্ববাসিনী
	বিভা, স্নেহলতা, নন্দমাণী দত্ত, কক
	নির্মলাবালা, বাণা দাস, রাণী, পারুল,
	দুর্গা ও বুচকী
অনার্থীগণ	ঐ





